



第二冊

盧仝詩一卷集外詩一卷

賈浪仙詩九卷拾遺一卷

韓偓詩不分卷

薛能詩不分卷

附金華山陳拾遺亭記

庚子秋同被天子詔校唐書讀博昌傳博昌與子昂以術說武墾故贊貶之曰子昂之于言其聾瞽歟嗚呼知君子用世處時之深意也明堂太學在昔帝王所以恢大教化之地自非古文崇教之主為之網維作則以稱其舉豈淫艷荒惑險刻殘詖婦人之所宜與乎緣事警姦立文矯僭伯王之當此亦味于其中矣彼博昌者本好曆教末伎之書但能略顧大體顯務記覽以濟其末學豈可引伯玉而萬古籌夷耶杜子美韓退之唐之偉人也子美云終古立

萬古不可開不料至神物有此大狼狽星如撒沙出爭頭
事光大奴婢炷暗燈揅烏感反炎如玳瑁今夜吐燄長如虹
孔隙千道射戶外玉川子涕泗下中庭獨自行念此日月
者太陰太陽精皇天要識物日月乃化生走天汲勞四
體與天作眼行光明此眼不自保天公行道何由行吾見
陰陽家有說望日蝕月月光滅朔月掩日日虧缺兩眼不
相攻此說吾不容又孔子師老子云五色令人目盲吾恐
天似人好色即喪明幸且非春時萬物不嬌榮青山破瓦
色綠水冰崢嶸花枯無女艷鳥死沉歌聲頑冬何所好偏

使一目盲傳聞古老說蝕月蝦蟆精徑圍一作千里入汝

腹汝此癡骸阿誰生可從海窟來便解綠青冥恐是睚睫

間措一作揅塞所化成黃帝有四目帝舜重瞳明二帝懸四

目四海生光輝吾不遇二帝滉漭不可知何故瞳子上坐

受蟲豸欺長嗟白兔搗靈藥恰似有意防姦非藥成滿臼

不中度委任白兔夫何為憶昔堯為天十日燒九州金爍

水銀流玉燭音炒丹砂焦六合烘為窟音遙堯心增百憂帝見

堯心憂勃然發怒決洪流立擬沃殺九日妖天高日走沃

不及但見萬國赤子臍一作生魚頭此時九御導九日

爭持節幡麾幢流駕車六九五四頭蛟螭虬掣電九火
輶汝若蝕開齒齒輪御轡執索相爬鈎推蕩轟訇入汝喉
紅鱗燄鳥燒口快翎鬣倒側聲駭鄒撐腸柱肚礪傀如山
丘自可飽死更不偷不獨填飢坑亦解老心憂恨汝時當
食藏頭壓腦不肯食不當食張脣哆嘴食不休食天之眼
養逆命安得上帝請汝劉嗚呼人養虎被虎齧天媚墓被
墓瞎及媚墓被墓瞎紀事作天昏暮得瞽疾蝦蟆敢將天
眼瞎乃知恩非類一一自作孽吾見患眼人必索良工訣
想天不異人愛眼固應一安得嫦娥氏來習扁鵲術手操

春喉弋去此睛上物其初見猶朦朧既久如抹漆漆但恐功
業成便此不吐出玉川子又涕泗下心禱再拜額榻砂土
中地上蟻虱臣全告懇帝天皇臣心有鉄一寸可剗妖墓
癡腸上天不為臣立梯蹬臣血肉身無由飛上天揚天光
封詞付與小心風颭越一作排闥闔入紫宮密邇玉几前擘
拊奏上臣全頑愚曾敢死橫干天代天謀其長東方蒼龍
角挿戟尾捍一作風當心開明堂統領三百六十鱗蟲坐
理東方宮月蝕不救援安用東方龍南方火鳥赤潑血頂
長尾短飛跋躩一作頭戴丹冠高達枿月蝕鳥宮十三度

鳥為居停主人不覺察貪向何人家行赤口毒舌毒蟲頭
上喫却月不啄殺虛貶鬼眼明冥音窩音鳥罪不可雪西
方攫虎立跡几音斧為牙鑿為齒偷犧牲食封豕大墓一
縲固當軟美見似不見是何道理瓜牙根天不念天天若
准擬錯准擬北方寒龜被蛇縛藏頭入殼如入獄蛇筋束
緊束破殼寒龜夏鼈一種味且當以其肉充臙死殼沒信
處唯堪支床脚不堪鑽灼與天下卜歲星主福德官爵奉
董秦忍使黔婁生覆尸無衣巾天失眠不弔歲星胡其仁
熒惑矍鑠翁執法火不中月明無罪過不糾蝕月蟲年

十月朝太微支盧謫罰何灾凶土星與土性相背反養福
德生禍害到人頭上死破敗今夜月食安可會太白真將
軍怒激鋒鏑生怕州陣斬鄴定進項骨脆甚春蔓菁天唯
两眼失一眼將軍何處行天兵辰星任廷尉天律自主持
人命在盆底固應樂見天盲時天若不肯信試喚臯陶鬼
一問一如今日三台文昌宮作上天紀網環天二十八宿
磊音尚書即整頓排班行劔握他人將一肆太陽側一肆
天市傍操斧伐伐大匠两手不怕傷孤矢引滿反射人天狼
呀啄明煌音癡牛與駮女不肯勸農桑徒勞含淫思旦夕

遙相望蚩尤簸旗弄旬朔始樞天鼓鳴璫琅枉矢能蛇行
眉一作目森々張天狗下舐地血流何滂々譎險萬々黨
架構何可當睽目疊成就害我光明王請留北斗一星相
北極指麾萬國懸中央此外盡拂掃除堆積如山岡贖我父
母光當時煙星沒殞兩如迸漿似天會事發叱喝誅奸強
何故中道廢自遺今日殃善々又惡々郭公所以亡願天
神聖心無信他人忠玉川子詞詭風色緊格々近月黑暗
邊有似動劒戟須臾癡墓精兩吻自決折初露半箇壁漸
吐滿輪魄衆星盡原赦壹墓獨誅磔腹肚忽脫落依舊掛

穹碧光彩未蘇來慘澹一片白奈何萬里光受此吞吐厄
再得見天眼感荷天地力或問玉川子孔子脩春秋二百
四十年月蝕盡不收今子吐詞詞頌回合孔意不玉川子笑
答或請聽逗遛孔子父母魯諱魯不諱周書外書大惡故
月蝕不見收予命唐天口食唐土唐禮過三唐樂過五小
猶不說大不可數灾沴無有大小瘡安其引衰周研覈可否
日分晝月分夜辨寒暑一主刑一主德政乃舉孰為人面
上一目偏可去願天完兩日照下萬方土萬古更不瞽萬
萬古更不瞽照萬古

哭玉碑子

山有洞左頰拾得玉碑子其長一周尺其闊一藥七顏色
九秋天稜角四面起輕歎吐寒流清悲動神鬼稽首置手
中只似一片水至文反無文上帝應有以予疑仙石靈願
以仙人比心期香湯洗滌送籙堂裏頗柰窮相騾行動如
跛鱉十里五里行百蹶復千蹶顏子不少天玉碑中路折
橫文尋龜兆直理任瓦裂劈竹不可合破環永離別向人
如有情似痛滴無血勘鬪平地上罅折多齧缺百見百傷
心不堪再提挈恠哉堅貞姿葱脆不堅固矧曰人間人安

能保常度敢問生物成敗為有真素為稟靈異氣不得受
穢污驢罪真不厚驢生亦錯誤更將前行復恐山神怒
白雲翁閉嶺高松吟古墓置此恐其傷驅驢下山路去作

觀放魚歌

常州賢刺史從諫議大夫除天地好生物刺史性與天地
俱見山客狎魚鳥坐山客北亭湖命舟人駕舫子漾：菰
蒲酒興引行處正見漁人漁刺史密會山客意復念網羅
嬰無辜忽脫身上殷緋袍盡賣苦獲盡有無鰻鱸鮎鱧鱠
涎惡最頑愚鱗魴見幽風質幹稍高流時白噴雪鯽鯉菑

此輩肥脆為絕尤老鯉變化頗神異三十六鱗如抹珠水
苞弘虛有蛟翼餌非龍餌唯無鱸叢雜百千頭性命懸須
臆天心應刺史刺史盡活諸一一投深泉跳脫不復拘得
水競騰突動作詭恠殊或透藻而出或破浪而趨或掉尾
了了或奮鬣愉愉或如或如蛇銜珠四散漸不見
島嶼徒縈紆鷓鴣鷓鴣喜觀爭叫呼小鰕亦相慶遠岸
搖其鬚乃知貪生不獨頑癡夫可憐百千命幾為中腸菹
若養聖賢貞大烹龍髓敢惜乎苦痛如今人盡是魚食魚
族類恣飲噉強力無親踈明刺史心不欲與物相欺誣

岸蟲兩典命無意殺此活彼用賊徒亦憶清江使橫遭乎
余且聖神七十鑽不及泥中鱸哀哉託非賢五臟生冤讎
若當刺史時聖物保不囚不疑且不卜二子安能諛二子
襁故諛吾知心受誅禮重一草木易卦稱中孚又曰鈞不
綱又曰遠庖厨故一作仁人用心刺史盡合符昔魯公觀
棠距一作箴遂被孔子貶而書今刺史好生德洽民心誰
為刺史一褒譽刺史自上来德風如草鋪衣冠興廢禮百
姓戒暴租豪猾不豪猾鰥孤不鰥孤開古孟漬三十里四
千頃泥坑為膏腴刺史視之揔若無訟庭雀噪坐不得湖

上拔芟植芙蓉勝業莊中二桑門時對坐談真如因說
十千天子事福力當典刺史俱天雨曼陀羅花深沒膝四
十千真珠纓絡堆高樓此事惟特不可會但慕刺史仁有
餘刺史勅左右兼小家一有生字奴慎勿背我沉毒鈞念魚承
奉刺史仁深僻處遠遊刺史官職小教化未能敷第一
莫近人惡人唯口腴第一莫出境四境多網罟重傷刺史
心喪爾微賤軀

示添丁

春風苦不仁呼逐馬蹄行人家慚媿瘴氣却憐我入我憐

悴骨中為生涯數日不食強行何忍索我抱着滿樹花
不知四體正困憊泥人啼哭聲呀忽來案上翻墨汁塗
抹詩書如老鴟父憐母惜摑不得却生癡笑令人嗟宿春
連曉不成米日高始進一椀茶氣力龍鍾頭欲白憑仗添
丁莫惱爺

寄男抱孫

別來三得書道違離久書處甚羸殺且喜見汝手殷十
七又報汝文頗新有別來總經年囊盎未合斗當時汝母
賢日夕加訓誘尚書當畢功禮記速須剖唼囉兒讀書何

異摧枯朽尋義低作聲便可養年壽莫學村學生羸氣強
叫吼下學偷功夫新宅鋤藜莠乘涼勸奴婢園裏耨葱韭
遠籬編榆棘近眼栽桃柳引水灌竹中蒲池種蓮藕撈漉
蛙蟬脚莫遣生科斗竹林吾最惜新筍好看守萬籜苞龍
兒攢迸溢林藪吾眼恨不見心腸痛如搗宅錢都未還債
利日、厚籜龍正稱冤莫殺入汝口丁寧囑託汝、活籜
龍不殷十七老儒是汝父師友傳讀有疑悞轉告諮問取
兩手莫破拳一吻莫飲酒莫學捕鳩鴿莫學打鷄狗小時
無大傷習性防已後頑發苦惱人汝母必不受任汝惱弟

妹任汝惱姨舅姨舅非吾親弟妹多老醜莫惱添丁郎淚
子作面垢莫引添丁郎赫赤日裏走添丁郎小小別吾來
久、脯、不得喫兄、莫燃搜他日吾歸來家人若彈紉
一百放一下打汝九十九

自詠三首

為報玉川子知君未是賢一作雖低頭須一作有地仰面輒無天
骨肉清成瘦蒿蔓老覺羶家書與心事相伴過流年

其二

盧子蠃腫一作龍種也賢愚惚莫驚蚊蝻當家口草石是親情

萬卷堆曾朽三光撮眼明
翻悲廣成子閑氣說長生

王川子將

終旬月作此詩蓋有
曳杖起之知也

其三

物外無知己人間一癖王
生涯身是夢耽樂酒為鄉
日月黏鬢鬢雲山鎖肺腸
愚公只云是不用謾驚張

送王儲詹事西遊獻兵書三首

美酒撥醅酌楊花飛盡時
落日長安道方寸無人知
篋中制勝術氣雄屈指筭
半醉千殷勤仰天一長歎
玉匣百鍊劔龜文又龍吼
抽贈王將軍勿使虛白首

送邵兵曹歸江南

春風楊柳陌連騎醉離觴
千里遠山碧一條歸路長
花開愁北渚雲去渡南湘
東望濛濛起烟波是故鄉

寄外兄魏澈

何處堪惆悵情親不見親
興寧樓上月辜負酒家春

喜逢鄭三遊山

相逢之處花茸石一作峭
壁攢峯千萬重他日期君何處

好寒流石上一株松

卓女怨

妾本懷春女春懷不自任迷魂隨鳳客嬌思入琴心託援
交情重當壚酌意深誰家有夫婿作賦得黃金

守歲二首

去年留不住年來也任他當壚一榼酒爭柰兩年何

其二

老來經節臘樂事甚悠悠不及兒童日都盧不解愁

新月

仙宮雲箔卷露出玉簾鈎清光無所贈相憶鳳凰樓

解悶

人生都幾日一半是離憂但有樽中物從他萬事休

楊子津

風卷魚龍暗楚關白波沉却海門山鵬騰鰲倒且快性地
折天開揔是閑

人日立春

春度春歸無限春今朝方始覺成人從今克已應猶及願
典梅花俱自新

送尉遲羽之歸宣州

君歸乎君歸興不孤謝眺澄江今夜月也應憶著此山夫

悲新年

新年何事最堪悲
病客遙聽百舌兒
太歲只遊桃李徑
春風肯管歲寒枝

憶酒寄劉侍郎

愛酒如偷蜜
憎醒似見刀
君為翅藥主
酒醴莫辭勞

白鷺鷥

刻成片玉白鷺鷥
欲捉纖鱗心自急
躑一作翅足沙頭不得

時傍人不知謂閑立

風中琴

五音六律十三徽
龍吟鶴嚮思庖羲
一彈流水一彈月
水

月風生松樹枝

感秋別怨

霜秋自斷魂
楚調怨離分
魄散瑤臺月
心隨巫峽雲
娥眉誰共畫
鳳曲不同聞
莫似湘妃淚
班班點翠裙

新蟬

泉溜潛幽咽
琴鳴乍往還
長風剪不斷
還在樹枝間

題褚遂良孫庭竹

負霜停雪舊根枝
龍笙鳳管君莫截
春風一番琴上來
搖

碎金鑄碧天月

訪含曦上人

三入寺曦未來
輓轡無繩井百尺
渴心歸去生塵埃

含曦酬

長壽寺石壁盧公一首詩
渴讀即不渴
飢讀即不飢
鯨飲海水盡
露出珊瑚枝
海神知貴不知價
留向人間光照夜

客淮南病

揚州蒸毒似燂湯
客病清枯鬢欲霜
且喜閉門無俗物
四肢安穩一張床

村醉

村醉黃昏

一作昨夜村飲

歸連倒三四
伍摩挲青莓苔
莫嗔驚看汝

蕭宅二三子贈荅詩二十首并序

蕭才子脩文行名聞
將遷家于洛
賣揚州宅未售
王川子客揚州
羈旅識蕭遂館蕭
未售之宅既而蕭有事于歙州
王川子欲歸洛憶蕭遂
典砌下二三子酬酢說相媿
意娥而二三子有憂宅售心
與其他人手執與洛客以蕭故
亦有勉強不能逆其情文以見意
遂盡錄寄蕭天知地知非苟

有所欲二三子心遠訥君子蕭乎蕭乎君歸不得見者細
長三四片者乎

客贈石

竹下清萍中細長三四片主人雖不歸長見主人面

石讓竹

自顧撥不轉何敢當主人竹弟有清風可以娛嘉賓

竹答客

竹弟謝石兄清風非所任隨分有蕭瑟實無堅重心

石請客

竹弟雖讓客不敢當客恩自慙埋沒久滿面蒼苔痕

客答石

遍索天地間彼此最癡癖主人幸未來與君為莫逆

石答竹

石報孤竹君此客甚高調共我相共癡不怕主人天下笑
我非蚨蝶見我非桃李枝不要見女樸不要春風吹苔蘚
印我面雨露皴我皮此故不嫌我突兀蒙相知此客即西
歸我心徒依我欲隨客去累重不解飛知弟虛心亦待
客此客何以共報之

竹請客

我本泰山阿避地到南國主人欲移家我亦要歸北上客
幸先歸願託飛翼唯將脩一風累路報恩德
楊州駁雜地不辨龍蛇場客身正乾枯竹處無膏澤太山
道不遠相庇實無力君若隨我行必有煎茶厄

石請客

啓母是諸母三十六峯是諸父知君家近父母家小人安
得不懷土憐君與我金石交君歸可得共載否小人無以

報君恩使君池亭風月古

客謝石

我有水竹莊甚近嵩之顛是君歸休處可以終天年雖有
提攜勞不憂糧食錢但恐主人心疑我相釣竿

石再請客

主人若知我應喜我結得君主人不知我、任何求於主
人我在天地間自是一片物可得枉壓我使我頭不出

客許石

石公說道理句、出凡格相知貴知心豈恨主為客過須

歸去來旦晚上無厄主人誠賢人多應不相責

井請客

我生天地間頗是往還數已効炊爨勞我亦不願住君有造化力在君一降顧我願拔黃泉輕舉隨君去

客謝井

改邑不改井此是井卦辭井公莫恠驚說我成憨癡我縱有神力爭敢將公歸揚州惡百姓疑我卷地皮

馬蘭請客

蘭君是小草不怕即君罵願得隨君行暫到嵩山下

客請馬蘭

嵩山未必憐蘭君蘭君已受即君息不須刷帚跳蹤走只擬蘭浪出其門

蛺蝶請客

粉末為四體春風為生涯願得紛飛去與君為眼花

客請蛺蝶

君是輕薄子莫窺君子腸且須看雀兒雀兒銜爾將

蝦蟇請客

凡有水竹處我曹長先行願君供我一勺水與君晝夜歌

德聲

客請蝦蟆

蝦蟆、叩頭莫語人聞聲揚州蝦蟆忽得便腥臊臭穢逐
我行我身化作清泥坑

卷二

龜銘

龜汝靈於人不靈於身致網于津吾靈於身不靈於人致
走于塵龜吾與汝隣

梳銘

有髮号朝、思理有身号胡不如是

小婦吟

小婦欲入門隈門勻紅粧大婦出門迎正頓羅衣裳門邊
兩相見笑樂不可當夫子于傍聊一作斷腸小婦吟隄上
高堂開玉匣取琴張陳金壘酌滿觴願言兩相樂永與同
心事我即夫子于傍剩欲狂珠簾風度百花香翠帳雲屏
白玉床鳥休啼花莫笑女英新喜得娥皇

月下寄徐希仁

夜半沙上行月瑩天心明沙月浩無際此中離思生上天

何家廓下地何崢嶸吾道豈已矣為君傾兕觥

贈徐希仁石硯別

靈山一片不靈石手斲成器心所惜鳳鳥不至池不成蛟
龍乾蟠水空滴青松火鍊翠烟凝寒竹風搖遠天碧今日
贈君離別心此中至淺造化深用之可以過珪璧棄置還
為一片石

有所思

當時我醉美人家美人顏色嬌如花今日美人棄我去青
樓珠箔天之涯娟娟嫦娥月三五二八盈又缺翠眉蟬鬢

生別離一望不見心斷絕心斷絕幾千里夢中醉卧巫山
雲覺來淚滴湘江水湘江兩岸花木深美人不見愁人心
含愁更奏綠綺琴調高絃絕無知音美人兮美人不知為
暮雨兮為朝雲相思一夜梅花發忽到窓前疑是君

樓上女兒曲

誰家女兒樓上頭指揮婢子掛簾鈎林花撩亂心之愁卷
却羅袖彈箏篴篴歷亂五六絃羅袖掩面啼向天相思
絃斷情不斷品彙作相思落花紛向天情不斷心欲穿心欲穿憑欄
干相憶柳條綠相思錦帳寒直綠感君恩愛一迴顧使我

雙淚長珊珊，我有嬌靨待君笑。我有嬌蛾待君掃。鶯花爛熳，君不來及。至君來，花已老。心腸寸斷，誰得知。玉階幕歷生青草。

秋夢行

客來行

一作

一夜秋風起，客夢南遊渡湘水。湘水冷，徹底

清。二妃怨處無限情，娥皇不語啓嬌靨。女英目成轉心慚，長眉入鬢何連娟。肌膚白玉秀且鮮，徘徊共詠東方沉吟。再理東風絃聲斷，續思綿綿中含幽意。兩不宣，殷勤纖手驚破夢中宵。寂寞心悽然，心悽然腸亦絕。寐不寐兮玉

枕寒，夜深夜兮霜似雪。鏡中不見雙翠眉，臺前空掛纖纖月。纖纖月盈復缺，娟娟似眉意難訣。願此眉兮如此月，千里萬里光不滅。

自君之出矣

自君之出矣，壁上蜘蛛識近取。見妾心夜夜無休息，妾有雙玉環寄君表。相憶環是妾之心，玉是君之德。馳情增悴容，蓄損精力玉筆寒。悽悽延想心惻惻，風含霜月明冰泛碧。天色此水有盡時，此情無終極。

走筆謝孟諫議寄新茶

日高丈五睡正濃軍將扣門驚周公口云諫議送書信白
緜斜封三道印開緘宛見諫議面手閱月團三百片聞道
新年入山裏蟄驚動春風起天子賜灑嘗陽羨茶百草不敢
先開花仁風暗結珠琲一作蓓先春出黃金芽摘鮮焙
芳旋封裹至精至好且不奢至尊之餘合王公何事便到
山人家柴門反閉無俗客紗帽籠頭自煎喫碧雲引風吹
不斷白花浮光凝碗面一椀喉吻潤兩椀破孤悶三椀搜
腸枯唯有文字五千卷四椀發輕汗平生不平事盡向毛
孔散五椀肌骨清六椀通仙靈七椀喫不得也唯覺兩腋

習々清風生蓬萊山在何處玉川子乘此清風欲歸去山
上群仙司下土地位清高隔風雨安得知百萬億蒼生命
墮在巔崖受辛苦便為諫議問蒼生到頭還得蘇息否

冬行三首

蟲豸臘月皆在蟄吾獨何乃勞其形小大無由知天命但
怪守道不得寧老母妻子一揮手涕下便作千里行自顧
不及遭霜葉旦夕保得同飄零達生何足云偶然苦樂經
其身古來堯孔與桀跖善惡何補如今人

其二

長羊愛伊決計卜長久賒買里仁宅水竹且小有賣宅
將還資舊業若不厚債家懲利心餓虎血染口臘風刀刻
肌遂向東南走賢孔韓負外勸我莫強取憑風謝長者敢
不愧心苟賃載得估舟估雜非吾偶壯色排榻席別座夸
羊酒落日無精光唾暝被掣肘漕石生齒牙洗灘亂相掬
奔澌嚼篙杖夾岸雪龍吼可憐聖明朝還為喪家狗通運
隔南溟債利柱北斗楊州屋舍賤還債堪了不此宅貯書
籍地濕憂蠹朽價僕舊相識十年典營守貧文多變態僕
得君子不利命子罕言我誠孔門醜且貴終焉圖死免慙

狐首何敢歸帝鄉白雲永相友

其三

不敢唾汴水汴水入東海污泥龍王宮恐獲不敬罪不敢
蹋汴堤汴堤連秦宮蹋盡天子土餽餽無由通此言雖太
濶且是臣心腸野風結陰兵千里鳴刁槍海月護羈魄到
曉點孤光上不事天子下不識侯王夜半睡獨覺爽氣盈
心堂顏子甚年少孔聖同行歲我年過顏子敢道不自強
船人雖奴兵亦有意智長問我何所得樂色 填清揚我
報果有為孔經在衣裳

常州孟諫議座上聞韓員外
方貶國子

博士有感五首

忽見除書到韓君又學官死生從有命人事始知難烈火
先燒玉庭蕪不養蘭山夫典刺史相對兩巔岼

其二

干祿無便佞宜知默此身員郎猶小小國學大頻孤官
心肝直天王苦死嗔朝廷無諫議誰是雪韓人

其三

何事遭朝貶如何被不容不知思所自只欲涕無從爵服
何曾好荷衣已慣縫朝官莫相識歸去老巖松

其四

力小垂上天高又不登致身唯一已獲罪則顏朋祿位
埋坑穿康莊壘劔稜公卿共惜取莫遣玉山崩

其五

誰憐野田子海內一韓侯左道官雖樂剛腸得健無
功名生地獄禮教死天囚莫言耕種好須避蒺藜秋

夏夜聞蚯蚓吟

夏夜雨欲作傍砌蚯蚓吟念爾無筋骨也應天地心汝無
親朋累汝無名利侵孤韻似有說哀怨何其深汎汎輕薄

子旦夕還謳吟肝膽異汝輩熱血徒相侵
揚州送伯齡過江
伯齡不厭山不養伯齡松顛有樵墮石上無禾生不忍
六尺軀遂作東南行諸侯盡食肉壯氣吞八紘不啣溜鈍
漢何由通姓名夷齊餓死日武王稱聖人節義士枉死何
異鴻毛輕努力事干謁我心終不平

憶金戴山沈山人二首

君家山頭松樹風適來入我竹林裏一片新茶破鼻香請
君速來助我喜莫合九轉大還丹莫讀三十六部大洞經

閑來共我說真意齒下領取真長生不須服藥求神仙神
仙益智或偶然自古聖賢放入土淮南雞犬驅上天白日
上昇應不惡藥成且輒一丸藥暫時上天少問天蛇頭蝎
尾誰安著

其二

君愛鍊藥欲成我愛鍊骨已清試自比較得仙者也
應合得天上行天門九重高崔嵬清空鑿出玉金堆夜叉
守門晝不啓夜半醮祭夜半開夜叉喜催動關鎖聲爆
地生風雷地上禽獸重血食性命血化飛黃埃太上道君

蓮花臺九門隔澗安在哉嗚呼沈君大藥成兼須巧會鬼
物情無求長生喪厥生

寄蕭二十三慶中

蕭乎蕭乎憶蕭者嵩山之盧，揚州蕭歙州相思過春花
鬢毛生麥秋千灾萬怪天南道猩，鸚鵡皆人言山魃吹
火蟲入椀鵝鳥呪咀鮫吐涎就中南瘴欺北客憑君數磨
犀角喫我憶君心千百間千百間君何時還使我夜夜勞
魂魄

贈金鷲山人沈師魯

金鷲山中客來到揚州市買藥床頭一破顏撒然便有上
天意日月高掛玄關深金膏切淬肌骨異人皆食穀典五
味獨食太和陰陽氣浩々流珠走百關綿々若存有深致
種玉不耕山外非內粹鑿儒關決文泉彰風雅因君不復
墜光不外照刃不磨迴避人間思富貴三日四日五六月
盤礴化元搜萬類晝飲興酣陶天和夜話造微 精魅示
我挿血不死方賞我風格不肥賦肉眼不識天上書小儒
安敢窺奧秘崑崙路隔西北天三山後浮不著地君到頭
上憶我時金簡為吾鐫一字

難昨日三首

昨日之日不可追今日之日須臾期如此如此復如此壯
心死盡生鬢絲秋風落葉客腸斷不辨斗酒開愁眉賢名
聖行甚辛苦周公孔公徒自期又云骨朽名揚徒爾為

其二

天下薄夫苦耽酒玉川先生也耽酒薄夫有錢恣張樂先
生無錢養恬漠有錢無錢俱可憐百年驟過如流川平生
心事消散盡天上白日悠悠懸

其三

上帝版、主何物日車劫、西向沒自古賢聖無柰何道
行不得皆白骨白骨土化鬼入泉生人莫負平生年何時
出得禁酒國滿甕釀酒曝背眠

月蝕詩

東海出明月清明照毫髮朱絃初罷彈金兔正奇絕三五
典二八此時光滿時頗柰蝦蟆兒吞我芳桂枝我愛明鏡
絜爾乃痕翳之爾且無六翮焉得昇天涯方寸有白刃無
由揚清輝如何萬里光遭爾小物欺却吐天漢中良久素
魄微日月尚如此人情良可知

直鈎吟

初歲學鈎魚自謂魚易得三十持鈎竿一魚鈎不得人鈎
曲我鈎直哀哉我鈎又無食文王既沒不復生直鈎之道
何時行

典馬異結交詩

天地日月如等閑盧仝四十無往還唯有一片心脾骨巉

巖摧

一本無
推字

率肆兀鬱律刀劔為峯崑平地放着高如崑

崑山天不容地不受日月不敢偷照耀神農畫八卦鑿破

天心曾女媧本是伏羲婦

唐文粹
作妹

恐天怒擣鍊五色石引

日月之針五星之縷把天補了三日不肯歸壻家走向

日中放老鷓月裏栽桂養蝦蟆天公發怒化

一作

龍蛇此

龍此蛇得死病神農合藥救死命天怪神農黨龍蛇罰龍

文粹罰龍
作罰神農

為牛頭令載元氣車不知藥中有毒藥殺元

氣天不覺爾來天地不神聖日月之光無定正不知元氣

本不死忽聞空中喚馬異馬異若不是祥瑞空中敢道不

容易昨日全不同異自異是謂大同而小異今日全自同

異不異是謂全不往兮異不至直當中兮動天地白玉璞

裏斲出想思心黃金鑛裏鑄出相思淚忽聞空中崩崖倒

谷聲絕勝明珠千萬斛買得西施南威一雙婢此婢嬌饒
惱殺人凝脂為膚翡翠裙唯解畫眉朱點唇自從獲得君
猷金樾玉凌浮雲却返顧一雙婢子何足云平生結交苦
少人憶君眼前如見君青雲欲開白日沒天眼不見此奇
骨此骨縱橫奇又奇千歲萬歲枯松枝半折半殘壓山谷
盤根感節成蛟螭忽雷霹靂卒風暴雨撼不動欲動不動
千變萬化摠是鱗皴皮此奇怪物不可欺盧仝見馬異文
章酌得馬異胷中事風姿骨木恰如此是不是寄一字

馬異答盧仝結交詩

有鳥南翔口銜一書扎達我山之維開緘金玉煥陸離乃
是盧仝結交詩此詩峭絕天邊格力典文星色相射長河
拔作數條絲太華磨成一拳石莫嗟獨秀無往還月中芳
桂難追攀况值亂邦不平年迴陵倒谷如等閑與君俛首
大艱阻喙長三尺不得語因君今日形章句羨獼猴兮著
衣裳悲蚯蚓兮安翅羽上天不識察我為遼天失所將吾
翮兮切淤泥使良驥兮捕老鼠昨日脫身卑賤籠印星借
典老人拳抱鋤斲地芸芝术偃蓋參天舊有松木與松兮
保身世卧居兮起于湫潺兮聆嘒嘒道在其中可

谷聲絕勝明珠千萬斛買得西施南威一雙婢此婢嬌饒
惱殺人凝脂為膚翡翠裙唯解畫眉朱點唇自從獲得君
歎金樅玉凌浮雲却返顧一雙婢子何足云平生結交苦
少人憶君眼前如見君青雲欲開白日沒天眼不見此奇
骨此骨縱橫奇又奇千歲萬歲枯松枝半折半殘壓山谷
盤根蹙節成蛟螭忽雷霹靂卒風暴雨撼不動欲動不動
千變萬化恁是鱗皴皮此奇怪物不可欺盧仝見馬異文
章酌得馬異胷中事風姿骨木恰如此是不是寄一字此

馬異答盧仝結交詩

有鳥南翔口銜一書扎達我山之維開緘金玉煥陸離乃
是盧仝結交詩此詩峭絕天邊格力典文星色相射長河
拔作數條絲太華磨成一拳石莫嗟獨秀無往還月中芳
桂難追攀况值亂邦不平年迴陵倒谷如等閑與君俛首
大艱阻喙長三尺不得語因君今日形章句羨獼猴兮著
衣裳悲蚯蚓兮安翅羽上天不識察我為遼天失所將吾
翮兮切淤泥使良驥兮捕老鼠昨日脫身卑賤籠印星借
典老人拳抱鋤斫地芸芝术偃蓋參天舊有松木與松兮
保身世卧居兮起于漱潺兮聆嘒道在其中可

終歲不教辜負堯為帝燒我荷衣推我自迴看天地如砥
平鋼刃剗骨不辭去卑躬君子今明：俛首辭山心慘惻
白雲雖好戀不得看雲且擬直須吏疾風又卷西飛翼為
報覃懷新結文死生富貴存後凋我心不畏朱公叔君意
須防劉孝標以膠投漆苦不早就中相去萬里道河水悠
悠山之間無由把袂攄懷抱憶全吟文能治臭成蘭薰不
知何處清風夕擬使張華見陸雲

感古四首

天生聖明君必資忠賢臣舜禹竭股肱共佐堯為君四載

成地理七政齊天文階下冀莢生琴上南風薰輪轉夏殷
周時復猶一人秦漢事諛巧魏晉忘機釣猜忌相翦滅爾
來迷恩親以愚保其身不覺身沉淪以智理其國遂為國
之賊苟圖容一身萬事良可惻可憐萬乘君聰明受沉惑
忠良伏草莽無因施羽翼日月異又蝕天地晦如墨既亢
而後求異於龍之德

其二

人生何所貴所貴有終始昨日盈尺璧今朝盡瑕棄蒼蠅
點垂棘巧舌成錦綺箕子為之奴比干諫而死仲尼魯司

寇出走為去聲群婢假如屈原醒其柰一國醉一國醉號呶

一人行清高便欲激頽波此事真徒勞上山逢猛虎入海

遭巨鼇王者苟不死腰下魚鱗刀東海波連天三度成桑

田高岸高於屋斯須變溪谷天地猶尚然人情難久全夜

半白刃讎旦來金石堅蕭綬既解折陳印亦棄指竭節遇

刀割輸忠遭禍纏不予衾之眠信予衾之穿明鏡不息照

膏潤徒自煎抱劔長太息淚墮秋風前

其三

古來不患寡所患不均單醪投長河三軍盡沉淪令人

異古人結託唯親賓毀折維鵲巢不行鳴鳩仁鄙恠不識

分有心占陽春鸞鶴日已踈燕雀日已親小物無大志安

測栖松筠恩眷多棄故物情尚逐新瓦礫暫拂拭光掩連

城珍脣吻恣談鑠黃金同灰塵蘇秦北遊趙張祿西入秦

既變嫂叔節仍擯華陽君萬世金石交一餉如浮雲骨肉

且不顧何況長羈貧

其四

君莫以富貴輕忽他年少聽我暫話會稽朱太守正受凍

餓時索得人家貴傲婦讀書史未潤身負薪辛苦胼生

其

肘謂言琴與瑟糟糠結長久不分殺人羽翮成臨冲天
婦嫌醜

其柰一朝太守

振羽儀鄉閨晝行衣錦衣哀哉舊婦何眉目新塔隨行向
天哭寸心金石徒爾為盃水庭沙空自覆乃知愚婦人妬
忌陰毒心唯救眼底事不思日月深等閑取羞死豈知甘
布衾

雜興

意智未成百不解見人富貴亦不愛等閑對酒呼三達屠
羊殺牛皆自在放心為樂笙歌橫壯氣激作風霜寒厨中

玉饌盈金盤方丈厭見嫌不食飛鷹躍馬實快性脣腐齒
爛空噴坑豈期福極翻成禍成身誅家亦破昨朝惆悵
不如君今日悲君不如我否泰交加無定主懶學風雲戰
翎羽綠酒清琴好養生出將入相無心取三五圖書舊揣
摩五千道德新規矩

訓徐公以新文見招

昨夜霜月明果有清音生便欲走相和愁聞寒玉聲

附招玉川子詠新文徐希仁

清氣宿我心結為清冷音一夜吟不足君來相和吟

門箴

貪殘奸醜狡佞訐慢身之八殺背惠恃已狎不肖妬賢能
命之四孽有是有此予敢辭無是無此予之師一日不見
予心思其人其交其難敢告于門

孟夫子生亭賦

玉川子沿孟冬之寒流兮輟棹上登生亭夫子何之兮
面遂雲沒兮南行百川注海而心不寫兮落日千里凝寒
精予日衰期人生之世斯已矣爰為今日猶岐路之心生
悲夫南國風濤魚龍畜伏予小子慙朴必不能濟夫子欲

嗟自慙承夫子而不失予兮傳古道甚分明予且廣孤目
遐齋于天壤兮庶得外盡萬物變化之幽情然後慙愧而
來歸兮大息吾躬于夫子之亭

盧仝集外詩序

唐玉川先生盧仝履道守正之節見于昌黎退之之文當
時洛中才名碩德者如温石二處士咸應辟署吏於諸侯
惟先生自顧俯仰不能與世合築環堵以居休焉遂志而
浩々自娛觀其出處之迹若人執安可輕量矣又傳先生
之學舉世莫得見其書故人不得窺其涯涘矣但歌詩百

篇錢板已行於世其為體峭挺嚴放脫略拘維特立群品
之外要夫指事措意於救物之為忠憤切深者矣常愛其
詩恨不得多見其篇近友人李生於道士崔懷玉處又得
集外一十四首余甚喜之以編附舊本且夫人之愚哲存
乎性道之用舍繫乎時儻氣類乎應上下感會則見諸行
事於空言安足貴尚哉惜其失志窮時用是欲傳其言耳
謹序其槩以貽于好事者云時慶曆八年仲冬望日昌黎
韓盈謙甫序

自漢走筆追王內丘

自識夫子面便獲夫子心夫子一啓顏義重千黃金平原
孟嘗骨已土始有夫子堪知音忽然夫子不語帶蓆帽騎
驢去余對醪醕不能斟君且來余之瞻望心悠哉零雨其
濛愁不散閑花寂々班階苔不如對此景含笑傾金壘莫
問四肢暢暫取眉頭開絃琴待夫子夫子來不來

思君吟寄青生

我思君兮河之壖我為河中之泉君為河中之青天青
青泉冷々泉含青天々隔泉我思君兮心亦然心亦然此
心復在天之側我心為風兮淅々君身為雲兮慕々此風

引此雲兮雲不來此風此雲兮何悠哉與我身心雙徘徊
買得一片田濟源花洞前千里石壁折一條流泌泉青松
盤樛枝森々上棟青冥天枝上有猿宿處近鶴巢清唳
孤吟聲相交月輪下射空洞響絲篁成韻風蕭々我心塵
外心愛此塵外物欲結塵外交苦無塵外骨天泉有冰公
心靜見真佛可結塵外交占此松與月
積雪三十日車馬路不通貧病交親絕相憶惟願公春鳩

報春歸苦寒生暗風簷乳墮懸玉日脚浮輕紅梅柳意却
活園圃冰始融更候四體好方可到寺中
苦雪寄退之

天王二月行時令白銀作雪漫天涯山人門前偏受賜平
地一尺白玉沙雲頽月壞桂英下鶴毛風翦亂參差山人
屋中凍欲死千樹萬樹飛春花菜頭出土膠入地山莊取
粟埋却車冷絮刀生削峭骨冷齏斧破慰老牙病妻烟眼
淚滴々飢嬰哭乳聲嗽々市頭博米不用物酒店賣酒不
肯賒聞道西風弄劔戟長街殺人如亂麻天眼高開欺草

芽我死未肯與歎嗟但恨口中無酒氣劉伶見我相榆柳
清風攬腸筋力絕白灰壓屋梁桂柱斜聖朝有道命漢可
得再見朝日耶柴門沒脛晝不掃黃昏遠樹棲寒鴉唯有
河南韓縣令時醉飽過貧家來出上山遊山
賦一入寄贈含曦上人素封英不歸子風留山遊山
楞伽大師兄誇曦識道理破鎖推玄關高辨果難揣論語
老莊易搜索通神鬼起信中百門敲骨得佛髓此外雜經
律泛讀一萬紙高殿掛名僧執卷坐累化物自一心三
教齊發起隨鍾嚼宮商滿口文字羨商賈女郎輩不曾道

生死縱遭彊禮拜雅話不露齒劈破天地來節義可屈指
季展即此僧孤立無依倚近來愛作詩新奇頗煩委忽造
造古格削盡俗綺靡假如慵裏頭但勤讀書史切瑳併工
夫休遠不可比憐僧無遠信佛殊未已貌古饒風情清
論興疊訪余十數度相去三五里見時心亦喜不見心
亦喜見時談謔樂四座盡角背不見養天和無人賄人耳
昨朝披雪來面色赤鞞封竈養黃金許割方寸七泥丸
佛教怛化莊亦耻未達不敢嘗孔子疑季子樂成必分
余必投泥裏不如向陽堂撥醅泛浮蟻麴米本無憊酒

成是法水行道不見心毀譽徒云爾雪晴天氣和日光弄
梅李春鳥嬌閑、春風醉旋、道士正無塵人家有花卉
高僧有拄杖願得數觀止
不喜見聽蕭君姪人彈琴
前不見琴音黃金指
彈琴人似漆上琴聽琴人似匣中絃二物各一處音韻何
由傳無風質氣兩相感萬般悲意方纏綿初時天山之外
飛白雪漸、萬丈澗底生流泉風梅花落輕揚、十指乾
淨聲消、昭君可惜嫁單于
不遠只眼前蔡琰薄命
沒胡虜鳥鵲啾啾啼胡天關山險隔一萬里顏色錯漠生

風烟形魄散逐五音盡雙蛾結草空蟬蛸中腹苦恨杳不
極新心愁絕難復傳金樽湛、夜沉、餘音疊發清聯綿
主人醉盈有得色坐客向隅增內然孔子怪責顏回瑟野
夫何事蕭君筵拂衣屢命請中廢月照書窓歸獨眠

精蜓歌

黃河中精蜓其力小犯險無溺

黃河中流日影斜天水一色無津涯處、驚波噴流飛雪
花篙上楫師力且武進寸退尺莫能度吾甚懼念汝小虫
子造化借羽翼隨風戲中流翩然有餘力吾不如汝無它
無羽翼吾若有羽翼則扣天闕為聖君請賢臣布惠化於

人間然後東飛浴東溟吸日精撼若木之英紛而零使地
上學仙之子得而食之皆長生不學汝無端小虫子葉
水上無一事忽遭風雨中死
出山忘掩山門路釣竿插在枯桑樹當時只有鳥窺窬更
亦無人得知處家僮若失釣魚竿定是猿猴把將去

寄崔柳州

使者立取書疊紙生百憂使君若不信他時看白頭三百
六十州尅情惟柳州柳州蠻天末鄙夫嵩之幽花落隴水

頭各自東西流凜凜長相逐為謝池上鷗

贈稚禪師

春風滿禪院師獨坐南軒萬物一作化見中盡始覺靜性尊

我來契平生目擊道自存典師不動游此無跡門

送好約法師歸江南

盃度一身法度萬民為報江南三二日這迴應見雪

中人

蕭二十三赴歙州婚期二首

淮上客情殊冷落蠻方春早客何如相思莫道無來使迴

鴈峯前好寄書
南方山水生時興
教有新詩得寄余
路帶長安迢遞急
多應不遂使君書

掩關銘

蛇毒、有形藥毒、有名人毒、在心對面如弟兄
美言不可听
深於千丈坑
不如掩關坐幽鳥
時一聲
拾遺

逢病軍人

行多有病住無糧
萬里還鄉未到鄉
蓬鬢衰吟古城下
不

堪秋氣入金瘡

庭竹

負霜停雪舊根枝
龍笙鳳管君莫截
春風一番琴上來
搖碎金樽碧天月

山中

飢食松花渴飲泉
偶從山後到山前
陽坡軟草厚如織
困典鹿麋相伴眠
已上見萬首唐人絕句

無事秋時判別子土見東首每人強也

眉會外外島海島對於山外陸山俯湖外海草氣味酸因

山中

華金野野天良之視不似海則山

廣深野野萬外外諸望屬營馬莫落春風一番琴土來

真行

野林康人金齋

姓賈浪仙曰曾來塞青天坐圍西表琴東林西三

巾巾前遊山北合院無無野井不有甘泉金中不空

古意

碌碌復碌碌百年雙轉轂志士中夜心良馬白日足

俱為不等閑誰是知者目眼中兩行淚兩行淚才調集作兩淚盡曾誰句

荆山哭
日獻世

望山

南山三十里不見喻一旬冒雨時立望望之如朋親

虬龍一掬波洗蕩千里萬春日日雨不斷愁殺望山人

賈浪仙

望山詩

天事不可長勁風來如奔陰霽一以掃浩翠馮國門
長安百萬家家張屏新誰家最好山我願為其隣

北嶽廟

天地有五嶽恒嶽居其北巖巒疊萬重詭恠浩難測
人來不敢入祠宇白日黑有時起霖雨一灑天地德
神兮安在哉永康我王國

朝飢

市中有樵山此舍朝無煙井底有甘泉釜中乃空然
我要見白日雪來塞寒青天坐聞西床琴凍折兩三弦

飢莫詣他門古人有拙言

哭盧仝

賢人無官死不親者亦悲空令古鬼哭更得新隣比
平生四十年惟著白布衣天子未辟召地府誰來追
長安有交友託孤遽弃移塚側誌石短文字行參差
無錢買松栽自生蒿草枝在日贈我文浹流把讀時
從茲加敬重深藏恐失遺

劍客

才調集
作述劍

十年磨一劍霜刃未曾試今日把似君誰有不平事

中夜忽自起汲此百尺泉林木含白露星斗在青天

寄遠

別腸多鬱紆豈能肥肌膚始知相結密不及相結踈
踈別恨應少密離恨難祛門前南流水中有北飛魚

魚飛向北海可以寄遠書

可以寄遠書句才調集作三句云此情復何如欲剪衣上襟裁作寄遠書

不惜寄

遠書故人今在無

才調集此句下有華山崔堯形遲望齊平蕪

況此數尺身阻彼萬

里途自非日月光難以知子軀

齋中

耽靜非謬為本性實踈索齋中一就枕不覺白日落

低扉礙軒轡寡德謝接然諾叢菊在牆陰秋窮未開萼

所餐類病馬動影似移嶽欲駐迫逃衰豈殊辭綆縛

已見飽時雨應豐蔬與藥

感秋

商氣颯已來歲華又虛擲朝雲藏奇峯暮雨灑踈滴

幾蜩著嘿涼葉數蛩思陰壁落日空館中歸心遠山碧

昔人多秋感今人何異昔四序馳百年玄髮坐成白

喧喧狗聲利擾擾同轍跡儻無世上懷去偃松下石

寒月破東北賈生立西南西南立倚何立倚青青杉
 近月有數星星名未詳諳但愛杉倚月我倚杉為三
 月乃不上杉上杉難相參昭睟子細視睛腫挂枝剗
 目常有熱疾久視無煩炎以手捫衣裳零露已濡霑
 久立雙足凍時向股脛淹立久病足折元然鵝膠黏
 他人應已睡轉喜此景恬此景亦胡及而我苦淫耽
 無異市井人見金不知廉不知此夜中幾人同無厭
 待得頂上看未擬歸枕幽強步望寢齋步步情不堪

步到竹叢西東望如隔簾却坐竹叢外清思刮幽潛
 量知愛月人身願化為蟾

辭二知己

一雙千歲鶴立別孤翔鴻波島忽已暮海雨寒濛濛
 離人聞美彈亦與哀彈同况茲切切弄繞彼行行躬
 雲飛北嶽碧火恩西山紅何以代遠誠折芳臘雪中
 義雀行和朱評事

玄鳥雉唯俱春雷驚蟄餘口銜黃河泥空即翔天隅
 一夕皆莫歸曉曉遺衆鷓雙雀抱人義哺食勞劬劬

雛既遷逸飛雲間聲相呼燕感雀深息雀愧揚不殊
禽賢難自彰幸得主人書

宿懸泉驛

晚行瀝水樓暮到懸泉驛林月值雲遮山燈照愁寂

辨辨士多營營不聞談已非猛虎恣殺暴未嘗齧妻兒

此理天所感所感當問誰求食飼鷓鴣吐出美言詞

善哉君子人揚光掩瑕珣

不欺

上不欺星辰下不欺鬼神知心兩如此然後何所陳

食魚味在鮮食蓼味在辛掘井須到流結交須到頭

此語誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步

暗室未可居碧霄未可趨勸君跨仙鶴日下雲為衢

遊仙

賈浪仙

百坡塘詩

五

借得孤鶴騎高近金烏飛掬河洗老貌照月生光輝
天中鶴路直天盡鶴一息歸來不騎鶴身自有羽翼
若人無仙骨芝朮無煩食
枕上吟
夜長憶白日枕上吟千詩何當苦寒氣忽被東風吹
冰開魚龍別天波殊路歧

雙魚謠

時韓職方書中以
孟常州簡詩見示

天河墮雙魴飛我庭中央掌握尺餘雪劈開腸有璜
見令讒舌短烹逸隣舍香一得古詩字與玉含異藏

易水懷古

荆卿重虛死節烈書前史我歎方寸心誰論一時事
至今易水橋寒風兮蕭蕭易水流得盡荆卿名不浪

早起

北客入京西北鴈再離北秋寢獨前興天梭星落織鮎
翫餘恬爽顧眄輕病力旅途少顏盡明鏡勸仙食出
門路蹤橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身一歸

長嗟愁嗟愁填中懷開口吐愁聲還却入耳來常恐
滴淚多自損兩目輝髮邊雖有絲不堪織寒衣

延壽里精舍寓居

旅託避華館荒樓遂愚慵短庭無繁植珍果春亦濃
側廬廢局樞織臆時卧逢耳目乃鄧井肺肝即巖峯
汲泉飲酌餘見我閑靜容霜蹊猶舒英寒蝶斷來蹤
雙履與誰逐一尋青瘦筇

贈智朗禪師

上人分明見玉兔潭底沒上人光慘貌古來恨峭發

涕辭孔顏廟笑訪禪寂室步隨青山影坐學白塔骨
解聽無弄琴不禮有身佛欲問師何之忽與我相別

率賦贈遠言言慙非子曰今贈

送沈秀才下第東歸

曲言惡者誰悅耳如彈絃直言者誰刺耳如長錐沈
生才俊秀心腸無邪欺君子忌苟合擇交如求師毀
出嫉夫口騰入禮却闈下第子不耻

下弟子不耻唐文粹作下弟子耻

遺才人

耻之東歸家堂遠掉轡時參差浙雲近吳見汴柳接
楚垂明年春光別迴首不復疑

安西酬栖上人

夜久城館閑情幽出在山新月有微輝
朗空庭間
處世雖識機伊余多掩關松姿度臘見
籬藥知春還
靜覽冰雪詞厚為酬贈顏東林有躑躅
脫屣期共攀
冬月長安雨中見終南雪
秋節新已盡雨疎露山雪西峯稍覺明
殘滴猶未絕
氣侵瀑布水凍著白雪
今朝灞澹鴈何夕瀟湘月
想彼石房人對雪扉不閉

寄孟協律

我有吊古泣不泣向路歧揮淚灑暮天
滴著桂樹枝
別後冬節至離心北風吹坐孤雪扉夕
泉落石橋時
不驚猛虎嘯難辱君子詞欲酬空覺老
無以堪遠持
岩堯倚^角王屋懸清思

和劉涵

京官始云滿
墊人依舊閑
閑扉一畝居
中有古風還
市井日已午
幽^窓夢南山
喬木覆北齋
有鳥鳴其間
前日遠嶽僧
來時與開關
新題驚我瘦
窺鏡見醜顏
陶情惜清澹
此意復誰攀

西貢浪仙

明月山懷獨孤崇魚琢

明月長在目明月長在心
心復在眼何得稀去尋
試望明月人孟憂憂樹蔽岑
想彼歎此懷樂喧忘幽林
鄉本北嶽外悔恨東夷深
願縮地脉還豈待天恩臨
非不渴隱秀却嫌他事侵
或云岳樓鍾來繞草堂吟
當從令尹後再往步栢林

投張太祝

風骨高更老何春初陽葩
泠泠月下韻一一落海涯
有子不敢和一聽千嘆嗟
身卧東北泥鳧挂西南霞

手把一枝栗往輕覺程賒
水天朔方色暖日蒿根花
達間幽栖山遣尋種藥家
欲買雙瓊瑤慙無一木瓜

詠韓氏二子

千年一尺壁八月十五夕
清露墮桂花白鳥舞虛碧

送別

丈夫未得意行行且低眉
素琴彈復彈會有知音知

携新文詣張籍韓愈途中成

袖有新成詩欲見張韓老
青竹未生翼一步萬里道
仰望青冥天雲雪壓我腦
失却終南山惆悵滿懷抱

安得西北風身願變蓬草地祇聞此語突出驚我到

莫歎迢遞分何殊咫尺別江樓到夜登還見南臺月

隙月斜枕旁諷詠夏詒什如今何節時虫虺亦已螫荅

遲禮涉傲抱疾思加澁僕本胡為者銜肩貢客集茫

然九州內譬如一錐立欺暗少此懷自明曾瀝泣量

無趨勇士誠欲戈矛戢原閣欺躋攀潭舫偶俱入深

齋竹木合一作多畢夕風雨急俸利沐均分價稱煩噓喻

百篇見刪罷一命嗟未及滄浪愚將還知音激所習

投孟郊

月中有孤芳天下聆薰風江南有高唱海北初來通

容飄清冷餘自蘊襟抱中止息乃流溢推尋却冥蒙

我知雪山子謁彼偈句空必竟獲所實爾焉遂深衷

錄之孤燈前猶恨百首終一吟動狂機萬疾辭頑躬

生年面未交永夕夢輒同叙詰誰君師詎言無吾宗

余求履其跡君曰可但攻毀波賜易飽揖險神難從

前歲曾入洛差池阻從龍萍家復從趙雲思長縈縈

嵩海每可詣長途追再窮願傾肺腸事盡入焦梧桐

持戈簇邊日戰罷浮雲收露草泣寒霽夜泉鳴隴頭

三尺握中鐵氣衝星斗牛報國不俱貴憤將平虜讐

寄劉栖楚

趨走與偃卧去就自殊分當憇一重樹上有萬里雲

難披不相顧髣髴類人群友生去更遠來書絕如焚

蟬吟我為聽我歌蟬起聞歲暮儻旋歸晤言桂氛盞

寄丘儒

地近輕數見地遠重一面一面如何重重甚珍寶片

自經失歡笑幾度騰霜霰此心鎮懸懸天象因迴轉

長安秋風高子在東甸縣儀形信寂蔑風雨豈乖間

憑人報消息何易憑筆硯俱不盡我心終須對君宴

送陳商

古道長荆棘新歧路交橫君於荒榛中尋得古轍行

足踏聖人路兒端禪士形我曾接夜談似聽講一經

聯翩曾數舉昨登高第名釜底絕煙火曉行皇帝京

上客遠府遊主人須目明清雲別青山何日復可升

西貢浪仙

西貢浪仙

西貢浪仙

西貢浪仙

西貢浪仙

送張校書季霞

從京去容州馬在船上多容州幾千里直傍青天涯
掌記試校書未稱高詞華義往不可屈出家如以家
城市七月初熱與夏未差餞君到野地秋涼蒲山坡
南境異北候風起無塵沙秦吟宿楚澤海酒落桂花
暫醉即還醒彼土生桂茶

寄友人

同人半年別一別寂來音賴有別時文相思時一吟
我常倦投跡君亦知此衿筆硯且勿弃蘓張曾陸沈

但存舌在口當冀身遂心君看明月夜松挂寒森森

答王叅

寸晷不相待四時如如競客思先覺秋虫聲苦知暝
霜松積舊翠露月團如鏡詩負屬景同琴孤坐堂聽
相期黃菊節別約紅桃徑每把式微篇臨風一長詠

延康吟

寄居延壽里為與延康隣不愛延康里愛此里中人
人非十年故人非九族親人有不朽語得之煙山春
戲贈友人

一日不作詩心源如廢井筆硯為轆轤吟詠作縻綆
朝來重汲引依舊得清冷書贈同懷人詞中多苦辛

寓興

真集道方至免殊姪還多山泉入城池自然生輝波
今時出古言在衆翻為訛有琴含正韻知音者如何
一生足感激世顏忽差戾不得市井味思嚮吾巖阿
浮華豈我事日月徒蹉跎曠哉穎陽風千載無其他

懷鄭從志

西風吹陰雪雨雪半夜收忽憶天涯人起看斗與牛

故人別二年我意如百秋音信兩杳杳誰云昔綢繆
平明一封書寄向東北舟翩翩春歸鳥會自為匹儔

易州登龍興寺樓望郡北高峯

郡北高峯^最巉巖絕雲路朝來上樓望稍覺得幽趣
隴碧煙裏群嶺若相附何時一登陟萬物皆下顧

送鄭山人游江湖

南游衡嶽上東往天台裏足躡華峯頂目觀滄海水

就峯公宿

河出鳥宿後螢火白露中上人坐不倚共我論量空

殘月華掩曖遠水響玲瓏爾時無了亭茲宵方未窮

劉景陽東齋

松陰連竹影中有蕪苔井清風此地多白日空自永
景陽公幹孫幹詩得真詩得景勸我不須歸月出東齋靜

對菊

九日不出門十日見黃菊灼灼尚繁英美人無消息

送集文上人遊方

來從道陵井雙木溪邊會分首芳草時遠意青天外
此遊詣幾嶽嵩華衡恒泰

題岸上人郡內閑居

靜向方寸求不居千嶂幽池開菡萏香門閉莓苔秋
金玉重四句批糠輕九流鑪煙上喬木鍾磬下危樓
手種一株松貞心與師儔

游子

游子喜鄉遠非吾憶歸廬誰知奔他山自欲早旋車
朝賞暮已足圖歸願無餘當期附鵬翼未偶方躊躇

寄山中王叅

我看嶽西雲君看嶽北月長懷燕城南相送十數里

別來千餘日日憶不歇遠寄一紙書數字論白髮

送汲鵬

淮南卧理後復遇君姓汲文彩非尋常志願期卓立
深江東泛舟夕陽眺原隰夏夜言詩會往往追不及

寄令狐相公

卷二

策杖馳山驛逢人問梓州長江都那可到行客替更生愁

哭相巖禪師

苔覆石床新師曾占幾春寫留行道影焚却坐禪身
塔院闕松雪經房鎖隙塵自嫌雙淚下不是解空人

師曾占幾春紀事
依吾師去幾春

山中道士

頭髮梳千下休糧帶瘦容養鷄成大鶴種子作高松
白石通宵煮寒泉盡日春不曾離隱處那得世人逢

就可松宿益田

十里尋幽寺寒流數派分僧同雪夜坐鴈向草堂聞
靜語終燈燭餘生許嶠雲猶來多抱疾聲不達明君

旅遊

此心非一事書札若為傳舊國別多日故人無少年

賈浪仙

空巢霜葉落疎曠水螢穿留得林僧宿中宵生默然

送鄒明府遊靈武

曾宰西畿縣三年馬不肥債多憑劔與官滿載書歸
邊雪藏行徑林風透卧衣靈州吹曉角客館未開扉

題皇甫荀藍田廳

任官經一羊縣與玉峯連竹籠拾山果瓦瓶擔石泉
客歸秋雨後印鎖暮鍾前久別丹陽浦時時夢釣船

贈王將軍

宿衛爐煙近除書墨未乾馬曾金鏃中身有寶刀癡

父子同時捷君王畫陣看何當為外帥白日出長安

下第只空囊如何住帝鄉杏園啼百舌誰醉在花傍

淡落故山遠病來春草長知音逢一作酬豈易孤掉負三

湘興更雲生茂柳芳草新世營林外葉軒石壁影

半亦身寄賀蘭朋吉家令德氏計一月萬水與十年

往往東林下花香似火焚故園從小別夜雨近秋聞

野菜連寒水枯株簇古墳泛舟同遠客尋寺入幽雲
斂日扉多掩荒田徑細分相思蟬幾處偶坐蝶成群

會宿曾論道登高省議文苦吟遙可想邊葉向紛紛

斜日扉多掩荒田徑細分
作斜日開門掩荒田細徑分

憶吳道士

半夜長安雨燈前越客吟孤舟行一月萬水與千岑
島嶼夏雲起汀洲芳草深何當折松葉拂石剡溪陰

哭孟郊

身死聲名在多應萬代古傳寡妻無子息破宅帶林泉

塚近登山道詩隨過海船故人相吊後斜日下寒天

送崔定

未知遊子意何不避炎蒸幾日到漢水新蟬鳴杜陵

秋江待得月夜語恨老僧已峽吟過否連天十二層

寄白閣點公

已知歸白閣山遠晚晴看石室人心靜冰潭月影殘

微雲分片滅古木落薪乾後夜誰聞磬西風絕頂寒

雨後宿劉司馬池上

藍溪秋漱玉此地漲清澄蘆葦聲兼雨芰荷香透燈

岸頭秦古道亭面漢荒陵靜想泉根本幽崖落幾層

送朱可久歸越中

石頭城下泊北固暝鐘初汀露潮衝起船窓月過虛
吳山侵越衆隋柳入唐疎日欲躬調膳辟來何府書

送田卓入華山

幽深足暮蟬驚覺石牀眠瀑布五千仞草堂瀑布邊
檀松涓滴露嶽月寂寥天鶴過君須看上頭應有仙

送董正字常州覲省

相逐一行鴻何時出磧中江流翻白浪木葉落青楓
輕撒浮吳國繁霜下楚空春來懽侍阻正字在東宮

酬姚少府

梅樹與山木俱應搖落初柴門掩寒雨蟲響出秋蔬
枯槁彰清鏡孱愚友道書刊文非不朽君子自相於

送無可上人

圭峯霽色新送此草堂人塵尾同離寺蛩鳴暫別親
獨行潭底影數息樹邊身終有煙霞約天台作近隣

送李騎曹

歸騎雙旌遠懽生此別中蕭關分磧路嘶馬背寒鴻
朔色晴天北河源落日東賀蘭山頂草時動卷帆風

送烏行中石淙別葉

涼一作琮

寒水長繩汲丁冷數滴翻草通石淙脉硯帶海潮痕
嶽色何曾遠蟬聲尚未繁勞思當此夕苗稼在西原

送覺興上人歸中條山兼謁河中李司空

又憶西巖寺秦原草色時山尋樵徑上人到雪房遲
暮磬潭泉凍荒林野燒移聞師新譯偈說擬對旌麾

寄無可上人

僻寺多高樹涼天憶重遊磬過清水盡月入草堂秋
穴蟻苔痕靜藏蟬栢葉稠名山思徧往早晚到高丘

南池

蕭條微雨絕荒岸抱清源入舫山侵塞分泉稻接村
秋聲依樹色月影在蒲根淹泊方難遂他宵閨夢魂

寄龍池寺貞空二上人

受請終南住俱妨去石橋林中秋信絕峯頂夜禪遙
寒草煙藏虎高松月照鷗霜天期到寺寺置即前朝

送貞空二上人

林下中餐後天涯欲去時衡陽過有伴夢澤出應遲
石磬疎寒韻銅瓶結夜澌殷勤訝此別且未定歸期

送裴校書

拜官從秘省署職在藩維多故長踈索高秋遠別離
天寒泗上醉夜靜岳陽碁使府臨南海帆飛到不遲
月向南臺見秋霖洗滌餘出逢危葉落靜看衆峯踈
冷露尋時有禪牕此夜虛相思聊悵望潤氣徧衣初
索漠對孤燈陰雲積幾層自嗟隣十上誰肯待三徵
心被通人見文叨大匠稱悲秋秦塞草懷古漢家陵
城靜高崖草漏多幽

即事

沿冰過聲沙島鷺絕行石菴僧豈為謂舊廬在誰言
歸未曾

黃子陂上韓吏部

石樓云一別二十二三春相逐升堂者幾為埋骨人
涕流聞渡瘴病起賀還秦曾是令勤道非唯卹在逃
踈衣蕉縷細爽味茗芽新鍾絕滴殘兩螢多無近隣
溪潭承到數位秩見辭頻若箇山招作隱機忘任此
身

天津橋南山中各題一句

野坐分苔石，罅山行遶菊叢。常執中雲衣惹不破，諸葛覺亮秋色望來空。浪仙

四十歸燕字，千年外始吟。已將書北嶽，不用_北南金。

才行古人齊，生前品位_低。但_低葬時貧，賣馬遠日哭。惟妻

孤塚北，却外空齋中。嶽西集詩應，萬首物象徧。曾題

高城滿夕陽，何事欲霑裳。遷客蓬蒿暮，遊人道路長。

送僧遊衡嶽

晴湖勝鏡碧，寒柳似金黃。若有相思夢，殷勤載入行。

心知衡嶽路，不_怕去人稀。船裏猶鳴磬，溪頭自曝衣。

有家從小別，無寺不言歸。料得逢寒往，當禪雪滿扉。

送路

別我就蓬蒿，日斜飛伯勞。龍門流水急，嵩嶽片雲高。

歎命無知己，梳頭落白毛。從君當此去，風起廣陵濤。

洛陽道中寄弟

趨走迫流年，慙經此路偏。密雲埋二室，積雪度三川。

賈浪仙

賈浪仙

賈浪仙

賈浪仙

賈浪仙

生類梗萍泛悲魚金石堅翻鴻有歸翼極目仰聯翩

江亭晚望

浩渺浸雲根煙嵐_及遠村鳥歸沙有跡帆過浪無痕
望水_自柔性看山欲倦魂縱情猶未已迴馬欲黃昏

送耿處士

一杯離別酒未盡即言行萬水千山路孤舟幾月程
川原秋色靜蘆葦晚風鳴迢遞不歸客人傳虛隱名

過唐校書書齋

地滿風吹竹時時得爽神聲齊鷓鳥語畫卷老僧真

月出行幾步花開到四隣江湖心自切未可掛頭巾

送杜秀才東遊

東遊誰見待盡室寄長安別後_{一作夜}葉頻落去程山已

寒大河風色渡曠野燒煙殘匣有清銅鏡時將照鬢

看

送天台僧

遠夢歸華頂扁舟背岳陽寒蔬修淨食夜浪動禪牀

鴈過孤峯曉猿啼一樹霜身心無別念餘習在詩章

懷紫閣隱者

賈浪仙

百散唐詩

三

寂寥思隱者孤燭坐秋霖梨栗猿喜熟雲外僧說深
寄書應不到結伴擬同尋廢寢方終夕迢迢紫閣心

雨夜同屬玄懷皇甫荀

桐竹逸庭^西雨多風更吹還如舊山夜卧聽瀑泉時
磧^雁來期近秋鐘到夢遲溝西吟苦客中夕話兼思

秋暮

北門楊柳葉不覺已續紛值鶴因臨水迎僧忽背雲
白鬚相並出清淚兩行分默然空朝夕苦吟誰喜聞

哭胡遇

天壽知齊理何曾免歎嗟奈迴^{一作收}朔雪吊後^{一作}寒
花野水吟秋斷空山影暮斜弟兄相識徧猶得到君
家

送丹師歸閩中

波濤路杳然衰柳洛陽蟬行李經雷電禪前漱島泉
歸林久別寺過越未離船自說從今去身應老海邊

送安南惟鑒法師

講經春殿裏花遶玉牀飛南海幾迴過舊山臨老歸
潮搖蠻草落月濕島松微^{一作觸風香損}空水既如彼

一作雲水
路迢遞

往來消息稀

題李凝幽居

閑居少隣並草徑入荒園鳥宿池

邊

樹僧敲月下門

過橋分野色移石動雲根暫去還來此幽期不負言

送韓湘

掛席從中路長風起廣津楚城花未發上苑蝶來新

半沒湖波月初生島草春孤霞臨石鏡極浦映村神

細響吟乾葦餘馨動遠蘋欲憑將一札寄與沃州人

寄董武

雖同一城裏少省得從容門掩園林僻月高巾幘慵

孤鴻來半夜積雪在諸峯正憶毗陵客聲聲隔水鍾

宿贊上人房

皆前多是竹閑地擬栽松朱點草書疏雪平麻履蹤

御溝寒夜兩宮寺靜時鍾此時無他事來尋不厭重

訪李甘原居

原西居處靜門對曲江開石縫銜枯草查根上淨苔

一作漬
古苔

翠微泉夜落紫閣鳥時來仍憶尋淇岸同行採

蕨迴

賈浪仙

百浪唐詩

后

題山寺井

沈沈百尺餘功就豈斯須汲早僧出定鑿新蟲自無
藏源重嶂底澄翳大空隅此地如經劫涼潭會共枯
僻居無可上人相訪

自從居此地少有事相関積雨荒隣圃秋池照遠山
視中枯葉落枕上斷雲閑野客將禪子依依偏遠還
送李餘及第歸蜀

知音伸久屈覲省去光輝津渡逢清夜途程盡翠微
雲當綿竹疊鳥離錦江飛肯寄書來否原居出亦稀

荒齋

草合徑微微終南對掩扉晚涼疎雨絕初曉遠山稀
落葉無青地閑身著白衣朴愚猶本性不是學忘機

夜喜賀藍三見訪

漏鍾仍夜淺時節欲秋分泉聒棲松鶴風除翳月雲
踏苔行引興枕石卧論文即此尋常靜來多祇是君
題青龍寺鏡公房

一夕曾留宿終南搖落時孤燈暮舍掩殘磬雪風吹
樹老因寒折泉深出井遲疎慵豈有事多失上方期

送陳判官赴

經良德

將軍^選入幕束帶便離家身暖蕉衣窄天寒積日斜

火燒岡斷蒿^{一作草}風卷雪和沙綠竹豐州有春來抵欠

花

送唐懷歸激水莊

毛女峯當戶日高頭未梳地侵山影掃葉帶露痕書

松徑僧尋廟^{一作藥}沙泉鶴見魚一川風景好恨不有吾

廬

原東居喜唐溫琪頻至

曲江春草生紫閣雪分明汲井嘗泉味聽鐘問寺名

墨研秋日雨茶試老僧鐺地近勞頻訪烏紗出送迎

送敷法師

度歲不相見嚴冬知出關孤煙寒色樹高雪夕陽山

瀑布寺應到牡丹房甚閑南朝遺跡在此去幾時還

寄錢庶子

曲江春水滿北岸掩柴閨祇有僧隣舍全無物映山

樹陰終日掃藥債隔年還猶記聽琴夜寒燈竹屋間

原上秋居

閨西落木心事復如何歲月離山久秋霖入夜多鳥
從井口出人自岳陽過倚杖聊閑望田家未剪禾

原寺偏隣近

開門物景澄磬通多葉罅月離片雲稜
寄宿山中鳥相尋海畔僧唯愁秋色至乍可在炎蒸

冬夜

羈旅復經冬瓢空盍亦空淚流寒枕上跡絕舊山中
凌結浮萍水雪和衰柳風曙光鷄未報嘹唳兩三鴻

送厲宗上人

擁策背岷峨終南雨雪和漱泉秋鶴至禪樹夜猿過
高頂白雲盡前山黃葉多曾吟廬嶽上月動九江波

寄李存穆

聞道船中病似憂親弟兄信來從水路身去到柴城
久別長鬚鬢相思書姓名忽然消息絕頻夢却還京

贈無懷禪師

身從劫劫脩果以此生周禪定石牀暖月移山樹秋
捧盃觀宿飯敲磬過清流不掩玄闕路教人問到頭

寄武功姚主簿

居枕江沱北情懸渭曲西
數宵曾夢見幾處得畫_披
驛路穿荒坂公田帶淤泥
靜棊功與妙閑作韻清淒
鋤草留叢藥尋山上石梯
客迴河水漲風起夕陽低
空地苔連井孤村火隔溪
卷簾黃葉落鎖印子規啼
隴色澄秋月邊聲入戟
輦會須過縣去況是屢招携
間直題劉華書齋_卷
白石牀無塵青松_樹有鱗一
鶯啼帶雨兩樹合從春
荒榭苔膠砌幽叢果墮榛
偶來踈或數當_暑夕勝晨
露滴星河水巢重草木薪
終南同住意趙北獨遊身

渡葉司天漏驚蛩遠地人
機清公幹_族池_草漢卧漳濱

送南康姚明府

銅章美少年小邑在南天
版籍多遷客封疆接洞田

靜江鳴野鼓發纜帶村煙
却笑陶元亮何須憶醉眠

送友人弃官遊江左

美君休作尉萬事且全身
寒海多虞日江湖獨往人
姓名何處變鷗鳥幾時親
別後吳中使應須訪子真

雨中懷友人

對雨思君子嘗茶近竹_愁
儒家隣古寺不到又逢秋

寄遠

家住錦水上身征遼海邊十書九不到一到忽經年

南齋

獨自南齋卧神閑景亦空有山歸枕上無事到心中

簾卷侵牀月屏遮入坐風望春春未至應在海門東

早春題友人湖上新居二首

近得雲中看門長侵早開到時猶有雪行處已無苔

勸酒客初醉留茶僧未來每逢晴暖日惟見乞花栽

門不當官道行人到亦稀故從餐後出多是夜深歸

開篋收詩卷掃牀移卧衣幾時同買宅相道有柴扉

送雍陶蜀

卷四

江山事若晴諸那肯滯雲南草色分危磴杉陰近古潭

日斜褒谷鳥夏淺雋州蠹吾自疑雙鬢相逢更不堪

張即中過原東居

年長惟添懶經旬祇掩閤高人餐藥後下馬此林間

對坐天將暮同來客亦閑幾時能重至水味似深山

荅王秘書

人皆聞蟋蟀我獨恨蹉跎白髮無心鑷青山去意多

賈浪仙

賈浪仙詩

三

信來漳浦岸期負洞庭波時掃高槐影朝迴或恐過
送李餘往湖南

昔去候溫涼秋山滿楚鄉今來從辟命春物徧滄陽
嶽石挂海雪野楓堆渚檣若尋吾祖宅寂寞在瀟湘

偶作

野步隨吾意那知是與非稔年時兩足閏月暮蟬稀
獨樹依岡老遙峯出草微園林自有主宿鳥且同歸

過雍秀才居

夏木鳥巢邊終南嶺色鮮就涼安坐石鳥茗汲隣泉

鍾遠清霄半蜩稀暑雨前幽齋如葺罷約我一來眠

寄顧非熊

知君歸有處山水亦難齊猶去瀟湘遠不聞猿狄啼
穴通茅嶺下潮滿石城西獨立生遙思秋原日漸低

送神邈法師

柳絮落濛濛西州道路中相逢春忽盡猶去講初終行
疾遙山雨眠後夜風遠房三兩樹迴日葉應紅

送慈恩寺宵韻法師謁太原李司空

何故謁司空雲山知幾重磧遙來鴈盡雪急去僧逢

清磬先寒角禪燈徹曉峰蕙房閑片石遠倚最高松

送知與上人

久住已興寺如今始拂衣欲臨秋水別不向故園歸
錫挂天涯樹房開嶽頂扉下看千里曉霜海日生微

送惠雅法師歸玉泉

祇到瀟湘水洞庭湖未遊飲泉看月別下峽聽猿愁
講不停雷雨吟當一作曾近海流降霜歸楚夕星冷玉泉

秋

憶江上吳處士

閩國揚帆去蟾蜍虧復圓秋風吹渭水落葉滿長安
此地聚會夕當時雷雨寒蘭橈殊未返消息海雲端

題張博士新居

青楓何不種林在洞庭村應為三湘遠難移萬里根
斗牛初過伏菟菑歆香門舊即湖山隱新廬葺此原

百門陂畱辭從叔暮

幽鳥飛不遠此行千里間寒衝陂水霧一作路醉下菊山
有耻長為客無成又入關何時臨澗柳吾黨共來攀

送朱兵曹迴越

星樓練中見澄江豈有泥潮生垂釣罷楚盡去播西

磧鳥辭沙至山颺隔水啼會稽半侵海濤白禹祠溪

懷博陵故人

孤城易水頭不忘舊交遊雪壓園基石風吹飲酒樓

路遙千萬里人別十三秋吟苦相思處天寒水急流

青

秋霜已難曙漏向二更分我憶山水生蟲當寂寞聞

洞庭風落木天姥月離雲會自東浮去將何款致君

寄河中楊少尹

非惟咎曩時投刺詣門遲悵望三秋後參差萬里期

禹晉疏鑿跡舜在寂寥祠此致杳難共迴風逐所思

孟融逸人

孟君臨水居不食水中魚衣褐唯簷帛筐箱祗素書

樹林幽鳥戀世界此心踈擬掉孤舟去何峯又結廬

晚晴見終南諸峯

秦分積多峯連已勢不窮半旬藏雨裏此日到窓中

圓鳧將昇兔高空一作虛欲叫鴻故山思不見碣石沈寥

東

賈浪仙

宿池上

泉來從絕壑亭敞在中流行密無空岸松長可絆舟
蟪蛄潭上夜河漢島前秋異夕一作日期深漲携琴却此
遊

喜姚郎中自杭州迴

路多楓樹林累日泊清陰來去泛流水修然適此心
一披江上作三起月中吟東省期司諫雲門悔不尋

送鄭史

長史之嶺南

雲林頗重疊岑渚復幽竒汨水斜陽岸騷人正側祠

蒼梧多蟋蟀白露濕江籬擢第榮南去晨昏近九疑

送李溟謁宥州李權使君

英雄典宥州迢遞苦吟遊風宿驪山下斜灞水流去
時初落葉迴日定非秋太守携才子看鵬百尺樓

永福湖和楊鄭州

積水還平岸春來引鄭溪舊渠通郭下新堰絕湖西
嵩少分明對瀟湘闊狹齊客遊隨庶子孤嶼草萋萋

題長江

言心俱好靜解署落暉空歸吏封宵鑰行蛇入古桐

長江頻雨後明月衆星中若任遷人去西溪與剡通

泥陽館

客愁何併起暮送故人迴廢館秋螢出空城寒雨來
夕陽飄白露樹影掃青苔獨坐離客悽慘孤燈照不開

送徐負外赴河中

原野正蕭瑟中間分散情吏從甘扈罷詔許朔方行
邊日沈殘角河關截夜城雲居閑獨往長老出房迎

送賀蘭上人

野僧來別我略坐傍泉沙遠道擎空鉢深山踏落花

無師禪自解有格句堪誇此去非緣事孤雲不定家

寄令狐相公

梁園趨戟節海草幾枯春風雨難遭便差池未振鱗
姓名猶語及門館阻何因苦擬修文卷重擎獻匠人
吟看青島處朝退赤墀晨根愛杉栽活枝憐雪霰新
綴篇嗟調逸不和揣才貧早晚還霖雨滂沱洗月輪
握苗方滅列成器待陶鈞困坂思迴顧迷邦輒問津
數行望外娘丸絕句握中極珍是日榮遊汴當時怯往陳
鴻春乘漢爵禎病臥漳濱岳整五千仞雲惟一片身

故山離一作心未死秋水宿經旬下第能無惡高科恐有
神罷耕田料廢耆釣岸應榛慷慨知音在誰能淚墮
中舊云寄滄州李尚書賈島食早飽賈島置酒賈島西窗賈島上賈島自餘
滄溟深絕闊西岸郭東門戎者羅夷鳥桴人思嶠猿
威稜高臘列煦育極春溫陂淀封疆內兼葭壁壘根
搖鞞邊地脉愁箭虎狼羸水縣賣紗市塩田煮海村
枝條分衛葉家世食唐恩武可蹤橫講功從戰伐論
天涯生月片嶼頂湧泉源非是泥池物方因雷雨尊

沈謀藏未露隣境帖無喧青塚驕迴鶻蕭關陷吐蕃
何時霖歲早早晚雪邦冤迢遞瞻旌纛浮陽寄詠言

逢舊識

幾歲阻干戈今朝勸酒歌羨君無白髮走馬過黃河
舊宅兵燒盡新宮日奏多妖星還有角數尺鐵重磨

崇聖寺斌公房

近來惟一食樹下掩禪扉落日寒山磬多年壞衲衣
白髮髮長更剃青霄遠還歸仍說遊南岳經行是息機
送李傳侍即劔南行營

走馬從邊事新恩受外臺
勇看雙節出期破八蠻迴
許國家無戀盤江棧不推
移軍刃斗逐報捷劔門開
角咽獼猴叫輦乾霹靂來
去年西甸邑猶滯佐時才

別徐明府

抱琴非本意生事偶相縈
口尚袁安節身無子賤名
地寒春雪盛山淺夕風輕
百戰餘荒野千夫漸偶耕
一盃宜獨夜孤客戀交情
明日疲驂去蕭條過古城

岐下送友人歸襄陽

嗟隨汎梗羈旅到西州
舉翮籠中鳥知心海上鷗

山光分首暮草色向家秋
若更登高覘看碑定淚流

送友人遊蜀

萬岑深積翠路向此中難
欲暮多羈思因高莫遠看
卓家人寂寞揚子業凋殘
唯有岷江水悠悠帶月寒

送鄭少府

江岸一相見空令惜此分
夕陽行帶月酌水少晉君
野地初燒草荒山過雪雲
明年還調集蟬可在家聞

子規

遊魂自相叫寧復記前身
飛過隣家月聲連野路春

夢邊催曉急愁處送風頻自有霑花血相和兩滴新
送僧歸天台

辭秦經越過歸寺海西峯石磴雙流水山門九里松
曾聞清禁漏却聽赤城鍾妙字研磨講應齊智者蹤
讓紉曹上樂使君

戰戰復兢兢猶如履薄冰雖然叨一掾還似說三乘
瓶汲南溪水書來北岳僧慙愚兼抱疾摧紉不相應

贈友人

五字詩成卷清新韻少得偕韻不同狂客醉自伴律僧齋

春別和花樹秋辭帶月淮却歸登第日名姓榜頭排

送雍陶及第歸成都寧觀

不唯詩著籍兼又賦知名議論於題稱春秋對問精

半應陰隲與全賴有司平歸去峯巒衆別來松桂生

漲江流水品當道白雲坑勿以攻文捷而將學劔輕

製衣新濯錦開醞舊燒罌同日昇科士誰同膝下榮

謝令狐相公賜衣九事

長江飛鳥外主簿跨驢歸逐客寒前夜无戎與厚衣

雪來松更綠霜降月尤輝即入調殷鼎朝分是與非

送金州鑒周上人
池必尋天目溪仍住若耶帆隨風便發月不歇要雲遮
極浦浮霜鴈迴潮落海查峨嵋省春上立雪指流沙
下視白雲時山房掛樹皮垂枝松落子側頂鶴聽棋
清淨從沙劫中終日未歌金光明本行同侍出峨嵋
嗟以龍鍾身兒如何歲復新石門思隱久銅鏡強窺
頻花發新移樹心知故國春誰能平此恨豈是北宗

人峯三十六世立土春臺同歸隱共香臺日

送姚杭州中

白雲峯下城日夕白雲生人老江波釣田侵海樹耕
吳山鍾如越蓮葉吹搖旌詩異石門思濤來向越迎

送僧

出家從早歲解論造玄門不惜揮談柄誰能聽至言
中時山果熟後夏竹陰繁此去逢何日峨嵋曉復昏

夜集田卿宅

朗詠高齋下如將古調彈翻鴻向桂水來雪度桑乾

滴滴玉漏曙悠悠竹籟殘曩年曾宦此亦值五陵寒
寄山友長孫栖嶠

此時氣蕭颯琴院可應閑鶴似君無事風吹雨徧山
松生青石上泉落白雲間有遲連高頂心期相與還

訓厲玄

我來從北鄙子省陟西陵白髮初相識秋山擬共登
隣居帝城兩宿御溝冰未報見貽作耿然中夜興

送劉式洛中覲省

晴峯三十六侍立上春臺同宿別離恨共看星月迴

野鶯臨苑語河棹歷江來便寄相思札緘封花下開

送空公往金州

七百里山水手中柳栗簷松生師坐石潭滌祖傳孟
長擬老岳嶠又闡思海湖惠能同俗姓不是嶺南盧

贈紹明上人

未住青龍室中秋獨往年上方嵩若寺下視兩如煙
祖豈無言去心因斷臂傳不知能已後更有幾燈燃

贈弘泉上人

洗足下藍嶺古師精進同心知溪卉長居此玉林空

西殿宵燈磬東林曙雨風
舊峯隣太白石座兩苔濛
送宣皎上人遊太白

剃髮鬢無雪去年三十三
山過春草寺磬度落花潭
得句才隣約論宗意在南
峯靈疑懶下蒼翠太虛叅

病起

高丘歸未得空自責遲迴
身事豈能遂蘭花又已開
病令新作少雨阻故人來
燈下南華卷袂愁當酒盃

送殷侍御赴同州

馮翊連蒲郡沙岡擁地形
中條全離岳清渭半和涇

夜莫眠明月秋深至洞庭
猶來交辟士事別偃林高

送沈鶴

家楚督於秦携妻為養親
陸行千里外風卷一帆新
夜泊疏山雨秋吟搗藥輪
蕪城登眺後才動廣陵人

秋夜仰懷錢孟二公琴客會

月色四時好秋光吾子知
南山昨夜雨為我寫清規
獨鶴聳寒骨高杉韻細颺
仙家縹緲弄髣髴此中期

贈李金州

綺里祠前後山程踐白雲
沂流隨大旆登岸見全軍

曉角吹人夢秋風卷鴈群霧開方露日漢水與沙分

酬姚校書

因貧行遠道得見舊交遊美酒易傾盡好詩難卒酬
公堂朝共到私第夜相留不覺入關晚別來林木秋

送獨孤馬二秀才居明月讀山書

濯志俱高潔儒科慕冉顏家辭臨水郡雨到讀書山
棲鳥樓花上聲鍾磬閣間寂寥窓戶外時見一舟還

病蟬

病蟬飛處得向我掌中行折翼猶能薄酸吟尚極清

露華疑在腹塵點誤侵睛黃雀并鳶鳥俱懷害爾情

青門里作

燕存鴻已過海內幾人愁款閭南宗理將歸北岳修
若多攀桂分祗是臥雲休泉樹一為別依稀三十秋

盧秀才南臺

居在青門里亭臺千萬岑下因岡勢助上有樹交陰
陵遠根纔近空長畔可尋新晴登嘯處驚起宿枝禽

寄李翰侍御

終過盟津書分明夢不虛人從清渭別地隔太行餘

宿幕唯嫌靜公門但晏如榻鞞乾霹靂斜漢濕蟾蜍
追琢垂今後敷厖得古初井臺憐操築漳岸想丕疏
亦冀鏗珉珮終當直石渠此身多抱疾幽室近營居
憶漱蘇門澗經浮楚澤渚松栽侵古影葦斷尚芹道
語嘿曾延接心源難滓淤誰言姓琴氏獨跨角生魚
寄令狐相公
驢駿勝羸馬東川路匪賒一緘論賈誼三蜀寄嚴家
澄澈霜江水分明露石沙話言聲及政棧閣谷離斜
自著衣偏暖誰憂雪六花裹裳晉閣幙防患與通茶

山館中宵起星河殘月華雙僮前日雀數口向天涯
良樂知騏驥張雷驗鑊鄒謙光賢將相別紙聖龍蛇
豈有斯言玷應無白璧瑕不妨圓魄裏人亦指蝦蟆

在投李益常侍

何處初投刺當時赴尹京淹番花木變然諾肺腸傾
避暑蟬移樹登高鴈過城人家嵩岳色公府洛河聲
聯句逢秋盡嘗茶見月生新衣裁白紵思從曲江行

積雪

省屬時霖滯今逢臘雪多南精飄枉渚北訝兩交河

畫滅平蕪色彌重古木柯空中離白氣島外下滄波
隱者迷樵道朝人冷玉珂夕繁仍晝密漏間復鍾和
想積高嵩頂新秋皓月過
先生修道處茅屋遠囂氛叩齒坐明月搢頤望白雲
精神含藥色衣服帶霞紅文無話瀛洲路多年別少君
亂山秋木穴裏有靈蛇藏揚桂臨滄海石樓聞異香
出塵頭未白入定初疑霜莫話五湖事令人心欲狂

贈僧

送友人游塞

飄蓬多塞下君見益潛然迥磧沙銜日長河水接天
夜泉行客火曉戍向京煙少結相思恨佳期芳草前
疑愁對孤燭昨日飲離杯葉下故人去天邊新鴈來
連沙秋草薄帶雪暮山開苑北紅塵道何時見遠迴
秋暮寄友人

寥落關河暮霜風樹葉佷遠天垂地外日下峯西爽
志煙霞切還家歲月迷清宵話白閣已負十年棲

寄令狐相公

官高頻勅授老不把犁鋤一主長江印三封東省書
不魚濠上思唯食圃中蔬夢幻將泡影浮生事只如

和孟逸人林下道情

四氣相陶鑄中庸道豈銷夏雲生此日春色盡今朝
陋巷貧無悶毗耶疾未調己栽天末栢合抱豈非遙

宿姚少府北齋

石溪同夜泛復此北齋期鳥絕吏歸後蛩吟客臥時
鏢城涼雨細開印曙鍾遲憶此漳川岸如今是別離

雪晴晚望

倚杖望晴雪溪雲幾萬重樵人居白屋寒日下危峯
野火燒岡草斷煙生石一作古松却迴山寺路聞打暮天
鍾

送崔嶠遊瀟湘

功烈尚書孫琢磨風雅言渡河山鑿處陟峴漢灘喧
夢想吟天目宵同話石門楓林葉欵下極浦月清暎

寄朱錫珪

遠泊與誰同來從古木中長江人釣月曠野火燒風

夢澤楚^春嶠大閩山阨海叢此^時檣接底水濤起屈原通

馬戴居華山因寄

玉女洗頭盆孤高不可言瀑流蓮岳頂河注華山根
絕崔林藏鶻無人境有猿秋蟾繞過兩石上古松門

寄胡遇

一自殘春別經炎復到涼螢從枯樹出蛩入破堦藏
落葉書勝紙閑砧坐當牀東門因送客相訪也何妨

送李戎扶持往壽安

二千餘里路一半是波濤未曉着衣起出城逢日高

關山多寇盜扶持帶弓刀臨別不揮淚誰知心鬱陶

送孫逸人

衣履猶同俗妻兒亦宛然不餐能累月無病已多年
是藥皆諳性令人漸信仙杖頭書數卷荷心翠微煙

寄華山僧

遙知白石室松栢隱朦朧月落看心次雲生閉目中
五更鍾隔岳萬尺水懸空苔蘚嵌巖所依稀有逕通

送李登少府

伊陽耽酒尉朗詠醉醒親^勳應見嵩山裏明年躑躅春

一千尋樹直三十六峯隣
流水潺潺處堅貞玉澗珉
易州過却逸人居

每逢詞翰客邀我共尋君
果見閑居賦未曾流俗聞
也知隣市井宛似出囂氛
却笑巢由輩何須隱白雲
訓鄂縣李郭少府見寄

稍憐公事退復遇夕陽時
北朔霜疑竹南山水入籬
吟懷滄海侶空問白雲師
恨不相從去心惟野鶴知
淨業寺與前鄂縣李郭少府同宿

來從城上峯京寺暮相逢
往往語復默微微雨灑松
家貧初罷吏年長畏聞蚤
前日猶拘束披衣起曉鍾

送南卓歸京

殘春別鏡陂罷郡未霜髭
行李逢炎暑山泉滿路歧
雲藏巢鶴樹風觸轉鶯枝
三省同虛位雙旌帶去思
入城宵夢後待漏月沈時
長策并忠告從容寫玉墀
去官臥疾走筆訓韓愈書問
秦山不歸人晉山雲
一臥三四旬書至獨思君
願為出海月不作歸山雲
身上衣頻寄甌中物亦分
欲知彊健否病鶴未離群
長孫霞李溟自紫閣白閣二峯見訪

寂寞吾廬貧同來二閣人所論唯野事訪我住雲隣
古寺期秋宿平林散早春激流今已矣巢許豈克臣
去有巡臺侶荒溪衆樹分瓶殘秦地水錫入晉山雲
秋月離喧見寒泉出定聞人間臨歆別旬日雨紛紛
岸鑿青山破江開白浪寒日沈源出海春至草生灘
梓匠防波溢蓬仙畏水乾從今疏決後任兩滯峯巒
不侵南畝務已拔北江流涪水方移岸潯陽有到舟

鄭尚書新開涪江二首

潭澄初搗藥波動乍垂鉤山可疏三里蹤知歷億秋

寄喬侍郎

大寧猶未到曾渡北浮橋曉出祀船寺手擎紫栗條
差池不相見恨望至今朝近日營家計繩懸一少瓢

送去法華師

在越居何寺東南水路歸秋江洗鉢寒日曬三衣
默聽鴻聲盡行看葉影飛囊中無寶貨船戶夜扃稀

送蔡京

躍蹄歸魯日帶漏別秦星易折芳條桂難穿窮邃義經

登封多泰岳巡狩徧滄溟家在何林下梁山翠滿庭
慈恩寺上座院

未委衡山色何如對塔峯曩宵曾宿此今夕值秋濃
羽族栖煙竹寒流帶月鍾井甘源起異泉湧漬苔封
題朱慶餘所居

天寒吟竟曉古屋瓦生松寄信船一隻隔鄉山萬重
樹來沙岸鳥窓度雪樓鍾每憶江中嶼更看城上峯
送黃知新歸安南

池亭沈飲徧非獨曲江花地遠路穿海春歸冬到家

火山難下雪瘴土不生茶知決移來計相逢期尚賒

贈胡禪師

自是根機鈍非閑夏臘深秋來江上寺夜坐嶺南心
井鑿山含月風吹磬出林祖師携隻履去路杳難尋

元日女道士受籙

元日更新夜齋身稱淨衣數星連斗出萬里斷雲飛
霜下磬聲在月高壇影微立聽師語了左肘繫符歸

重與彭兵曹

故人在城裏休寄海邊書漸去老不遠別來情豈疎

硯冰催臘日山雀到貧居每有平戎計官家別勅書

贈莊上人

不與^語焚香生心知道已成流年衰此世定力見他生
暮雪餘春冷寒燈續晝明尋常五侯至敢望下階迎

落第東歸逢僧伯陽

相逢須語笑人世別離頻曉去長侵月思鄉動客春
見僧心暫靜從俗事多逃宇宙詩名小山河客路新
翠桐猶入爨清鏡未辭塵逸足思奔驥隨群且退鱗
宴垂紅杏寺愁在綠楊津老病難為樂開眉賴故人

皇甫主簿期遊山不及赴

休官足馬在新意入山中更住應難遂前期恨不同

集蟬苔樹僻番客雨堂空深夜誰相訪惟當清淨翁

宿成湘林下

相訪夕陽時千株木未衰石泉流出^{一作出}谷山兩滴栖

鷓漏向燈聽數酒因客寢遲今宵不盡興更有明明

期

喜雍陶至

今朝笑語同幾日百憂中鳥度劔門靜蠻歸瀘水空

步霜吟菊畔待月坐林東且莫孤此興勿論窮與通

酬胡遇

麗句傳人口科名立可圖移居見山曉買樹帶巢烏
遊遠風濤急吟清雪月孤却思初識面仍未有多鬚

宿慈恩寺郁公房

病身來寄宿自掃一牀閑反照臨江磬新秋過兩山

竹陰移冷月荷氣帶禪關獨往天台意方從內請還

送褚山人歸日東

懸帆在秋色水去入杳冥關滄海幾年別中華此日還

岸遙生白髮波盡露青山隔水相思在無書也是閑

寄韓湘

過嶺行多少潮州瘴滿川花開南去後水凍北歸前
望鷺吟登閣聽猿淚滴船相思堪面話不著尺書傳

雨夜寄馬戴

芳林杏花樹花落子西東今夕曲江雨寒催朔北風
鄉書滄海絕隱路翠微通寂寂相思際孤缸殘漏中

喜無可上人遊山迴

一食復何如尋山無定居相逢新友心不滿不見半年餘

德也龍潭雪休傳鳥道書別來還似舊白髮日高梳
寄毗陵徹公二首

身依吳寺老黃葉幾迴看早講林霜在孤禪隙月殘
井通潮浪遠鐘與角聲寒已有南游約誰言禮謁難
送高瓊校書其二

賓佐兼歸覲此行江漢心別離從闕下道路向山陰
孤嶼消寒沫空城滴夜霖若耶溪畔寺秋色共誰尋
寄劉侍御

衣多苔蘚痕猶擬更趨門自夏雖無病經秋不過原

積泉番岱鴈疊岫隔巴猿琴月西齋集如今豈復言

送穆少府知眉州

卷七

劍門倚青漢君昔未曾過日暮行人少山深異鳥多
飛啼和峽雨棧盡到江波一路白雲裏飛泉灑薜蘿
二月晦晉別鄆中友人

立馬柳花裏別君當酒酣春風漸向北雲鴈不飛南
明曉日初一今年月又三鞭羸去暮色遠岳起煙嵐
送李校書赴吉期

筮筭重重吉良期詎可遷不同牛女夜是配鳳凰年

佩玉春風裏題章臘燭前詩書與箴訓夫哲又妻賢

宿孤館

落日投村^宿愁生為客途^春山晴後綠^秋月夜來孤
橘樹千株在漁家一半無自知風水靜舟繫岸邊蘆

哭宗密禪師

鳥道雪岑^嶽師亡誰去禪几塵增滅後樹色改^中前
曾塔當風吹殘蹤傍野泉唯嗟聽經虎時到壞菴邊

宿山寺

衆岫聳寒色^{一作寒雲}精廬向北分流星透疎木走月逆行

雲絕頂人來少高松鶴不群一僧年八十世事未曾

聞

送友人如邊山

去日重陽後前程菊正芳行車輾秋岳落葉墮^墜寒霜
雲入漢天白風高磧色黃蒲輪待恐晚求薦向諸方

題竹谷上人院

禪庭高鳥道迴望極川原樵徑連峯頂石泉通竹根
木深猶積雪山淺未聞猿欲別塵中苦願師貽一言

京北原作

賈浪仙

一

三

登原見城闕策蹇思炎天日午路中客槐花風處蟬
遠山秦本上清渭漢陵前何事居人世皆因名利牽

紫閣舊房在新家中岳東煙波千里隔消息一朝通

寒日汀洲路秋晴島嶼風分明杜陵葉別後兩經紅

雨一
作雨

送僧歸太白山

堅冰連夏處太白接青天雲塞石房路峯明兩外巔
夜禪臨虎穴寒漱撒龍泉後會不期日相逢應信緣

暮過山村燈峯嶺首霜天陰漸熱客木

數里聞寒水山家少四隣恠禽啼曠野落日恐人行

初月未終夕邊烽不過秦蕭條桑柘外煙火漸相親

求魚未得食沙岸往來行島月獨棲影暮天寒過聲

墮巢因木折失侶遇弦驚頻向煙宵望吾知爾去程

麟德燃香請長安春幾回夜閑同像寂畫定為吾開

講罷松根老經浮海水來六年雙足履只步院中苔

蔣亭起蔡湘州來六年雙足盡只走蜀中
蔣宅為亭榭蔡城東郭門潭連秦相井松老漢朝根
已積蒼苔徧何曾鷲逕存高齋無事後時復一携樽
董果因光州王建使君水亭作
楚月臨軒積澄鮮一畝餘柳根連岸盡荷葉出萍初
極浦清相似幽禽到不虛夕陽亭際晚槐兩滴稀疎
番別光州王使君
杜陵千里外期在末秋歸既見林花落須防木葉飛
楚從何地盡淮隔數峯微回首餘霞失斜陽照客衣

宿姚合宅寄張司業

閑宵因集會柱史話先生身愛無一事心期往四明
松枝影搖動石磬響寒清誰伴南齋宿月高霜滿城

哭張籍

精靈歸恍惚石磬韻曾聞即日
是前古誰人耕此墳

舊遊孤棹遠故域九江分本欲蓬瀛去餐芝御白雲

靈準上人院

掩扉當太白臘數等松椿禁漏來
遙夜山泉落近隣
經聲終卷曉草色幾芽春海內知名士交遊準上人

寄柳舍人

格與功俱造何人意不降一宵三夢柳孤泊九秋江
擢第名重列冲天字幾雙誓為仙者僕側執馭風幢
送玄巖上人歸西蜀
王壘山中寺幽深勝槩多藥成彭祖搗頂受七輪摩
去臘催今夏流光等逝波會當依糞草五岳徧頭陀

寄宋州田中丞

古郡近南徐關河萬里餘相思深夜後未答去秋書
自別知音少難忘識面初舊山期已久門掩數畦蔬

送朱休歸劔南

劔南歸受賀太學賦聲雄山路長江岸朝陽十月
中
茅新抽雪茗枝重集猿楓卓氏琴臺廢深蕪想逕通

寄長武朱尚書

不日即登壇槍旗一萬竿角吹邊月沒鼓絕爆雷殘
中國今如此西荒可取難白衣思誰謁徒步在長安

送皇甫侍御

曉鐘催早朝自是赴嘉輶舟泊襄江闊
收楚澤遙

鴈驚起衰草猿渴下寒條來使黔南日時應問寂寥

郊居即事

住此園林久其如未是家葉書傳野意簷潘煮胡茶
兩後逢行鷺更深聽遠蛙自然還往裏多是愛煙霞
中國今夜集姚合宅期可公不至指歸封寺寺身安
公堂秋雨夜己是念園林何事疾病日重論山水心
孤燈明臘後微雪下更深釋子乖來約泉西寒磬音
喜李餘自蜀至
迢遞岷峨外西南驛路高幾程尋嶮棧獨宿聽寒濤
白鳥飛還立青猿斷更號往來從此過詞體近風騷

王侍御南原莊

買得足雲地新栽藥數窠峯頭盤一迳原下注雙河
春寺閑眠久晴臺獨上多南齋宿雨後仍許重相過

送康秀才

俱為落第年相識落花前酒瀉兩三盞詩吟十數篇
行歧逢塞雨嘶馬上津船樹影高堂下迴時應有蟬

送僧

此生披衲過在世得身閑日午遊都市天寒往華山
言歸_{又字}寧外意出有無間仙掌雲邊樹巢禽時出關

寄魏少府
 來時傷遠別終日使人慙
 易記卷中句難忘燈下談
 濕苔粘樹瘦瀑布濺房菴
 音信如相惠移居古井南
 原居即事言懷贈孫員外
 堂下與胡貳官馳
 出入土門偏秋深石色泉
 逕通原上草地接水中蓮
 採菌依餘拊指新逢刈田
 鐮得白髮斷兵阻墨書傳
 避路來華省抄詩上彩牋
 高齋久不到猶喜未經年
 登樓
 秋日登高望涼風吹海初
 山川明已久河漢沒無餘

遠近涯寥夔高低中太虛
 賦因王燦筆思此謝遊疎
 上樂使君救康成公

曾夢諸候笑康囚議脫枷
 千根池裏藕一朶火中花
 昆明池泛舟

一枝青竹榜泛泛綠萍裏
 不見釣魚人漸入秋塘水

送僧
 大內曾持論天南化俗行
 房山雪在春草岳陽生
 曉了蓮經義堪任寶蓋迎
 王侯皆護法何事講鐘鳴

送劉知新往襄陽

此別誠堪嘆荆襄是舊遊眼光懸欲落心緒亂難收
花木三層寺煙波五相樓因君兩地去長使夢悠悠

寄慈恩寺郁上人

中秋期夕望虛室省相容北斗生清漏南山出碧重
露寒鳩宿竹^雨鴻過月圓鐘此夜情應切衡陽舊住峯

送饒州張使君

終南雲雨連城闕去路西江白浪頭滌上郡齋離昨
日鄱陽農事勸今秋道心生向前朝寺文思來因靜
夜樓借問泊帆干謁者誰人曾聽峽猿愁

觀冬設上東川楊尚書

匏革奏冬^{一作終}非獨樂軍城未曉啟重門何時去入三

台貴此日空知八座尊羅綺舞時收兩點魏貅門外
卷雲根逐遷屬吏隨賓列去掉扁舟不忘恩

已興作

卷八

三年未省聞鴻叫九月何曾見草枯寒暑氣均思白
社星辰位正憶皇都蘇卿持節終還漢葛相行師自
渡瀘鄉味朔山林果別北歸期掛海帆孤

早蟬

賈浪仙

百家詩

卷八

早蟬孤抱芳槐葉，噪向殘陽意度秋。也任一聲催我
老，堪聽兩耳畏吟休。得非下第無高韻，須是青山隱
白頭。若問此心嗟嘆否，天人不可怨而尤。

三平六投元郎中

心在瀟湘^居未期，卷中多是得名詩。高臺聊望清秋

色片水堪

一作難

晉白鷺鷥省宿，有時聞急兩朝迴。盡日

伴禪師，舊文去歲曾將獻。象與人來說，始知梅門

院籍，肅臺

如聞長嘯，春風裏荆棘叢邊訪舊蹤。地接蘇門山近

遠荒臺突兀，抵高峯

滕校書使院小池

小池誰見鑿，時初走水南來。十里餘樓上，日斜吹暮

角院中人出，鑠遊魚

送陝府王司馬

司馬雖然聽曉鐘，尚猶高枕恣踈慵。請持僧過三門

水賣藥人居五老峯，移舫綠萍深處息。登樓^涼夜此

時逢杜陵惆悵臨歧，餞未寢月前多履蹤

上谷旅夜

世難那堪恨旅遊龍鍾更是對窮秋故園千里數行
淚隣杵一聲終夜愁月到寒窓空皓晶風翻落葉更
颼颼此心不向常人說倚識平津萬戶侯對身亦此
同寄無得頭陀夏臘今三三十餘不離樹下塚間居貌堪良匠抽毫
寫行稱高僧續傳書落澗水聲來遠遠當空月色自
如如白衣只在青門裏心每相新親跡且疎日餘如喜
崔卿池上雙白鷺
鷺鷥相逐出深籠頂各有綠莖數同灑石多霜移足

冷隔城遠樹挂巢空其如盡在灘聲外何似雙飛浦
色中見此池潭卿自鑿清冷太液底潛通宮泉聳巖

送胡道士

短褐身披滿漬苔靈溪深處觀門開却從城裏携琴
去許到山中寄藥來臨水古壇秋醮罷宿杉幽鳥夜
飛迴丹梯願逐真人上日夕歸心白髮催更寒玉樹

寄韓潮州愈

此心曾與木蘭舟直到天南潮水頭隔嶺篇章來華
岳出關書信過瀧流峯懸驛路殘雲斷海浸城闈老

樹秋一夕瘴煙風卷盡月明初上浪西樓

訓張籍王建

疎林荒宅古坡前久住還因太守憐漸老更思深處
隱多閑數得上方眠鼠拋貧屋收田日鴈度寒江擬
雪天身事龍鍾應是分水曹芸閣枉來篇

逢博陵故人彭兵曹

曲陽分散會京華見說三年任在海涯別後解餐蓬藜
子向前未識牡丹花偶逢日者教求祿終傍泉聲擬
置家踏雪携琴相就宿夜深開戶斗牛斜

贈牛山人

二十年中餌茯苓致書半是老君經東都舊住商人

宅南國新修道士亭鑿石養蜂休買蜜坐山秤藥不

爭星古來隱者多能卜款就先生問丙丁

送于中丞使迴紇冊立

君立天驕發使車冊文字字著金書漸過青塚鄉山

款達皇情譯語初調角寒城邊色動一作早下霜秋磧

鴈行疎旌旗來往幾多日一作三應向途中見歲除

送劉侍御重使江西

時當苦熱遠行人石壁飛泉濺馬身又到鍾陵知務
大還浮溢浦屬秋新早程猿叫雲深極宿館禽驚葉
動頻前者已聞廉使薦兼言有畫靜邊塵不雷
誦經千紙得為僧塵尾持行不拂蠅古塔月高聞呪
水新壇日午見燒燈一雙童子燒紅藥百八真珠貫
綵繩且說近來心裏事校讐相對似親朋
二十一年處州李使君改任遂州因寄贈
庭樹幾株陰入戶主人何在客聞蟬
鑰開原上高樓

鑊瓶汲池東古井泉
迹靜野禽曾後到
休吟隣叟始安眠
仙都山水誰能憶
西去風濤書滿船

酬慈恩寺文郁上人

架染影入禁池清
猶憶鄉山近赤城
籬落罅間寒蟹
過莓苔石上晚
蛩行期登野閣
閑應甚阻宿幽房
疾未平聞說又尋南岳去
無端興思忽然生

訪鑒玄師姪

維摩青石講初休
緣訪親宗到普州
我有軍持憑弟子
岳陽溪裏汲寒流

唐絕作
軍將

夜坐

蟋蟀漸多秋不淺
蟾蜍已沒夜應深
三更兩鬢幾枝雪
一念雙峯四祖心

送別

門外別^便伸千里別無車
不得到河梁
高樓直上百餘尺
今日為君南望長

聞蟬感懷

新蟬忽發最高枝
不覺玄聽無限時
正遇友人來告別
一心分作兩般悲

夏夜上谷宿開元寺

詩成一夜月中題
便臥松風到曙雞
帶月時聞山鳥語
郡城知近武陵溪

送于摠持歸京

出家初隸何方寺
上國西明御水東
却見舊房皆下樹
別來二十一春風

崔卿池上鶴

月中時叫葉紛紛
不異洞庭霜夜聞
翎羽如今從放長
猶能飛起向孤雲

賈浪仙

長
萬首唐
人絕句
作翎羽從
今如羅剪

田中丞高亭

高亭林表迥嵯峨，獨坐秋宵不寢多。玉兔玉人歌裏

出白雲，難似唐絕作白雲雖白莫相和。

友人婚揚氏催粧

不知今夕是何夕，催促陽臺近鏡臺。誰道芙蓉水中

種青銅鏡裏一枝開。

訓朱侍御望月見寄

今夜此時吾不寢，近秋三五月逢時。時相思唯有霜臺

月望盡孤光見，却道生

題常雲叟草臺

新起此堂開北牕，當牕山隔一重江。白茅草苦重重

密愛此秋天，夜雨涼

和韓吏部泛南溪愈

溪裏晚從池岸出，石泉秋急夜深聞。木蘭船共山人

上月映渡頭，零落雲

方鏡

背如刀截機頭錦，面似升量澗底泉。銅雀臺南秋日

後照來照去已三年。

訓姚合

黍穗荳苗侵古道晴原午後早秋時故人相憶僧來

說揚柳魚風蟬滿枝

唐絕作蟬蛻枝

上良與送靈應上人

遍叅尊宿遊方久名岳奇峯問此公五月半間看瀑

布青城山裏白雲中

密愛此贈丘先生

常言喫藥全勝飯華岳松邊採茯苓不遣髭鬚一莖

白擬為白日上昇人

渡桑乾

客舍并州已十霜歸心日夜憶咸陽無端更渡桑乾

水却望并州是故鄉

夜期嘯客呂逸人不至

逸人期宿石牀中遣我開扉對晚空不知何處嘯秋

月閑閑一作却松門一夜風

夜集烏行中所居

環爐促席復持杯松院雙扉向月開座上同聲半先

達名山獨入此心來

賈浪仙

雨後書齋

卷

贈梁浦秀才班竹拄杖

揀得林中最細枝結根石上長身遲莫嫌滴瀝紅斑
少恰似一作是湘妃淚盡時

尋石甕寺上方

野寺入時春雪後崎嶇得到此房前老僧不出迎朝
客已住上方三十年

早秋寄題天竺靈隱寺

才調集作天台

卷九

峯前峯後寺新秋絕頂高窻見沃州人在定中聞蟋
蟀鶴從棲處掛猕猴山鍾夜度空江水汀月寒生古

石樓心憶懸帆身未遂謝公此地昔年遊

黎陽寄姚合

魏都城裏遊從熟才子齋中止泊多去日綠楊垂紫
陌歸時白草夾黃河新詩不覺千迴詠古鏡曾經幾
度磨惆悵心思滑臺北滿盃濃酒與愁和

送崔約秀才

歸寧髣髴三千里月向船牕見幾宵野鼠獨偷高樹
果前山漸見短禾苗更深柵鎖淮波疾葦動風生兩
氣遙重入石頭城下寺南朝杉老未乾焦

賈浪仙

相家舊詩

卷九

縱把詩書未省勤
一生計祇長貧
可能在世無成事
不覺離家作老人
中嶽深林秋獨往
南原多草夜無隣
經年抱疾誰來問
野鳥相過啄木頻

夏日常寄高洗馬

三十年来長在客
兩三行淚忽然垂
白衣蒼髮經過懶
赤日朱門偃息遲
花發應耽新熟酒
草顛還寫早朝詩
不緣馬死西州去
盡角堪聽是曉吹

送周判官元範赴越

原下相逢便別離
蟬鳴一路使迴時
過淮漸有懸帆興
到越應將墜葉期
城上秋山生菊早
驛西漂渡落潮遲
已曾幾徧隨旌旆
去謁荒郊大禹祠

送羅少府歸牛渚

作尉長安始三日
忽思牛渚夢天台
楚山遠色獨歸去
灞水空流相送迴
霜履鶴身松子落
月分螢影石房開
白雲多處應頻到
寒澗泠泠漱古苔

題童真上人

江上修持積歲年
灘聲未擬住潺湲
誓從五十身披

衲便向三千界坐禪月峽青城那有滯天台廬岳豈
無緣昨宵忽夢遊滄海萬里波濤在目前

贈溫觀主

一別羅浮竟未還觀深廊古院多關君來幾日行虛
洞仙去空壇在遠山胎息存思當黑處井華懸綆取
朝間弊廬道室雖隣近自樂冬陽炙背閑

賀龐少尹除太常少卿

太白山前終日見十旬假滿擬秋尋中峯絕頂非無
路北闕除書阻入林朝謁此時閑野屐宿齋何處

鳴砧省中石磴陪隨步唯賞煙霞不歇深

上邠寧邢司徒

箭頭破帖渾無敵杖底敲毬遠有聲馬走千蹄朝萬
乘地分三郡擁雙旌春風欲盡山花發曉角初吹客
夢驚不是邢公來鎮此長安西北未能行

欲遊嵩岳晉別李少尹

益

孤策遲迴洛水湄孤禽嘹唳幸人知嵩岳望中常待
我河梁欲上未題詩新秋愛月愁多兩古觀逢仙看
盡碁微眇此來將敢問鳳皇何日定歸池

病鵲吟

俊鳥還投高處栖騰身憂憂下雲梯有時透霧凌空
去無事隨風入草迷迅疾月邊捎玉兔遲迴日裏拂
金鷄不緣毛羽遭零落焉肯雄心向爾低

贈僧

從來多是遊山水省泊禪舟月下濤初過石橋年尚
少久辭天柱臘應高青松帶雪懸銅錫白髮如霜落
鐵刀常恐畫工援筆寫身長七尺有眉毫

贈翰林院

清重無一作可過知內制從前禮絕外庭人看花在處多
隨駕召宴無時不及身馬自賜來騎覺穩詩緣見徹
語長新應憐獨向名場苦曾十餘年浪過春

頌德上賈常侍

邊臣說使朝天子發語轟然激夏雷高節羽書期獨
傳分符絳郡滯長材喟啾鳥恐鷹鷂起流散人歸父
母來自顧此身無所立恭談祖德朶頤開

田將軍書院

滿庭花木半新栽若自平湖遠岸來筍迸隣家還長

竹地經山兩幾層
苔井當深夜泉微
定閣入高秋戶
盡開行背曲江誰
到此琴書鎖着未
朝迴

投龐少尹

閉戶息機掩白首
中庭一樹有清陰
年年不改風塵
趣日日轉多泉石
心病起望山臺上
立覺來聽雨燭
前吟龐公相識元
和歲春分依依直
至今

夏夜登南樓

水岸寒一作樓帶月躋
夏林初見岳陽溪
一點新螢報秋信
不知何處一作是菩提

題青龍寺

碣石山人一軸詩
終南山北數人知
擬看青龍寺裏
月待無一點夜雲
時

贈李文通

營當萬勝岡頭下
誓立千年不朽功
天子手擎新鉞
斧諫官請贈李文
通

題虢州三堂吳節中

無窮草樹昔誰栽
新起臨湖白石臺
半岸泥沙孤鶴
立三堂風雨四門
開荷翻團露驚秋
近柳轉斜陽過

水來昨夜北樓堪朗詠魏城初鎖月徘徊

送僧

池上時時松雪落焚香煙起見孤燈靜夜憶誰來對
坐曲江南岸寺中僧

三月晦日贈劉評事

睡未到曉鐘猶是春
三月正當三十日風光別我苦吟身共君今夜不須

送張道者

新歲抱琴何處去洛陽三十六峯西生來未識山人

面不得一聽烏夜啼

題魚尊師院

老子堂前花萬樹先生曾見幾迴春夜煎白石平明
喫不擬教人哭此身

宿村家亭子

牀頭枕是溪中石井底泉通竹下池宿客未眠過夜
半獨聞山雨到來時

送稱上人

歸蜀擬從巫峽過何時得入舊房禪寺中來後誰身

化起塔栽松向野田
揚秘書新居

城角新居隣靜寺時從新閣上
經樓南山泉入宮中去先向詩人門外流

聽樂山人彈易水

朱絲絃底燕泉急燕將雲孫白日彈
羸氏歸山陵已掘聲聲猶帶髮冲冠

經蘇秦墓

沙埋古篆折碑文六國興亡事計一作繫君今日淒涼無

處說亂山秋盡有寒雲

題戴勝

星點花冠道士衣紫陽宮女化身飛
能傳上界春消息若到蓬山莫放歸

題隱者居

雖有柴門長不關片雲孤木伴身閑
猶嫌住久人知處見擬移家更上山

哭孟東野

蘭無香氣鶴無聲哭盡秋天月不明
自從東野先生

死側近雲山得散行

過京索先生墓

京索先生三尺墳
秋風漠漠吐寒雲
從來有恨君莫
哭今日何人更哭君

客思

促織聲尖尖
促針更深刺着旅人心
獨言獨語月明裏
驚覺眠童與宿禽

塩池院觀鹿

條峯五老勢相連
此鹿來從若個邊
別有野麋人不

見一生長飲白雲泉

拾遺

春行

亦非昌口... 是... 亦不... 詩...

去去行人遠塵隨馬不窮旅情斜日後春色早煙中
流水穿空館閑花發故宮舊鄉千里思池上綠揚風

上杜駙馬

即杜
悰也

玉山突兀壓乾坤出得朱門入戟門妻是九重天子
女身為一品令公孫鴛鴦殿裡叅皇后龍鳳堂前賀
至尊今日灋陽非久駐佇為霖兩拜新恩

已上見
才調集

題興化園亭

詩林廣記作
題裴晉公第

賈浪仙

百病居言

十三

破却千家作一池不栽桃李種薔薇
薔薇微薔薇花落秋風起荆棘滿庭君始知
想此幽霖雨拜禱思十國集
籬外清陰接藥欄曉風交夏碧瑯玕
子猷沒後知音少粉節霜筠謾歲寒

李斯井李斯 宮蓋嘯十里思出上

井存上蔡南門外置此井時來相秦斷綆數尋垂

甃取將寒水是何人已上出萬首唐人絕句

尋隱者不遇唐音作孫華訪羊尊師集亦不載其詩然亦非島口吻華作良是既呂彙附在島名

存之 疑

松下問童子言師採藥去只在此山中雲深不知處

壯士吟出雅音 會編

壯士不曾悲去即無回期如何易水上未歌先淚垂

自註獨行潭底影數息樹 邊身下註此一絕

二句三年得一吟雙淚流知音如不賞歸臥故山秋

過海聯句高麗使過海島詠 稍人聯下二句

賈浪仙

三五

沙鳥浮還沒山雲斷復連高麗掉穿波底月船壓水中

天鳥已上二平對一令雙夾流以音以不賞融以姑山壯

出詩林 廣記

遺句

不如牛與羊猶得日暮歸吹回流水上未惜夫與妻

夜半長安兩燈前越客吟贈吳虜士句

島嶼夏雲起汀洲芳草深

秋風吹渭水落葉滿長安只五山中雲彩不味

除前二句鳥為僧時作為韓愈所取餘皆張為

取作主客圖出唐詩紀事

送廬秀才遊潞府

雨餘滋潤在風不起塵沙邊日寡文思送君吟月華

過山干相府臨水宿僧家能賦焉長屈芳春晏杏花

出江江集

年也是嘗兩召皆辭唐史止書其一是歲四月全忠
墓後全忠被弒明年梁亡其兩召不行非特避禍蓋
終身不食梁祿其大節與司空表聖略相等惜乎唐
史不能少發明之也
昔明天祿二年也
筆談謂香奩集乃漢相和凝所為後貴嫁其名於韓
偓余以二事驗之敢以筆談為誤矣余家有唐吳融
詩一集其中有和韓致中侍郎無題三首與香奩集
中無題韻正同而偓序中亦具載其事一驗也又余
曾在溫陵於偓裔孫垆處見偓親書所作詩一卷雖

紙墨昏淡而字宛然其裏娜多情春盡等詩多在卷
中乃別取其綺麗可喜者編為香奩集二驗也是知
香奩一集皆韓偓之詞偓富於才情詞致婉麗能道
人意外事固非和凝所能及疑言余有香奩集不行
於世者據北夢瑣言云疑少年時好為小詞布於汴
洛洎作相傳令專收拾焚毀契丹入寇號曲子相公
然則疑之香奩集乃浮豔小詞所謂不行於世欲自
掩耳安得便以今世所行香奩集為疑作也

卷一

幽窓

刺繡非無暇幽窓自勘歡手香江橘嫩齒軟越梅酸
密約臨行怯私書欲報難無憑語鵲語猶得暫心寬
夢啼嗚咽覺無語杳杳微微望烟浦樓空客散燕交
飛江靜帆稀日亭午
鯁魚苦笋香味新揚花酒旗三月春風光百計牽人
老爭奈多情足病身
春盡日

鶯

樹頭初日照西簷樹底蕩衣花雨霑外院池亭聳動
鎖後堂攔檻見垂簾柳腰入戶風斜倚榆筴堆牆水
半淹把酒送春惆悵在年年三月病懨懨

詠燈

高在酒樓明錦幕遠隨漢艇泊烟江古來幽怨皆銷
骨休向長門^指雨窓因我^指真^指無^指
別緒靜悄悄牽愁暗入心已迴花渚棹悔聽酒壚琴
菊露淒羅幙梨霜惻錦衾此生終獨宿到死誓相尋

月好知何計歌闌悵不禁山巔更高處憶上上頭吟

見花

褰裳擁鼻正吟詩日午墻頭獨見時血染蜀羅山躑
躑肉紅宮錦海棠梨因狂得病真閑事欲詠無才
是所悲看却春風歸去也爭教剩得最繁枝

馬上見

驕馬錦連錢乘騎是謫僊和裙穿玉鐙隔袖把金鞭
去帶慵騰醉歸成困頓眠自憐輸廐吏餘煖在香鞵

遠廊

濃烟隔簾香漏泄斜燈映竹光參差遠廊倚柱堪惆
悵作正調悵微雨輕寒花落時

候子

六寸一作方寸膚圓光緻緻白羅繡屣紅花花一作托裏南朝天子欠
風流却重金蓮輕綠齒

○青春

眼意心期卒未休暗中終擬約秦樓光陰負我唯相
遇情緒牽人不自由遙夜定嫌香蔽膝悶時應弄玉
搔頭櫻桃花謝梨花發腸斷青春兩處愁

香侵蔽膝夜寒輕

聞雨傷春夢不成羅帳四垂紅燭

背玉釵敲著枕函聲

懶起

百舌喚朝眠春心動幾般枕霞黯淡淡粉玉闌珊籠

繡香炷散屏山燭焰殘暖憐羅襪窄瘦覺錦衣寬昨

夜三更雨今朝一陣寒海棠花在不側臥捲簾看

已涼

碧攔杆外繡簾垂猩血屏風畫極枝一作猩色屏風畫八尺

龍鬚方錦褥已涼天氣未寒時

欲去

紛紜隔窻語重約踏青期縱得相逢處無非欲去時

恨深書不盡寵極意多疑惆悵桃源路惟教夢寐知

○橫塘

秋寒灑背入簾霜鳳脰燈清照洞房蜀紙麝煤添筆

媚越甌犀液發茶香風飄亂點更籌轉拍送繁絃曲

破長散客出門斜月在兩眉愁思向橫塘

五更

韓偓

百家唐詩

二

西廂記

五

往年曾約簪金床半夜潛身入洞房懷裏不知金細

落暗中唯覺繡鞋一作衣香此時欲別魂俱斷自后相逢

眼更狂光景旋消惆悵在一生贏得是淒涼

院宇明姝日日長社前一雁別列遼陽隴頭針線年年

事不喜寒砧搗斷腸

擡鏡仍嫌瘦更衣又怕寒宵分未歸帳半睡待即看

夜深寒食夜

清江碧草兩悠悠各自風流一種愁正是落花寒食

夜夜深無伴倚空樓

曾愁香結破顏遲今見妖紅委地時若是有情爭不

哭夜來風雨葬西施

一畝青重遊曲江管和谷人條好絲外劍裏玉

鞭稍乱拂暗傷情蹤跡難尋露草青猶是玉輪曾碾

處一泓秋水漲浮萍秋水一作春雨

悲婚處遙見

風如金燕木白王堂東

歸

歸

歸

歸

悲歌淚濕淡胭脂閑立風吹金縷衣白玉堂東遙見

后令人陡薄畫揚妃一作斗

新秋一作秋新秋新秋新秋新秋新秋新秋新秋新秋

一夜清風動扇愁背時容色入新秋桃花臉裏汪汪

淚忍到更深枕上流

宮詞一作宮詞宮詞宮詞宮詞宮詞宮詞宮詞宮詞宮詞

繡裙斜立正銷魂侍女移燈掩殿門燕子不歸花着

雨春風應自怨黃昏

踏青一作踏青踏青踏青踏青踏青踏青踏青踏青踏青

踏青會散欲歸時金車久立頻催收裙整髻故遲

苗雨點深心各惆悵

寒食夜一作寒食夜寒食夜寒食夜寒食夜寒食夜

惻惻輕寒剪剪風小梅飄雪杏花紅夜深斜搭鞦韆

索樓閣朦朧細雨中

夏日早望日高古欲出悠悠

庭樹新陰葉未成玉階人靜一蟬聲相風不動烏龍

睡時有嬌鶯自喚名

新上頭

學梳鬆髮試裙新消息佳在此春為愛要好多心轉
惑遍將且稱問傍人

夜短睡遲慵早起日高方始出紗窗中庭自摘青梅
子先向釵頭帶一雙

詠浴

再整魚犀攏翠簪解衣先覺冷森森教移蘭燭頻羞
影自試香湯更怕深初似洗花難抑按終憂沃雪不
勝任豈知侍女簾幃外賸取君王幾餅金

席上有贈

矜嚴標格絕嫌猜嗔怒難逢咲靨開小雁斜侵眉柳
去媚霞橫接眼波來髮垂香頰雲遮藕粉着蘭膏雪
壓梅莫道風流無宋玉好將心力事教臺

早歸

去時黃昏后歸當朧朧時衣吟宿醉風露動相思

玉合雜言

羅囊綉兩鳳凰玉合雕雙鷓鴣中有蘭膏漬紅豆每
迴拈着長相憶長恨幾春人悵望香氣氲開緘不見新

書跡帶粉猶殘，舊指痕入。新堂香扇，虛開不具條。

金陵雜言

風雨蕭蕭石頭城，下木蘭橈，烟月迢迢。金陵渡口去，來潮自古風流。暗銷才鬼，妖魂誰與招。綵牋麗句，徒已矣，羅襪金蓮，何處尋寥。

懶卸頭似生查子

侍女動粧奩，故故驚人睡。那知本未眠，背面偷垂淚。懶卸鳳凰釵，羞入鴛鴦被。時復見殘燈，和烟墜金穗。

倚醉

倚醉無端尋舊約，即於惆悵轉難勝。靜中樓閣深春，雨遠處簾櫳。半夜燈抱柱立時，風細細，遠廊行處思騰騰。分明窓下聞裁剪，敲遍欄杆喚不應。

詠手

腕白膚紅玉笋，芽調琴抽線，露尖斜背人。細撚垂臙，鬢向鏡輕勻。襯眼霞，悵望昔逢，褰繡帳，依稀曾見托香。金車后園笑，向同行道，摘得薜蘿，又一披。

荷花

鈿扇相欹綠，香囊獨立紅。浸淫因重露，狂暴是秋風。

逸調無人唱秋塘每夜空何由見周昉移入畫屏中

鬆髻

髻根鬆慢玉釵^無指點花枝^原庭花又過時暗坐久

生惆悵事^昔人勻却淚胭脂

半夜^{三韻}

板閣數樽后至今猶酒悲一宵相見事半夜獨眠時

明朝窓下照應有髮^馬如絲

寄遠^{在岐日作}

眉如半^月雲如髮梧桐葉落敲井^欄孤燈亭亭公

署寒微霜淒淒客衣单相^美人兮雲一端夢魂悠悠

関山雞空床展轉懷悲酸銅壺漏盡聞金鳶

信筆

睡髻休頻攏春眉忍更長整釵梳子重泛酒菊花香

繡疊昏金色羅揉損研光有時閑弄筆亦畫兩鴛鴦

寄恨

秦釵枉斷長條玉蜀紙虛番小字紅死恨物情^別難會

處蓮花不肯嫁^東春風

兩處

樓上淡山橫，樓前溝水清。憐山硬，憐水兩處總牽情。

擁鼻悲吟

擁鼻悲吟一向愁，寒更轉盡未迴頭。綠屏無睡秋分

輦，紅葉傷時月午樓。却要因循添逸興，若為趨競愴

離憂。慙慙憑仗官渠水，為_致西溪動釣舟。卷二

蹤跡

東烏西兔似車輪，劫火桑田不復論。唯有風光與蹤

跡，思量長是暗銷魂。

病憶

信知尤物必牽情，一顧難酬覺命輕。曾把禪機銷此

病，破除_終盡又重生。

妬媒

洞房深_鎖不曾開，橫卧烏龍作妬媒。好鳥豈勞_盡燕比

翼，異花何必更重臺。難_盡留_盡逐_盡驚_盡颺去暫見如隨急

電來多為過防成，後悔偶因語得深。猜已_嫌刻蠟春

宵短，最恨鳴珂曉鼓催。應_自咲楚襄仙分薄，日中長_是

一作月中長過獨徘徊

不見

歸煙

百家詩

七

動靜防閑又疑佯佯脉脉是^此機此身願作君家燕
秋社歸時也不歸

碧^格桐陰靜隔簾櫳扇拂金鷺玉葦烘撲粉更^添香體
滑解衣微^惟見下裳紅煩襟乍觸冰壺冷倦枕^斜欹寶
髻鬆何必苦勞魂與夢王昌只在此墻東

意緒

絕代佳人何寂寞梨花未發梅花落東風吹雨入西
園銀線千條度虛閣臉^嫩粉雜勻蜀酒紅^深濃口脂易

印吳綾薄嬌^嬌意緒不勝^{一作能}羞願倚卽肩未相着

惆悵

身情長在暗相隨生兔隨君君豈知被頭不暖空沾
淚釵股款分猶半疑朗月清風難愜意詞人絕色多
傷離何如飲酒連^身醉席地幕天無所知

忍笑

宮樣^{梳頭}夜裳淺畫眉曉^晚來^{妝飾}梳洗更相宜水精鸚鵡釵頭
顫舉袂佯羞忍笑時

詠柳

囊兩拖風不自持全身無力向人垂玉纖折得逞相
賜便似觀音手裡時

密意

呵花貼鬢粘寒髮凝酥光透猩猩血經過洛水幾
多人唯有陳王見羅襪

偶見

鞦韆打困解羅裙指點醞醞索一尊見客入來和笑
走手搓梅子映中門

寒食夜有寄

風流大底是張張一作張此際相思必斷腸雲薄月昏寒
食夜隔簾微雨杏花香

做崔輔國體

三首

淡月照中夜海棠花自落獨立俯閑階風動鞦韆索

其二

酒力滋睡眸鹵莽街鼓欲明天一作未更寒東風打窓
雨

其三

羅幕生春寒繡窓愁未眠夜來南湖雨應濕採蓮船

后魏時相州人作李波小妹歌疑其未備因補之
李波小妹字雍容窄衣短袖蠻錦紅未解有情夢梁
殿一作苑何曾自媚妬吳宮誰教牽引知酒味因令悵
望成春慵海棠花下鞦韆畔背人撩鬢道怱怱
春畫四言
春融艷艷大醉陶陶漏添遲日箭減良宵藤垂戟戶
柳拂浮橋簾慢燕子池塘伯勞膚清臂瘦衫薄香銷
楚殿衣窄南朝髻高河陽縣遠清坡地暹絲纏露泣
各自無慘

三憶

憶眠時春夢困騰騰展轉不能起玉釵垂枕稜憶行
時背手移金雀欵咲慢迴頭步轉攔杆角憶去時向
月遲遲行強語戲同伴圖即聞咲聲

六言

三首

春樓處子傾城金陵狎客多情朝雲暮雨會合羅襪
綉被逢迎華山梧桐相覆蠻江豈處連生幽歡不盡
白大別秌河悵望平明

其二

一燈前雨落夜三月盡草青時半寒半暖正好花開
花謝相思惆悵空教夢見懊惱多成酒悲紅袖不乾
誰會揉損聯娟淡眉

其三

此間青草更遠不唯空繞汀洲那裡朝日才出還應
先照西樓憶淚因成恨淚夢遊長續心遊桃源洞口
來否絳節霓旌久留

○寒食日重遊李氏林亭有懷

往年同曾在鸞橋上見倚朱詠柳綠今日獨來香徑裏

更無人跡有苔錢傷心濶別三千里屈指思量四五
羊料得他鄉過處遇佳節亦應懷抱暗凄然

思錄舊詩於卷上凄然有感因成一章

緝綴小詩抄卷裏尋思閑事到心頭自吟自泣無人
會腸斷蓬山第一流

春閨

願結交加夢因傾漱灑博醒來情緒惡簾外正黃昏

其二

氤氳帳裏香薄薄睡時粧長吁解羅帶怯見上空床

○代小王家為番騎所虜後寄故集賢裴公相國

動天金鼓逼一作發神州惜別無心學墜樓不得迴眸辭

傳一作誰粉便須含淚對殘燧折釵伴妾埋青塚半鏡隨

即一作君葵杜郵唯有此宵魂夢裏慙慙相覓鳳池頭

會山世薦福寺講筵偶見又別

見時濃日午別處暮鐘殘景色疑春盡襟懷似酒闌

兩情含眷戀一作含口鉤致辛酸夜靜長廊下難尋屐齒看

霧一作露為襟袖玉為冠半似羞一作含及半忍寒別易會難長自

復偶見三絕

嘆轉身應把淚珠彈

桃花臉薄難藏淚桂葉眉長易覺愁密迹未成當面

咲幾迴擡眼又低頭

半身映竹輕關語一手揭簾微轉頭此意別人應未

覺不勝情緒兩風流

厭花落

散花若人寂寞果樹陰成燕翅齊西園永閉高閣後

堂夾簾愁不捲低頭悶把衣襟撚忽然事到心中來

四肢嬌入茸茸眼也曾同在華堂宴佯狂擺髮偷迴

面半醉狂心忍不禁分明一任傍人見書中說却平生事猶疑未滿情卽意錦囊封了又重開夜深窻下燒紅紙紅紙千張言不盡至誠無語傳心印但得鴛衾枕臂眠也任時光都一瞬

春悶偶成十二韻

阡陌懸雲壤攔畦隔艾芝路遙行雨懶河濶過橋遲鴈足應難達孤蹤浪得疑謝鯤吟未廢張碩夢堪思有意通情處無言攏髮時格高歸歛笑歌恣在頻眉醉後金蟬重歡餘玉燕歆素姿凌白柰圓頰誚紅梨

粉字題花筆香牋詠柳詩繡窻携手約芳草踏青期別淚開泉脉春愁眉藕絲相思不相信幽恨更誰知


再青春

一作想得

兩重門裏玉堂前寒食花枝月午天想得那人垂手立嬌羞不肯上鞦韆

偶見背面是夕兼夢

酥凝背胛玉搓肩輕薄紅綃覆白蓮此夜分明來入夢當時惆悵不成眠眼波向我無端艷心火因君特地燃莫道人生難際會秦樓寫鳳有神仙



编码错误

应为18~19页

五更

秋雨五更頭
桐竹鳴騷屑
却似殘春間
斷送花時節
空樓鴈一聲
遠屏燈半滅
繡被擁嬌寒
眉山正愁絕

○有憶

晝漏迢迢夜漏移
傾城消息杳無期
愁腸泥酒人千里
淚眼倚樓天四垂
自咲計狂多獨語
誰憐夢好轉相思
何時斗帳濃香裏
分付春風與玉兒

閨恨

時光潛去暗淒涼
懶對菱花暈曉粧
初拆鞦韆人寂

寞後園青草任他長

○裏娜

裏娜腰肢淡薄妝
六朝宮樣窄衣裳
看詞暫見櫻桃
破飛盡遙聞豈
蕊香春惱情懷
身覺瘦酒添顏色
粉生光此時不敢
分明道風月應
知暗斷腸

○多情

天遣多情不自持
多情無與病相宜
蜂偷野蜜初嘗
處鶯啄含桃欲咽
時酒蕩襟懷微駭
駭春牽情緒更融
怡水香剝貯金盆
裏瓊樹長須浸一枝

○偶見

千金莫惜早蓮生一笑從教下蔡傾仙樹有花雞閣
種御香聞氣不知名愁來自覺歌喉咽瘦去誰憐舞
掌輕小疊紅牋書恨字與奴方便送卿卿

箇儂

甚感慙慙意其如阻礙何隔簾窺綠蓋映柱送橫波
老大逢知少襟懷暗喜多因傾一尊酒聊以慰蹉跎

荔枝三首

遐方不許貢珍奇密詔唯教進荔枝漢武碧桃爭此

得枉令方朔號偷兒

封風開玉籠鷄冠澁葉襯金盤鶴頂鮮想得佳人微露

齒翠釵先取一枝懸

巧裁絳片裹神漿崖窰天然有異香應是仙人金掌

露結成冰入茜羅囊

余幸酉年戲作無題十四韻故女奉常王公相國

首於繼和故內翰吳侍郎融令孤舍人渙閣下

劉舍人崇譽吏部王負外渙相次屬和余因作

第二首却寄諸公二內翰及小天亦再和余復

作第三首二內翰亦三和王公一首劉紫微一首王小天二首三學士各三首余又倒押舊韵成第四首二學士笑謂余曰謹豎降旗何如如是也遂絕筆是歲十月末余在內直一旦兵起隨駕西狩文藁成棄更無了遺丙寅年九月在福建寓止有前東都度支院蘇端端公挈余淪落詩藁見授中得無題一首因追味舊作缺甚多唯第二第四首髣髴可記其三首才得數句而已今亦依次編之以俟他時偶獲全本餘

五人所和不得憶省矣

無題第一

小檻移燈地空房鎖隙塵額波風盡日簾匝月侵晨
香^辨辣更衣後釵梁權髻新吉音聞詭計醉語近天真
粧好方長歎歡餘却淺頰綉屏金作屋絲懣玉為輪
致意通綿竹精誠托錦鱗歌凝眉際恨酒發臉邊春
溪^擘殊輕越樓簫豈羨秦柳虛襍沴氣梅實引芳津
樂府降清唱宮厨減食珍防閑襟併歛忍妬淚休勻
宿飲愁縈夢春寒瘦着人手持雙豈寇的的為東隣

第二

碧瓦偏光日紅簾不受塵柳昏連綠野花爛熳清晨
 書密偷看數情通破體新明言終未實暗視始應真
 枉道嫌偷藥推誠鄙却效顰合成雲五色宜在中輪
 照歎金塗瓜釵魚玉縷鱗渺瀰三島浪平遠一樓春
 墮髻還名壽修娥本姓秦掉尋聞犬洞槎入飲牛津
 麟脯隨重釀霜華間八珍錦衾霞彩爛羅襪訝光勻
 羞澁伴牽伴嬌饒款泥人偷兒難捉搦慎莫共此隣

第三

紫蠟融花帶紅綿拭鏡塵夢狂翻惜夜粧懶厭凌晨
 茜袖啼痕數香日殘墨色新從此不記

第四倒押前韻

白下歸同路烏衣在作隣現聲猶隔箔香氣已迎人
 酒勸杯須滿書羞字不勻歌憐黃竹怨珠實碧珠瓏珍
 剪燭非良策當関是要津東阿初渡洛楊憚舊家秦
 粉化橫波溢衫輕曉霧春鴨黃雙鳳翅扇月半魚鱗
 別袂翻如浪回腸轉輪似後期終注脚前事又含頻
 縱有才難詠寧無畫逼真天香聞更有瓊樹見常新

韓偓

百家唐詩

三

闌草常更僕迷闌悞達晨嗅花判不得檀注意惹芳塵

曲子浣沙溪二首

櫛髮新收玉步搖背燈初解繡裙腰枕香衾暖異香

焦深院不閉春窸窣落花和雨夜迢迢恨情殘醉

却無聊

其二

宿醉離愁慢髻鬟六銖衣薄惹輕寒慵紅悶翠掩青

鸞山羅襪况兼金盞蓄雪肌仍是玉瓊珩骨香腰細

更沉檀

卷三

黃蜀葵賦

色配中央心傾太陽布葉近臨於玉砌移根遠自於

銅梁萼綠華未見楊妃義冠著駮駮杜蘭香喜逢張碩

巾帔飄颻銀漢之星機欲曙金臺之漏箭初長動人

妖艷撲鼻生香千里鵲鷓濫得名於太液三秣菊葉

虛長價於柴桑送日微困迎風欲翔周昉神疲吮笔

而深慙思晚江淹色沮擘箋而所恨才荒蝶翅堪憎

蜂鬢可妬幾多之金粉遭竊一點之檀心被汚何須

逼視漢夫人之鴛寢步羞不待含情晉天子之羊車

自駐激電寒暄跳丸鳥兔得不騰淹晉勞頽慕惻惻
張京兆唯將桂葉添眉恨望齊東昏却把金蓮花襯
步騷人易老絕色多愁曷忍在綺窓側畔當綉戶前
頭目斷猶駐魂消未收映葉而似擎歌扇隈欄而若
墮粧樓感荀蕩之慙懃誓無絨著怨讒覬之強暴未
近風流清旦鶯啼黃昏客散鶴鎖弓長引猿腸弓屢
斷攀條立處林鳥應咲於後栖欵枕看時梁燕或聞
於長嘆已而已而只有醉於叢畔

紅芭蕉賦

瞥見紅蕉魂隨魄消陰火與朱華共映神霞將日脚
相燒讒家之麗句難窮尋烘壘洛浦之下裳頻換刺
染較綃鶴頂盡伴鷄冠詎擬蘭受露以殊添楓經霜
而莫比趙合德裙間一點顏同白玉唾壺鄧夫人額
上微殷却賴水晶如意森森雙夔脉脉亭亭舊王之
嗟來若指彤雲之剪出如瓶鶯舌無端妬含桃而未
咽星唇易染騶浮蟻以難醒在物無雙於情可溺橫
波接紅臉之艷含貝發朱唇之色僧虔密炬樂桂棟
以難藏潘岳金缸散繡帟而不隔大凡人之麗者必

動物物之尤者又移人不言而信其速如神所以月
彩下蟾珠之水梅酸生鶴唳之津與閑巧運自合天
真有影先知無聲已認體疎而意密迹遠而情近天
穿地朽幾人語絕色難逢萬古千秋唯我睽紅英不
盡南浦月若半環雲若吐高樓簾捲當南浦應是石城艇子
來兩槳咿啞過花塢正值連宵酒未醒不宜此際兼
微雨直教筆底有文星亦應難狀分明苦深院
昔長深院

鵝兒唼唳梳黃嘴鳳子輕盈賦粉腰深院下簾人晝
寢紅善微架碧芭蕉

○閨情

輕風滴磔動簾鈎宿酒從酣懶卸頭但覺夜深花有
露不知人靜月當樓何卽燭暗誰能脈韓壽香亦
任偷敲折玉釵歌轉咽一聲聲入兩眉愁

附錄

余作探使以繚綾手帛子寄賀因而有詩

解寄繚綾小字封探花筵上應春叢黛眉印在微微

韓偓

韓偓詩

七

綠檀口消來薄薄紅縷處直應心共緊
研時兼恐汗先融
帝臺春盡還東去却繫裙
香伴雪曾

別錦兒

及第後出京別錦兒與蜀奴

一尺紅綃一首詩贈君相別兩相思
畫眉今日空番語解佩他年更可期
臨去莫論交頰意清歌休着斷腸詞
出門何事休惆悵曾夢良人折桂枝

雨中

青桐承雨聲聲何重疊
踈滴下高枝次打歌低葉
鳥濕更梳翎人愁方拄頰
獨自上西樓風襟寒帖帖

流羊

三月傷心仍悔日一春多病更陰天
雄豪亦有流年恨況是離魂易黯然

春盡

惜春連日醉昏昏後衣裳見酒痕
細水浮花歸別澗斷雲含水入孤村
人閑易有芳時恨地勝難招自古
兔慙愧流鶯相厚意清晨猶為到西園

秋雨內宴

一帶清風入畫堂
撼真珠箔碎玳瑁更有檻外霏霏

雨似勸須教醉玉觴

寒食日沙縣雨中看薔薇

何處遇薔薇殊鄉冷節時
雨聲籠錦帳風勢偃羅幃
通體全無力酡顏不自持
綠踈微露刺紅密欲藏枝
愜意馮欄久貪吟放盞
遲旁人應見訝自醉自題詩

惜春

願言未偶非高臥
步病無憐遲勝遊
一夜雨聲三月
盡萬般人事五更頭
年踰弱冠即為老
節過清明却似秋
應是西園花已落
滿溪紅片向東流

早起探春

勾芒一夜長精神
臘後風頭已見春
烟柳半眠藏利
臉雪梅含笑綻香唇
漸因閑暇思量酒
必怨顛狂泥
模人若箇高情能似我
且應歌枕睡清晨

雨村

鴈行斜拂雨村樓
簾下三重幕一鉤
倚柱不知身半
濕黃昏獨自未回頭

夏夜

猛風飄電黑雲生
霎霎高林簇雨聲
夜久雨休風又

定斷雲流月却斜明
雲高林茂雨聲寒
人面木犀又
欄干

掃花雖恨夜來雨
把酒却憐晴後寒
吳質謾言愁得
病當時猶不凭闌干

以庭前海棠梨花一枝寄李十九員外

二月春風澹蕩時
旅人虛對海棠梨
不如寄與星郎
去想得朝回正畫眉

春恨

一作五鼓伴

殘夢依依酒力餘
城頭鴨鵝伴啼烏
平明乍卷西樓

幕院靜初聞放轆轤

半睡

眉山暗淡向殘燈
一半雲鬟墜枕綾
四体着人嬌欲
泣自家揉損研繚綾

已涼

愁多却訝天涼早
思倦翻嫌夜漏遲
何處山川孤館
裏向燈鬢盡一雙眉

附吳融詩其餘諸公俱失

和韓致光侍郎無題

珠珮元消暑犀簪自辟塵
揜燈容燕宿開鏡待難難
晨去懶都忘舊來步未厭
新每逢憂是夢常憶故延
真杏小雙圓頰靨山濃雨
點頻瘦難勝宝帶輕款馭
雕一作輪篋鳳金鷗翼釵魚
玉縷鱗月明無睡夜花落
斷腸春解舞何須楚能箏
可在秦怯探同海底稀
遇極天津綠標舉宮艷青
梅弄嶺珍管織銀字咽校
密錦書句厭勝还随俗無
疑不避人可憐三五夕武
媚善為隣

第二

舞轉輕輕雪歌霏漠漠塵
漫遊弓卜夜慵起不知晨
玉筋和粧浥金連逐步新
鳳笙追比里鶴馭訪南真
有恨都無語非愁亦有頻
戲應過泮浦飛合入蟾輪
杯樣成言鳥梳文解臥鱗
逢迎大提晚離別洞庭春
似土曾誇趙如雲不讓秦
錦收花上露珠引月中津
木為連理貴禽因比翼珍
万峯酥點薄五色綉粧勻
懶髓求魚客鮫綃托海神
寸腸誰與達洞府四無隣

第三

綺閣臨初日銅臺拂暗塵
鷓鴣偏報曉

烏鴉慣驚晨
網裁書

數鷓絃上曲新病多疑尼重語切見心真子母錢微
笑西南月借頻擣衣嫌獨杵分袂怨雙輪貝葉教丹
甯金刀寄赤鱗捲簾吟塞雪飛楫渡江春解織宜名
蕙能歌合姓秦眼穿回鴈嶺魂斷飲牛津藥自偷來
絕香從竊去珍茗煎雲沫聚藥種玉苗勺草密應迷
客花繁好避人長干是風雨遙夜與誰隣

第四倒此元韻

南陌來尋伴東城去卜隣生憎無賴客死憶有情人
似束腰支細如插髮彩勺黃鸝裁帽貴紫燕刻釵珍

身近從湍石家原樓現津兩臺誰屬楚花洞不知秦
淚滴空床冷粧濃滿鏡春枕涼歌琥珀簾絮展騏驎
茂苑廊千步昭陽扇九輪陽城迷處笑京兆畫時顛
魚子封牋短蠅頭李字真易判期已遠難諱事還新
艇子愁衝夜驪駒怕拂晨如何斷岐路免得見行塵

韓偓

字致光萬年人官至翰林承旨行戶部侍郎知制誥
詩號韓翰林集別集

○雨後月中玉堂閑坐

入內庭後詩

天復元年辛酉五月後詩

銀臺直北金鑿外暑雨初晴皓月中唯對松篁聽刻
漏更無塵土翳虛空綠香熨齒冰盤果清冷侵肌水

殿風夜久忽聞鈴索動玉堂西畔響丁東

禁署嚴密非本院人雖有公事不敢遽入至

於內夫人宣事亦先引鈴每有文書即

內臣立於門外鈴聲動本院小判

○六月十七日召對自辰及申方歸本院

清暑簾開散異香恩深咫尺對龍章花應洞裏常時

發日向壺中特地長坐久忽疑一作驚查犯斗歸來無恐

海生桑如今冷笑東方朔唯用詼諧侍漢皇

與吳子華侍郎同年玉堂同直懷恩叙懇因成

長句四韻兼呈諸同年

韻兼呈諸同年

往年鶯谷接清塵今日鼇山作侍臣二紀計偕勞筆

硯余與子華俱父同名場一朝宣入掌絲綸聲名烜赫文章士金紫

雍容富貴身絳帳恩深無報路語餘相顧却酸辛

和吳子華侍郎令狐昭化舍人歎白菊衰謝

之絕次用

本韻

正憐香雪披千片忽訝殘霞覆一叢共花時識却看紅色還似妖姬

長年後酒酣雙臉却微紅

韓偓

韓偓詩

三

○中秋禁直

星斗疎明禁漏紫泥封後獨憑欄露和玉屑金盤冷
月射珠光貝闕寒天襯樓臺籠苑外風吹歌管下雲
端長卿祗為長門賦未識君臣際會難

錫宴日作

呈歲大稔內出金幣賜百官充觀極宴之士
院別賜綬綬伯匹委京兆府自當後宰相一

日宴於

興化亭

玉銜花馬踏香街詔遣追權綺席開中使押從天上
去是日在外四李士排門齊入同進狀辭赴宴所
奉宣差李士院使二人押去外人知自日邊來臣心淨比

漪連水聖澤深於漱灑盃唯纔有異恩頒稷契已將

優禮及鄒枚清商通向梨園降妙妓新行峽雨迴不
敢通宵離禁直晚乘殘醉入銀臺

當直李士二人至晚李士院使二人却押入直餘
四人在外可以下夜內臣去外知熟間承即給
舍多未定宴余是日當直故有是句

侍宴

蜂黃蝶粉兩依依狎宴臨春日正遲密旨不教江令
醉麗華微笑認皇慈

○宮柳

莫道秋來芳意遠宮娃猶似妬蛾眉幸當玉輦經過
處不怕金風浩蕩時草色長承垂地葉日華先動映
樓枝澗松亦有凌雲分爭似移根太液池

韓偓

一

三

○苑中

上苑離宮處處迷相風高與露盤齊金階鑄出狻猊
立玉柱雕成佛秣啼外使調鷹初得按

五方外按使以鷹隼初調習始能擒獲謂之得按

中官過馬不教嘶

上每乘馬必關官馭以進謂之過馬既乘之而後變蹀嘶鳴

笙歌錦繡雲霄裏獨

許詞臣醉似泥

佛

父涕切

秣

印的切

○辛酉歲冬十一月隨駕幸岐下作

曳裾談笑殿西頭忽聽征鏡從冕旒鳳蓋行時移紫
氣鸞旗駐處認皇州曉題御服頒羣吏夜發宮嬪詔
列侯雨露涵濡三百載不知誰擬殺身酬

從獵三首

獵犬諳斜路宮嬪識認旗馬前雙兔起宣示羽林兒
小鎧狹鞞鞞鞞輕妓細腰有時齊走馬也學唱交交
蹀躞巴駙駿迢迢碧野鷄忽聞仙樂動賜酒玉偏提

○冬至夜作

天復二年壬戌隨駕在鳳翔府

中宵忽見動葭灰料得南枝有早梅四野便應枯草
綠九重先覺凍雲開陰冰莫向河源塞陽氣今從地
底迴不道慘舒無定分却憂蚊響又成雷

秋霖夜憶家

隨駕在鳳翔府

垂老何時見弟兄背燈愁泣到天明不知短髮能
少一滴秋霖白一茎

○恩錫櫻桃分寄朝士

在岐下

未許鶯偷出漢宮上林初進半金籠蔗漿自透銀盃
冷朱實相輝玉椀紅俱有亂離終日恨貴將滋味片
時同霜威食藥應難近宜在紗窓繡戶中

出官經硤石縣

天復三年二月二十二日

謫宦過東畿所抵州名濮故里款清明臨風堪慟哭
溪長柳似惟山暖花如醜逆旅訝簪裾

南路以久無儒服
經過皆相聚悲喜

野老

悲陵谷暝鳥影連翩驚狐尾燼邀教尚得佐方州信是
皇恩沐

訪同年虞部李郎中

天復四年二月在湖南

策蹇相尋犯雪泥厨烟未動日平西門庭野水漣漣
鷺鄰里短牆呶啞雞未入慶霄君擇肉畏逢華轂我
吹藿地爐貰酒成狂醉更覺襟懷得喪齊

贈漁者

在湖南

箇儂居處近誅茅枳棘籬兼用荻梢盡日風扉從自
掩無人筒釣是誰拋城方四面牆陰直江闊中心水

脉切我好閑求老伴莫嫌遷客且論交

春陰獨酌寄同年虞却李即中在湖南

春陰漠漠土脉潤春寒微微風意和閑喚入甲奔競

態醉唱落調渙樵歌詩道揣量疑可進宦情利缺轉

無多酒酣狂興依然在其素千莖鬢雪何

奉和峽州孫舍人肇荆南重園中寄諸朝士二

篇時李常侍洵嚴諫議龜李起居殷衡李即中

丹皆有繼和余

又有是債今至湖南方暇牽課

敏手何妨誤汰金敢懷私忿數羊斟直應宣室還三

接未必豐城便陸沉熾炭一爐真玉性濃霜千澗老

松心私恩尚有換捐軀誓况是君恩萬倍深

征途安敢更遷延冒入重圍勢使然衆果却應存苦

李五瓶唯恐竭甘泉豈端莫撼三珠樹密策尋遺七

寶鞭黃篋舫中梅兩棗野人無事日高眠

雪中過重湖信筆偶題

道方時險擬如何謫去甘心隱薜蘿青草湖將天暗

合白頭浪與雪相和旗亭臘耐踰年熟水國春寒向

韓偓

韓偓詩

韓偓

晚步處困不忙仍不怨醉來唯是欲僂僂

寄湖南從事

索寞襟懷酒半醒無人一為解餘醒岸頭柳色春將

盡船背兩聲天欲明去國正悲同旅鴈隔江何忍更

啼鶯蓮花幕下風流客試與溫存謹逐情

○翫水禽

兩兩珍禽渺渺溪翠襟紅掌淨無泥向陽眠處莎成

毯踏水飛時浪作梯依倚雕梁輕社燕柳楊金距笑

晨雞勸君細認漢翁意莫遣絙羅誤穩棲

早翫雪梅有懷親屬

北陸侯纔變南枝花已開無人同悵望把酒獨徘徊

凍白雪為伴寒香風是媒何因逢越使腸斷謫仙材

欲明 在醴陵

欲明籬被風吹倒過午門因客到開忍苦可能遭鬼

笑息機應免致鷗猜岳僧互乞新詩去酒保頻徵舊

債來唯有狂吟與沉飲時時猶自觸靈臺

梅花

梅花不肯傍春光自向深冬着艷陽龍笛遠吹胡地

韓偓

百家唐詩

三五

月燕叙初試漢宮粧風雖強暴翻添思雪欲侵凌更
助香應笑暫時桃李樹盜天和氣作年芳

借得茅齋岳麓西擬將身世老鋤犂清晨向市烟舍
郭寒夜歸村月照溪爐為窻明僧偶坐松因雪折鳥
驚啼靈椿朝菌由來事却笑在生始欲齊

古木侵天日已沉露華涼冷潤衣襟江城曛黑人行
絕唯有啼鳥伴夜碁

晚日

天際霞光入水中水中天際一時紅直從日觀三更

後

日觀峯
半夜見日

首送金鳥上碧空

醉著

萬里清江萬里天一村桑柘一村烟漁翁醉著無人
喚過午醒來雪滿船

柳

一籠金線拂鸞橋幾被兒童損細腰無柰靈和標格
在春來依裏裏長條

舊

韓偓

百家言詩

卷

病中初聞復官二首

抽毫連夜侍明光
執鞅三年從省方
燒玉謾勞曾歷試
鑠金寧為欠周防
也知恩澤招讒口
還瘡神祇直痛腸
聞道復官翻涕泗
屬車何在水茫茫

又掛朝衣一自驚
始知天意重推誠
青雲有路通還去
白髮無私健亦生
曾避暖池將浴鳳
却同寒谷乍遷鶯
宦途噉嶮終難測
穩泊渙舟隱姓名

早起五言三韻

萬樹綠楊垂千般黃鳥語
庭花風雨餘岑寂如村塢

依依官渡頭
晴陽照行旅

家書後批二十八字

在醴陵時聞家

四序風光愔是愁
鬢毛衰颯涕橫流
此書未到心先到
想在孤城海岸頭

湖南梅花一冬再發偶題於花援

湘浦梅花兩度開
直應天意別栽培
玉為通體依稀見
香號返魂容易迴
寒氣與君霜裏退
陽和為爾臘前來
妖桃莫倚東風勢
調鼎何曾用不材

萬古離懷憎物色幾生愁緒溺風光廢城沃土肥春
草野渡空船蕩夕陽倚道向人步脉脉為情因酒易
悵悵宦途棄擲須甘分迴避紅塵是所長
淨興寺杜鵑一枝繁艷無比
一園紅艷醉坡陀自帶連梢簇舊羅蜀魄未歸長滴
血祇應偏滴此叢芳

花時與錢尊師同醉因成二十字

橋下淺深水竹間紅白花酒仙同避世何用厭長沙

避地

西山爽氣生襟袖南浦離愁入夢魂人泊孤舟青草
岸鳥鳴高樹夕陽村偷生亦似符天意未死深疑負
國恩白面兒郎猶巧宦不知誰與正乾坤

息兵

漸覺人心望息兵老儒希覲見澄清正當困辱殊輕
死已過艱危却也戀生身難始應彰勁節至公安肯
為虛名暫時胯下何須恥自有蒼蒼鑒赤誠

翠碧鳥

以上並在醴陵作

天長水遠網羅稀保得重重翠碧衣挾彈小兒多害

物勸君莫近市朝飛

贈孫仁本尊師

在袁州

齒如冰雪髮如鬢幾百年來醉似泥不共世人爭得
失卧床前有上天梯

乙丑歲九月在蕭灘鎮駐泊兩月忽得商馬楊
通負外書賀余復除戎曹依舊承旨還絨後因

批四十字

旅遇在江郊秋風正寂寥紫泥虛寵獎白髮已溲樵
事往悽涼在時危志氣銷若為將朽質猶擬杖於朝

丙寅二月二十二日撫州如婦館雨中有

懷諸朝客

悽悽惻惻又微顫欲話羈愁憶故人薄酒旋醒寒徹
夜好花虛謝雨藏春洋蓬已恨為逋客江嶺那知見
侍臣未必交情繫貧富柴門自古少車塵

三月二十七日自撫州往南城縣舟行見拂水

薔薇因

有是作

江中春兩波浪肥石上野花枝葉瘦枝低波高如有
情浪去枝留如力闔綠刺紅房戰裏時吳娃越艷醜

酣後且將濁酒伴清吟酒逸吟狂輕宇宙

荔枝三首

丙寅年秋到福州自此後並福州作

遐方不許貢珍奇密詔唯教進荔枝漢武碧桃爭此得枉令方朔號偷兒

封開玉籠雞冠澁葉襯金盤鶴頂鮮想得佳人微啟齒翠釵先取一雙懸

巧裁霞片裏神漿崖密天然有異香應是仙人金掌露結成冰入倩羅囊

寄上兄長

兩地支離路八千襟懷悽愴鬢蒼然亂來未必長團會其素而今更長年

寶劍

困極還應有甚通難將糞壤掩神蹤斗間紫氣分明後孽地成川看化龍

登南神光寺塔院

無奈離腸易九迴強攄離抱立高臺中華地向城邊盡外國雲從島上來四序有花長見雨一冬無雪却聞雷日宮紫氣生冠冕試望扶桑病眼開

已見香奩集

兩賢
賈卜嚴將賣餅孫兩賢高趣恐難倫而今若有逃名者應被品流呼差人

再思

暴殄猶來是片時無人向此略遲疑流金鑠石玉長潤敗柳凋花松不知但保行藏天是證莫矜纖巧鬼難欺近來更得窮經力好事臨行亦再思

有曠

晚涼閑步向江亭默默看書旋旋行風轉滯帆狂得

勢潮來諸水寂無聲誰將覆轍詢長策願把勞絲屬老成安石本懷經濟意何妨一起為蒼生

秋深閑興

此心蕪笑野雲忙甘得貧閑味甚長病起乍嘗新橘柚秋深初換熟衣裳晴來喜鵲無窮語雨後寒花特地香把釣覆棊蕪舉白不離名教可顛狂

故都

故都遙想草萋萋上帝深疑亦自迷塞鴈已侵池蘂宿宮鴉猶戀女牆啼天涯烈士空垂涕地下強魂必

筮臍掩臯計成終不覺馮驩無路數鳴雞

夢仙

紫霄宮闕五雲芝九級壇前再拜時
鶴舞鹿眠春草遠山高水闊夕陽遲
每嗟阮肇歸何速深羨張騫去不疑
澡練純陽功力在此心唯有玉皇知

贈吳顛尊師

丙寅年作

飲酒經何代休糧度此生跡應常自澆
顛亦強為名道若干鈞重身如一羽輕
毫釐分象緯袒跣揖公卿狗竇號光逸
漁陽裸禰衡笑雷冬蟄震巖電夜珠明

月滑侵箸冷江光逼屐清半酣思救世
一手擬扶傾擊地嗟衰俗看天貯不平
自緣懷氣義可是計烹亨議論通三教
年顏稱五更老狂人不厭密行鬼應驚
未識心相許開襟語便誠伊余常伏羲
願拜十年兄

送人棄官入道

仙李濃陰潤皇枝密葉敷俊才輕折桂
捷逢取紆朱斷絕三清路陽鞭五達衢
側身期破的縮手待呼盧社稷俄如綴
雄豪詎守株忸怩非壯志擺脫是良圖
塵土番難住纓綵棄若無冥心歸大道
回首笑吾徒

酒律應難長詩魔未肯租他年如拔宅為我指清都

感事三十四韻丁卯已後

紫殿承恩歲金鑿入直年人端三島路日過八花博

鴛鴦皆迴席臯夔亦慕羶慶霄舒羽翼塵世有神仙

雖遇河清眊慙非岳降賢皇慈容散拙公議逼陶甄

江搃參文會陳暄侍狎筵腐儒親帝座太史認星躔

側弁聆神筭濡毫俟密宣官司持玉硯書省擘香牋

官司書省皆
宮人職名推理心無黨憐才膝屢前焦勞皆實錄宵旰豈

虛傳始議新克曆將期整舜絃上自出東內西辱勵心庶政運接丞相之暇日
在且李士詢以理道將致昇平

去梯言必盡仄席意彌堅上相思懲惡中人詎省憊

鹿窮唯舐觸兔急且獮刀近切
兔走也豚丑船切本是謀賒死因之致

劫遷氛霾言下合日月暗中懸恭顯誠甘罪常平亦

恃權畏聞巢幕險寧寤積薪燃諒直尋鉗口奸纖益

叱肩晉讒終不解魯瘠意難痊祗擬誅黃皓何曾識

霸先嗾焚翻醜正養虎欲求全萬乘烟塵裏千官劔

戟邊斗魁當北拆地軸向西偏袁董非徒尔師昭豈

偶然中原成劫火東海遂桑田濺血慙嵇紹遲行笑

褚淵四夷同效順一命敢虛損捐山岳還青聳穹蒼舊

韓偓

百家言詩

三

碧鮮獨夫長歎泣
予士已忘筌
鬱鬱空狂叫
微微幾病癩
丹梯倚寥廓
終去問青天

向隅

守道得途遲
中無遇亂離
剛腸成繞指
玄髮轉垂絲
客路少安處
病床無穩時
弟兄消息絕
獨斂向隅眉

社後

社後重陽近
雲天淡薄間
目隨棊客靜
心共睡僧閑
歸鳥城衝日
殘虹雨在山
寂寥思晤語
何夕款柴關

息慮

息慮狎羣鷗
行藏合自由
春寒宜酒病
夜雨入鄉愁
道向危時見
官因亂世休
外人相待淺
獨說濟川舟

早起探春

勾芒一夜長
精神臘後風
頭已見春烟柳
半眠藏利臉
雪梅含笑綻
香唇漸因閑
暇思量酒必然
顛狂泥摸人
若箇高情能似我
且應欹枕睡清晨

味道

如含瓦礫竟何功
癡點相兼似得中
心繫是非徒悵望
事湏光景旋虛空
昇沈不定都如夢
毀譽無恒却

要聳弋者甚多應扼腕任他閑處指冥鴻

○裹娜見前集

裹娜腰支淡薄粧六朝宮樣窄衣裳著詞暫見櫻桃
破飛醜微聞豆蔻香春惱情懷身覺瘦酒添顏色粉
生光此心不敢分明道風月應知暗斷腸

秋郊閑望有感

楓葉微紅近有霜碧雲秋色滿吳鄉魚衝駭浪雪鱗
健鴉閃夕陽金背光心為感知長慘感鬢緣經亂早
蒼浪可憐廣武山前語楚漢虛教作戰場

李太舍池上翫紅薇醉題

花低池小水泚泚花落池心片片輕醺酹不能羞白
鬢顛狂猶自睜紅英乍為旅客顏常厚每見同人眼
暫明京洛林園婦未得天涯相顧一含情

余寓汀洲沙縣病中聞前鄭左丞璘隨外鎮舉

薦赴洛兼云繼有急徵旋見脂轄因作七言四韻戲
以贈之或冀其感悟也已巳年

莫恨當年入用遲通材何處不逢知桑田變後新舟
檝華表歸來舊路岐公幹寂寥甘坐廢子牟惟抃促

韓偓

行期移都已改侯王第惆悵沙堤別築基

又一絕請為申達京洛親交知余病廢

鬢惹新霜耳舊聾眼昏腰曲四肢風交親若要知道形
侯嵐嶂烟中折臂翁

夢中作

紫宸初啟列鴛鴦直向龍墀對揖班九曜再新環北
極萬方依舊祝南山禮容肅睦纓綉外和氣熏蒸劔
履間扇合却循黃道退廟堂談笑百司閑
已巳年正月十二日沙縣抵邵武軍將謀撫信

之行到纔一夕為閩相急脚相召卻請赴沙縣
却外泊船偶

成一篇

訪戴船迴却外泊故鄉何處望天涯半明半暗山村
日自落自開江廟花數醜綠醅桑落酒一甌香沫火
前茶

建溪灘波心目驚眩余平生溺奇境今則畏怯
不暇因

書二十八字

長貪山水羨漁樵自笑揚鞭起早朝今日建溪驚恐
後李將軍畫也須燒

自沙縣抵尤溪縣值泉州軍過後村落皆空因
有一絕

此後庚
午年

水自潺湲日自斜盡無雞犬有鳴鴉千村萬落如寒
食不見人烟空見花

此翁

此後在森林場

高閣羣公莫忌儂儂心不在宦名中嚴光一唾垂綫

紫何胤三遺大帶紅金勁任從千口鏢玉寒曾試幾
爐烘唯應鬼眼無天眼窺見行藏信此翁

多情

重

天遣多情不自持多情無與病相宜蜂偷野蜜初嘗
處鶯惜含桃欲咽時酒蕩襟懷微巨我春牽情緒更
融怡水香剽貯金盃裏瓊樹長須浸一枝

失鶴

正憐標格出華亭况是昂藏入相經碧落順風初得
志故巢因雨却聞腥幾時翔集來華表每日沉吟看

畫屏為報雞群虛嫉妬紅塵向上有青冥

卜隱

屏跡還應減是非却憂藍玉又光輝
桑梢出舍蠶初老柳絮蓋溪魚正肥
世亂豈容長愜意景清還覺易忘機
世間華美無心問藜藿充腸芋作衣

晨興

曉景山河爽閑居巷陌清已能消滯念
無得散餘醒汲水人初起迴燈燕暫驚
放懷殊未足圓隙已塵生

暴雨

電尾燒黑雲雨脚飛銀線急點濺池心
微烟昏水面氣涼氛浸消暑退松篁健
叢蓼亞蘋葦擎荷翻綠扇風期誰與同
逸趣余探遍欲去更遲留曾中久交戰

山院避暑

竹樂江郊外追涼山寺中靜陰生晚綠
窳慮逐清風運塞地維窄氣蘇天宇空
何人識幽抱目送冥冥鴻

閑興

景窳有玄味韻高無俗情他山冰雪解
此水波瀾生影重驗花密滴稀知酒情
忙人長擾擾安得心和平

漫作二首

暑雨洒和氣香風吹日華
瞬龍驚汗漫翥鳳絳雲霞
玄圃珠為樹天池玉作砂
丹霄能幾級何又待乘槎
其二
黍谷純陽入鳶霄瑞彩生
岳靈分正氣仙衛惜神兵
汚俗迎風變虛懷遇物傾
千鈞將一羽輕重在平衡
騰騰
八年流落醉騰騰點檢行
藏喜不勝烏帽素餐兼施
藥前身多恐是醫僧

寄隱者

煙郭雲扃路不遙
懷賢猶恨太迢迢
長松夜落釵千股
小港春添水半腰
已約病身批印綬
不嫌門巷是漁樵
渭濱晦跡南陽臥
若比吾徒更寂寥

閑居

厭聞趨競喜閑居
自種蕪菁亦自鋤
麋鹿跳梁憂觸撥
鷹鷂搏擊恐粗疎
拙謀却為多循理
所短深慙盡信書
刀尺不虧繩墨在
莫疑張翰戀鱸魚

僧影

山色依然僧已亡竹間疎磬隔殘陽知燈已滅餘空
燼猶自光明照十方

洞庭湖上清秋月月皎湖寬萬頃霜玉椀深沉潭底
白金盃細碎浪頭光寒驚鳥鵲離巢噪冷射蛟螭換
窟巖更憶瑤臺逢此夜水精宮殿挹瓊漿

贈隱逸

靜隱須教隱者尋清狂何必在山陰蜂彈窻紙塵侵
硯鳥闔花庭露滴琴莫笑亂離方解印猶勝頭蹶未

拙簪築金誘得非名士况是無人解築金

南浦

又見香齋集

月若半環雲若吐高樓簾卷當南浦應是石城艇子
來兩漿呶啞過花塢正值連宵困宿醒不宜此際兼
微雨直教筆底有文星亦應雞狀分飛若
桃林場客舍之前有池半畝木槿櫛比閣水
遮山因命

僕夫運斤梳沐豁然清朗復覩太虛因作

五言八韻

以記之

插槿作藩籬叢生覆小池為能妨遠目因遣去閑枝
鄰叟偷來賞樓禽欲下疑虛空無郭處蒙閑有開時
蕭鷺憐瀟洒泥艸畏赫曦稍寬春水面盡見晚山眉
岸穩人偷釣皆明日上碁世間多弊事事要良醫
中秋永夕奉寄楊李士兄弟
鱗差甲子漸衰遲依舊年年困亂離八月夜長鄉思
切髮邊添得幾莖絲

寄禪師

世後辛未年
在南安縣

他心明與此心同妙用忘言理暗通氣運陰陽成世
界水浮天地寄虛空劫灰聚散鎗銖黑日御奔馳繭
粟紅萬物盡遭風鼓動唯應禪室靜無風

清興

陰沉天氣連翩醉摘索花枝掠去峭寒擁鼻遠廊吟
看雨不知遺却竹皮冠

重

見香奩集

鴉兒唳唳啞黃嘴鳳子輕盈膩粉腰深院下簾人晝
寢紅薔薇映碧芭蕉

悽悽

深將寵辱齊
往往亦悽悽
白日知丹抱
青雲有鷲蹊
嗜鹹凌魯濟
惡絮助涇泥
風雨今如晦
堪憐報曉雞

火蛾

成茲炎

陽光不照臨
積陰生此類
非無惜死心
柰有賊明意
粉穿紅焰焦
翅撲蘭膏沸
為爾一傷嗟
自棄非天棄

信筆

春風狂似虎
春浪白於鵝
柳密巖煙易
松長見日多
石崖採芝叟
鄉俗摘茶歌
道在無伊鬱
天將柰爾何

雷公

閑人倚柱笑
雷公又向深山霹
怪松必若有天_蘇下意
何如驚起武侯龍

船頭

兩岸綠蕪齊
似翦掩映雲山相
向晚船頭獨立望
長空日艷波光逼人眼

喜涼

爐炭燒人百疾生
鳳狂龍躁滅心情
四日_山毒瘴乾坤濁
一葦涼風世界清
楚調忽驚淒玉柱
漢宮應已濕

韓偓

雨後書詩

七

金莖豪強頓息蛙唇吻爽利重新鵲眼睛穩想海查
朝犯斗健思胡馬夜翻營東南亦是中華原分蒸鬱相
凌太不平

天鑒

何勞諂笑李邕時務實清修勝用機猛虎十年搖尾
立蒼鷹一旦醒心飛神依正道終潛衛天鑒衷腸競
不違事歷艱難人始重九層成後喜從微

江岸閑步

此後壬申年
作在南安縣

一手攜書一杖筇出門何處覓情通立談禪客傳心

印坐睡漁師著背蓬青布旗誇千日酒白頭浪吼半
江風淮陰市裏人相見盡道途窮未必窮

野塘

侵曉乘涼偶獨來不因魚躍見萍開卷荷忽被微風
觸瀉下清香露一盃

見閨怨

時光潛去暗淒涼嬾對菱花暈晚粧初拆鞦韆人寂
寞後園青草任他長

余臥疾深村聞一二郎官今稱繼使閩越笑

余迂古潜

于異鄉聞之因成此篇

枕流方採北山薇
驛騎交迎市道兒
霧豹祗憂無石室
泥鰭唯要有洿池
不羞莽卓黃金印
却笑羲皇白接羅
莫負美名書信史
清風掃地更無遺

○安貧

手風慵展六行書
眼暗休尋九局圖
窓裏日光飛馬
按頭筠管長蒲盧
謀身拙為安蛇足
報國危曾將虎鬚
滿世可能無點識
未知誰擬試齊竽

○殘春旅舍

旅舍殘春宿雨晴
恍然心地憶咸京
樹頭蜂抱花鬚
落地面魚吹柳絮
行禪伏詩魔
歸靜域酒衝愁
陳出奇兵兩梁免
被塵埃汚拂拭
朝簪待眼明

○鵲

偏承雨露潤毛衣
黑白分明衆所知
高處營巢親鳳
闌靜時閑語上
龍墀化為金印
新祥瑞飛向銀河
舊路歧莫怪天涯
棲不穩託身須是
萬年枝

露

鶴非千歲飲猶難
鴛舌偷含豈自安
光濕最宜叢菊
亞蕩搖無柰綠荷
乾名因霈澤隨天
曉分與濃霜保
歲寒五色呈祥
須得九處曼雲
仙掌有金盤

○贈僧

盡說歸山避戰塵
幾人終肯別囂氛
瓶添澗水盛將
月衲掛松枝惹得雲
三接舊承前席過
一靈今用戒
香燻相逢莫話金鑿事
觸撥傷心不願聞

感蕙

省趨弘閣侍貂璫
指座思深刻寸腸
秦苑已荒空逝

水楚天無恨更斜陽
時昏却笑朱絃直
事過方聞鎖骨香
入室故寮流落盡
路人惆悵見靈光

即日

動非求進靜非禪
咋舌吞聲過十年
溪漲浪花如積石
雨晴雲葉似連錢
干戈歲久諳戎事
枕簟秋深減夜眠
攻苦慣來無不可
寸心如水但澄鮮

○八月六日作四首

日離黃道十年昏
敏手重開造化門
火帝動爐銷劍戟
風師吹雨洗乾坤
左牽大馬誠難測
右袒簪纓最

負恩丹筆不知誰定罪莫留遺跡怨神孫
金虎挺災不復論構成狂獠犯車塵御衣空惜侍中
血國璽幾危皇后身圖霸未能知盜道飾非嗜欲害
仁人黃旗紫氣今仍舊免使老臣攀畫輪

箬裾皆是漢公卿盡作鋒鏑劍血腥頭負舊恩歸亂
主難教新國用輕刑穴中狡兔終須盡井上嬰兒豈
自寧底事亦疑懲未了更應書罪在泉扃

坐看苞藏負國恩無才不得預經綸袁安墜睫尋憂
漢賈誼濡毫但過秦威鳳鬼應遮矢射靈犀天與隔
埃塵隄防瓜李能終始免愧於心負此身

驛步

癸酉年在
南安縣

暫息征車病眼開况穿松竹入樓臺江流燈影向東
去樹遞雨聲聒北來物近劉瓛玷膩風輕注庚廈亮污塵
埃高情自古多惆悵賴有南華養不材

訪隱者遇沉醉書其門而歸

曉入江村覓釣翁釣翁沉醉酒缸空夜來風起閉花
落狼籍柴門鳥徑中

疎雨

疎雨從東送疾雷
小庭涼氣淨莓苔
卷簾燕子穿人去
洗硯魚兒觸手來
但欲進賢求上賞
唯將拯溺作良媒
戎衣一掛清天下
傳野非無濟世材

南安寓止

此地三年偶寄家
枳籬茅廡共桑麻
蝶矜翅暖徐窺
幕蜂倚身輕疑去聲看花天近
函關屯瑞氣水侵吳甸
浸晴霞豈知卜肆嚴夫子
潛指星機認海查

○見夜閨

又見香奩集

輕風摘磔動簾鈎
猶自醺酣未卸頭
但覺夜深花露

不知人靜月當樓
何卽燈暗誰能詠
韓壽香焦亦任偷
敲折玉釵歌轉咽
一聲聲入兩眉愁

十月七日早起作時氣疾初愈

疾愈身輕覺數通
山無嵐瘴海無風
陽精欲去陰精落
天地苞含紫氣中

有感

豎辭羽葆與吹鏡
翻向天涯困繫匏
故老未曾忘炙背
何人終擬問苞茅
融風漸暖將迴鴈
滌水猶腥近斬蛟
萬里閔山如咫尺
女牀唯待鳳歸巢

觀雞鬪偶作

何曾解報稻梁恩
金距花冠氣過雲
白日梟鳴無意問
唯將芥羽害同群

蜻蜓

碧玉眼睛雲母翅
輕於粉蝶瘦於蜂
坐來迎拂波光久
豈是殷勤為蓼叢

即目

書牆暗記移花日
洗甕先知醞酒期
須信閑人有忙事
早來衝雨覓漁師

寄隣莊道侶

聞說經旬不放閑
藥窻誰伴醉開顏
夜來雪壓村前竹
剝見溪南幾尺山

初赴期集

輕寒着背雨淒淒
九陌無塵未有泥
還是平時舊滋味
慢垂鞭袖過街西

惜花

皺白離情高處切
膩香愁態靜中深
眼隨片片沿流去
恨滿枝枝被雨淋
摠得苔遮猶慰意
若交泥污更

傷心臨軒一盞悲春酒明日池塘是綠陰

○半醉

水向東流竟不回紅顏白髮遞相催壯心暗逐高歌
盡往事空因半醉來雲護鴈霜籠淡月兩連鷺曉落
殘梅西樓悵望芳菲節處處斜陽草似苔

○春盡

惜春連日醉昏昏醉後衣裳見酒痕細水浮花歸別
澗斷雲含雨入孤村人閑易有芳時恨地勝難招自
古兔慙愧流鶯相厚意清晨猶為到西園

睡起

睡起墻陰下藥欄瓦松花白閉柴閤新年不出僧嫌
癖逐日無機鶴伴閑塵土莫尋行止處烟波長在亭
菟間終撐舴艋稱漁叟賒買湖心一崦山

寄友人

傷時惜別心交加搭頤一向千咨嗟曠野風吹寒食
月廣庭烟着黃昏花長擬醺酣遺世事若為局促閑
生涯夫君亦是多情者幾處將愁帶酒家

見別離者目贈之

征人草草盡戎裝
征馬蕭蕭立路傍
罇酒闌珊將遠別
秋山灑迤更斜陽
白髮兄弟中年後
瘴海程途萬里長
曾向天涯懷此恨
見君嗚咽更淒涼

○傷亂

岸上花根惣倒垂
水中花影幾千枝
一枝一影寒山裏
野水野花清露時
故國幾年猶戰鬪
異鄉終日見旌旗
交親流落身羸病
誰在誰亡兩不知

南亭

每日在南亭
南亭似僧院
人語靜先聞
鳥啼深不見

松瘦石稜稜
山光溪澱澱
澆澆蔓墜長
茸島花垂小
菁行簪隱士
冠卧讀先賢
傳更有興來
時取琴彈一遍

太平谷中翫水上花

山頭水從雲外落
水面花自山中來
一溪紅點我獨惜
幾樹密房誰見開
應有妖鬼隨暮雨
豈無香跡在蒼苔
疑眸不覺斜陽盡
忘逐樵人躡石回

雨

坐來簌簌山風急
山雨隨風暗原隍
樹帶繁聲出行
聞溪將火點穿籬
入餉婦零翹布領
寒牧童擁腫蓑

衣濕此時高味共誰論擁臯吟詩空佇立

幽獨

幽獨起侵晨山鶯啼更早門巷掩蕭條落花滿芳草
烟愁魂共遠春與人同老默然又依依淒然此懷抱

江行

浪戲青山江北岸雲含黑雨日西邊舟人偶語憂風
色行客無聊罷晝眠爭似槐花九衢裏馬蹄安穩慢
垂鞭

漢江行次

村寺雖深已暗知幡竿殘日迥依依沙頭有廟青林
合驛步無人白鳥飛牧笛自由隨草遠漁歌得意扣
舷歸竹園相接春波暖痛憶家鄉舊釣磯

偶題

侯時輕進固相妨實行丹心仗彼蒼蕭艾轉肥蘭蕙
瘦可能天亦妬馨香

○湖南絕少含桃偶有人以新摘者見惠感事
傷懷因成

四韻

時節雖同氣候殊不知堪薦寢園魚合充鳳食番三
島誰許鶯偷過五湖苦笋恐雜同象七

秦中為櫻笋之會乃三月也

酪

漿無復瑩蠟珠

湖南無牛酪之味

金鑿歲歲長宣賜忍淚看天憶

帝都

每歲初進之後先宣賜李士

隄州新驛

盛德已圖形胡為忽構兵燎原雖自及誅亂不無名
擲鼠須防誤連雞莫憚驚本期將係虜末策但嬰城
肘腋人情變朝廷物論生果聞荒谷縊旋觀藁街烹
帝怒今方息時危喜暫清始終俱以此天意甚分明

○亂後春日途經野塘

世亂他鄉見落梅野塘晴暖獨徘徊船衝水鳥飛還
住袖拂楊花去却來季重舊遊步喪遊子山新賦極
悲哀眼看朝市成陵谷始信昆明是劫灰

○贈易卜崔江處士

袁州

白首窮經通祕義青山養老度危時門傳組綬身能
退家李樵漁跡更奇四海盡聞龜策妙九霄堪嘆鶴
書遲壺中日月將何用借與閑人試一窺

○過臨淮故里

交遊昔歲已凋零第宅今來亦變更
舊廟荒涼時饗絕諸孫飢凍一官成
五湖竟負他年志百戰空垂異代名
榮盛幾何流落久遣人襟抱薄浮生

贈湖南李思齊處士

兩板船頭濁酒壺七絲琴畔白髭鬚
三春日日黃梅雨孤客年年青草湖
燕俠冰霜難狎近楚狂鋒刃觸
凡愚知余絕粒窺仙事許到名山看藥爐

○亂後却至近甸有感

乙卯年作

狂童容易犯金門比屋齊人作旅魂
夜戶不扃生茂

草春渠自溢浸荒園閨中却見屯邊卒
塞外翻聞有漢村堪恨無情清渭水
渺茫依舊遠秦原

同年前虞部李郎中自長沙赴行在余以紫

石硯贈之

賦詩代書

斧柯新樣勝珠璣堪費星郎染翰時
不向東垣修直疏即須西掖草妍紫
詞光稱近丹青筆聲韻宜裁錦繡詩
蓬島侍臣今放逐羨君迴去逼龍墀

甲子歲夏五月自長沙抵醴陵貴就深僻以

便踈慵由道林之南步步勝絕去綠口分東

入南小江山水益秀村籬之次忽見紫薇花

因思玉堂及西掖廳前皆植是花遂賦詩四

韻聊寄知心

職在內庭宮闈下廳前皆種紫薇花眼明忽傍漁見

兔斷方驚鳳關賒淺色暈成宮裏錦濃香深着洞中

霞此行若遇支機石又被君平驗海查

和王舍人撫州飲席贈常司空

樓臺掩映入春寒絲竹錚鏦向夜闌席上弟兄皆杞

梓花前賓客盡鴛鴦孫弘莫惜頻開閣韓信終期別

築壇削玉風姿官水土黑頭公自古來難

○避地寒食

避地淹留已自悲况逢寒食欲沾衣濃春孤館人愁

生斜日空園花亂飛路辱漸憂知己薄時危又與賞

心違一名所繫無窮事爭敢當年便息機

○有曠

晚涼閑步向江亭點點看書旋旋行風轉滯帆狂得

勢潮來渚水寂無聲誰將覆轍詢長策願把焚絲屬

韓偓

又言詩

言

老成安石本懷經濟意何妨一起為蒼生

○山驛

參差西北數行鴈寥落東方幾片雲疊石小松張水
部暗山寒雨李將軍秋花粉黛宜無味獨鳥笙篁稱
靜聞蕭洒衿靈遺世慮驛樓紅葉自紛紛

早發藍關

關門愁立候雞鳴搜景馳兔入杳冥雲外日隨千里
鴈山根霜共一潭星路盤暫見樵人火棧轉時聞驛
使鈴自問辛勤緣底事半年驅馬傍長亭

深村

甘向老深村固不材猶勝摧折傍塵埃清宵翫月唯
紅葉永日關門但綠苔幽院菊荒同寂寞野橋僧去
獨徘徊隔離農叟遙相賀

膏雨來

一作拍日應逢膏雨來

○重遊曲江

追尋前事立江汀漁者應聞太息聲避客野鷗如有
感損花微雪似無情疎林自覺長堤在春水空連古
岸平惆悵引人還到夜鞭鞘風冷柳烟輕

○三月

韓偓

百家唐詩

六五

辛夷才謝小桃發踏青過後寒食前四時最好是三
月一去不迴唯少年吳國地遙江接海漢陵兔斷草
連天新愁舊恨真無柰須就隣家甕底眠

秋村

稻壟蓼紅溝水清荻園葉白秋日明空坡路細見騎
過遠田人靜聞水行柴門狼籍牛羊氣竹塢幽深雞
犬聲絕粒看經香一炷心知無事即長生

殘花

餘霞殘雪幾尋在蕙香冶態猶無窮黃昏月下惆悵

白清明雨後寥^猶紅樹底草齊千片淨墻頭風急數
枝空西園此日傷心在處一曲高歌水向東

夜船

野雲低迷烟蒼々平波揮目如疑霜月明船上簾幕
捲露重岸頭花木香村遠夜深無火燭江寒坐久換
衣裳誠知不覺天將曙幾簇青山鴈一行

傷春

三月光景不忍看五陵春色何摧殘窮途得志反惆
悵飲席話舊多闌珊中酒向陽成美睡惜花衝雨覺

傷寒野棠飛盡蒲根暖寂寞南溪倚釣竿

歸紫閣下

一笈攜歸紫閣峰馬蹄閑慢水溶溶
黃昏後見山田火隴聽時聞縣郭鐘
瘦竹迸生僧坐石野藤纏殺鶴
翹松釣磯自別經秋雨長得莓苔更幾重

夜坐

天似空江星似波時時珠露滴圓荷
平生蹤跡慕真隱此夕襟懷深自多
格是厭厭饒酒病終須的的
李漁歌無名無位堪休去猶擬朝衣換釣蓑

○午寢夢江外兄弟

長日居閑門不開遠門青草絕塵埃
空庭日午獨眠覺旅夢天涯相見迴
鬢向此時應有雪心從別處即成灰
如何水陸三千里幾月書郵始一來

曲江夜思

鼓聲將絕月斜痕園外閑坊半掩門
池裏紅蓮迎白露苑中青草伴黃昏
林塘閨寂偏宜夜烟火稀疎便似村
大底世間幽獨景最閑詩思與離魂

○過漢口

濁世清名一槩休古今翻覆剝堪愁
峽日之殘陽過沔州居雜商徒偏富庶地多詞客自
風流聯翩半騰之過不在魚船即酒樓

惜春

願言未偶非高卧多病無慘選勝遊
一夜雨聲三月盡萬般人事五更頭
羊躄弱冠即為老節過清明却似秋
應是西園花已落滿溪紅片向東流

及第過堂日作

早隨真侶集蓬瀛閭闔門開尚見星
龍尾樓臺迎曉

日鰲頭宮殿入青冥暗驚凡骨昇仙籍
忽訝麻衣謁相庭百辟欽容開路看片
時輝赫勝圖形

夏課成感懷

別離終日心切之五湖烟波歸夢勞
淒涼身事夏課畢渡落生涯秋風高
居世無媒多困蹟昔賢因此亦號咷
誰憐愁苦多衰改未到潘年有二毛

離家第二日却寄諸兄弟

起褰簾日出時今辰初恨間容輝千
行淚激傍人感一點心隨健步歸却
望山南空點之迴看僮僕亦依

定知兄弟高樓上遙指征途羨鳥飛

遊江南水陸院

早於喧雜是深讐猶恐行藏墜俗流高寺懶為攜酒
去名山長恨送人遊関河見月空垂淚風雨看花欲
白頭除却祖師心法外浮生何處不堪愁

江南送別

江南行止忽相逢江館棠梨葉正紅一笑共嗟成往
事半酣相顧似衰翁関山月皎清風起送別人歸野
渡空大底多情應已老不堪岐路數西東

格卑

格卑常恨足牽仍欲學亡情盡不能入意雲山輸畫
匠動人風月羨琴僧南朝峻絮推弘景東晉清狂數
李鷹惆悵後塵流落盡自拋懷抱醉憎騰

冬日

蕭條古木銜斜日浙灑晴寒滯早梅愁處雪烟連野
起靜時風竹過牆來故人每憶心先見新酒偷嘗手
自開景狀入詩兼入畫言情不盡恨無才

再止廟居

去值秋風來值春前時今日共對魂顏垣古栢疑山
觀高柳鳴鴉似水村菜甲未齊初出葉樹陰方合掩
重門幽深凍餒皆推分靜者還應為討論

○老將

折槍黃馬倦塵埃掩其凶徒怕疾雷雪密酒酣偷號
去月明衣冷斫營迴行驅貔虎披金甲立廳聽笙歌擲
玉盃坐久不須輕矍鑠至今双擘硬弓開

邊上看獵贈元戎

繡簾臨曉覺新霜便遣移厨校獵場燕卒鐵衣圍漢

相魯儒戎服從梁王搜山閃閃旗頭遠出樹斑斑豹
尾長贄獲一連朔漠賀杯環騎舞優倡軍迴野靜秋
天白角怨城遙晚照黃紅袖自擁門持燭炬解勞今
夜宴華堂

余自刑部負外郎為時權所擠值盤石出鎮
藩屏朝選賓佐以余充職掌記鬱不樂因
成長句寄所知

正叨清級忽從戎况與燕臺事不同開口謾勞矜道
在撫膺唯合哭途窮操心未省趨浮俗點額尤慙自

至公他日陶甄尋墜履滄洲何處覓漁翁

北齊二首

任道驕奢必敗亡且將繁盛悅嬪嬙
幾千奩鏡成樓柱六十間雲甍殿
廊後主獵迴初按樂胡姬酒醒更
新粧綺羅堆裏春風畔年少多情一帝王
神器傳時異至公敗亡安可怨念之
犯寒獵士朝頻戮告急軍書夜不通
并却義旗遮日暗鄴城飛焰照天紅
周朝將相還無體寧死何須入鐵籠

寄京城親友二首

苦吟看墜葉寥落共天涯壯歲空為客
初寒更憶家兩墻經月蘚山菊向陽花
因味碧雲句傷哉後會餘相思凡幾日
日款詠離衿直得吟成病終難狀此心
解衣悲緩帶搔首悶遺簪西嶺斜陽外
潛疑是故林

野寺

野寺看紅葉縣城聞擣衣自憐癡病苦
猶共賞心違高閣正臨夜前山應落暉
離情在烟島一作鳥遙入故關飛

吳郡懷古

主暗臣忠枉就刑
遂教強國醉中傾
人亡建業空城在
花落西江春水平
萬古壯夫應抱恨
至今詞客盡傷情
徒勞鐵鎖長千尺
不覺樓船下晉兵

守愚

深院寥々竹蔭廊
披衣欵枕過年芳
守愚不覺世途險
無事始知春日長
一畝落花園隙地
半竿濃日界空墻
今來自責趨時懶
翻恨松軒書滿床

村居

二月三月雨初晴
舍南舍北唯平蕪
前壩入望盈千

恨勝景牽心非一途
日照神堂聞啄木
風含社樹叫提壺
行看旦夕梨霜發
猶有山寒傷酒壚

離家

八月初長夜千山第一程
款顏唯有夢怨泣却無聲
祖席諸賓散空郊
匹馬行自憐非達識
局促為浮名
秋雨內宴

一帶清風入畫堂
撼真珠箔碎玳瑁更有檻外霏々
雨似勸須教醉玉觴

寒食日沙縣雨中看薔薇

何處遇薔薇殊鄉冷節時雨聲籠錦帳風勢偃羅幃
通體全無力醜顏不自持綠疎微露刺紅密欲藏枝
愜意馮欄久貪吟放盞遲旁人應見訝自醉自題詩

地壚

兩星殘火地壚畔夢斷背燈重擁衾側聽空堂闐靜
響似敲疎磬磬裏清音風燈有影隨籠轉臘雪無聲逐
夜深禪客釣翁徒自好那知此際湛然心

隄州新驛贈刺史

賢侯新換古長亭先定心機指顧成高義盡招秦逐

客曠懷偏接魯諸生萍蓬到此銷離恨鷺雀飛來帶
喜聲却笑昔賢交易極一開東閣便垂名

卓書屏風

何處一屏風分明懷素蹤雖尋塵色染猶見墨痕濃
恠石奔秋澗寒藤掛古松若教臨水畔字字恐成龍
永明禪師房

景色方妍媚尋真出近郊寶香爐上藝金磬佛前敲
蔓草稜山徑晴雲拂樹梢支公禪寂處時有鶴來巢
登樓有題

暑氣簷前過，蟬聲樹杪交。
待潮生浦口，看雨過山坳。
寸見蘭舟動，仍聞桂楫敲。
宰雲朱檻好，終覩鳳來巢。
翠

朝退書懷

鶴帔星冠羽客裝，寢樓西畔坐書堂。
山禽養久知人喚，窓竹芟多漏月光。
粉壁不題新帖惡，小屏唯錄古篇章。
孜孜莫患勞心力，富國安民理道長。

元夜即席

元宵清景亞元正，絲雨霏霏向晚傾。
桂兔韶光雲葉重，燭龍銜火耀月輪。
明烟空但仰如膏潤，綺席都忘滴砌聲。
更待今宵開霽後，九衢車馬未妨行。

大慶堂賜宴元璫而有詩呈吳越王

非為親賢展綺筵，恒常與敢恣遊盤。
綠搓楊柳綿初軟，紅暈櫻桃粉未乾。
谷鳥乍啼聲似澁，甘霖方霽景猶寒。
笙歌風緊人酣醉，却逸珍叢爛熳看。

又和

櫻桃花下會親賢，風遠銅烏轉露盤。
蝶下粉墻梅乍拆，蟻浮金掌酒難乾。
雲和緩奏泉聲咽，珠箔低垂水

影寒狂簡斐然吟詠足却邀群彥重吟看

再和

我有嘉賓宴乍歡畫簾紋細鳳雙盤影籠沼泚修篁
密聲透笙歌羯鼓乾散後便依書篋寐渴來潛想玉
壺寒櫻桃零落紅桃媚更俟旬餘共醉看

重和

冷宴殷勤展小園舞鞦柔軟綵虬盤簪花盡日疑頭
重病酒經宵覺口乾嘉樹倚樓青鎖暗晚雲蔽兩碧
山寒文章天子文章別八來盧卽未可看

御製春遊長句

天意分明道已光春遊嘉景勝仙鄉玉爐烟直風初
靜銀漢雲銷日正長柳帶似眉全展綠杏苞似臉半
開香黃鶯啞々啼紅樹紫鸞閑々語畫梁低檻晚晴
籠翡翠小池波暖浴鴛鴦馬嘶廣陌貪新草人醉花
堤怕夕陽比屋管絃呈妙曲連營羅綺闌時粧全吳
霸越千年後獨此昇平顯萬方

余作探使以繚綾手帛子寄賀因而有詩

解寄繚綾小字封探花筵上映春叢黛眉印在微々

綠檀口消來薄々紅綆處直應心共緊
砑時兼恐汗先融
帝臺春盡還東去却繫裙
胥伴雪曾

別錦兒

及第後正京別
錦兒與蜀奴

一尺紅綃一首詩贈君相別兩相思
畫眉今日空留語解佩他年更可期
臨去莫論交頰意清歌休着斷腸詞
山門何事休惆悵曾夢良人折桂枝

閑步

莊南縱步遊荒野獨鳥寒烟輕惹々
傍山疎雨濕秋花僻路淺泉浮敗果
樵人相聚以指驚麀牧童四散收

嘶馬一壺傾盡未能歸
黃昏更望諸烽火

一作烽火

乾寧三年丙辰在奉天重圍作

仗劍夜巡城衣襟滿霜霰賊火遍郊垌
飛焰侵星漢積雪似空江長林如斷岸
獨凭女墻頭思家起長嘆

雨中

青桐承雨聲聲々何重疊疎滴下高枝
次打歌低葉鳥濕更梳翎人愁方拄頰
獨自上西樓風襟寒帖々

與僧

江海扁舟客雲山一衲僧相逢兩無語
若箇是南能

晚岸

揭起青藤上岸頭
野花和雨冷修修
春江一夜無波浪
校得行人分外愁

仙山

一炷心香洞府開
偃松皴澁半莓苔
水清無底山如削
始有仙人騎鶴來

過茂陵

不悲霜露但傷春
孝理何因感兆民
景帝龍髯消息斷
異香空見李夫人

曲江秋日

斜煙縷々鷺鷥棲
藕葉枯香折野泥
有箇高僧入一作似
圖畫把經吟立水塘西

高山道中

雲橫峭壁水平鋪
渡口人家日欲晡
却憶往年看粉本
始知名畫有工夫

招隱

立意忘機々已生
可能朝市汗高情
時人未會嚴陵志
不釣鱸魚只釣名

雨村

鴈行斜拂雨村樓
簾下三重幕一鈎
倚柱不知身半濕
黃昏獨自未回頭

使風

茶煙睡覺心無事
一卷黃庭在手中
欹枕卷簾江萬里
舟人不語滿帆風

并州

戍旗青草接榆關
雨裏并州四月寒
誰會憑闌潛忍淚
不勝天際似江干

夏夜

猛風飄電黑雲生
霎_々高林簇雨聲
夜久雨休風又定
斷雲流月却斜明

闌干

掃花雖恨夜來雨
把酒却憐晴後寒
吳質謾言愁得病
當時猶不凭闌干

以庭前海棠梨花一枝寄李十九負外

二月春風滄蕩時
旅人虛對海棠梨
不如寄與星郎去
想得朝回正畫眉

驛樓

流雲溶々水悠悠故鄉千里空回頭三更獨凭闌干
月淚蕭關山孤驛樓

頻訪盧秀才

盧時在選末

藥訣棊經思致論柳腰蓮臉本忘情頻々強入風流
坐酒肆應疑阮步兵

答友人見寄酒

雖可忘憂矣其如作病何淋漓滿襟袖更發楚長歌
野釣

細雨桃花水輕鷗逆浪飛風頭阻歸棹坐睡竹蓑衣

曲江晚思

雲物陰寂歷竹木寒青蒼水冷鷺鷥立煙月愁昏黃

贈友人

莫嫌談笑與經過却恐閑多病亦多若遣心中無一
事不知爭柰日長何

晁氏讀書志曰香奩集沈存中以為和凝所作凝既
貴惡其側艷故詭稱偓著或謂括之言妄許彥周詩
話高秀實言元微之詩艷而麗而有骨韓偓詩誦其序云咀五色之
麗而無骨李端叔意喜韓偓詩誦其序云咀五色之
靈芝香生九竅咽三危之瑞露美動七情秀實云勸
不得也

又石林葉氏云偓在閩所為詩皆手自寫成卷嘉祐
間裔孫奕出其數卷示人龐穎公為漕取奏之因得
官詩文氣格不甚高吾家僅有其詩百餘篇世傳別

本有名香奩集者唐書藝文志甚載其詞皆閨房不
雅馴或江南韓熙載所為誤以為偓若然何為錄于
唐志乎熙載固當有之然吾所藏百餘篇中亦有一
二絕相似豈其流落亡聊中姑以為戲然不可以為
訓矣

薛能

字太拙號許昌節度使檢校禮部尚書

序

文章之興惟深於詩者古所難哉以其不公行事之

跡酌行事之得失疎通物理宣導下情直而婉微而
顯一聯一句感悟人心使仁者勸而不仁者懼彰是
救過抑又何多可謂擅造化之心自發典藉之英華
者也洎詩人失正採詩官廢淫辭嫚唱半成譁談後
世作者雖欲立言存教直以業成無用故留意者鮮
有如山僧逸民終老耽翫搜難抉奇時得佳句斯乃
正始之音翻為處士之一藝爾又才^若早不能起語思
拙因於象物興詠遠於事情諷頌生於喜怒以此較
之果無用也其中淺劣尤者體盜人意用為己工銜

氣揚聲略無愧耻嗚呼風雅道喪若是之甚歎

許昌薛疾詩人之雄乎觀夫所尚率以治世為本隨
事刺美直在其中放言既奇意在言外謂才俊之偉
也蹂躪時事聚為國風謂風流之至也貴農賤霸資
為心術苟引而伸之豈不能黜邪歸正去煩從簡致
君道有緒而民業用休唐德下衰薛侯其已矣

晁氏讀書志云能字太拙汾州人會昌六年登進士
第太中末書判中選補蓋屋尉辟大原陝魏河陽從
事李福鎮滑表署觀察判官歷御史都官刑部員外

卽福徙西蜀奏以自副咸通中攝嘉州刺史造朝遷
主客度支刑部卽中俄刺同州京兆尹溫漳貶命權
知尹事出帥咸化中入授工部尚書復都度徐州徙
忠武廣明元年徐軍成激水經許能以軍懷舊惠館
之城中許軍懼見襲大將周岌乘衆疑怒逐能據城
自稱留後因屠其家能政嚴察絕私謁僻詩日賦一
章晚節惑浮屠法奉之惟謹然資驚倨故佻輕以忤
物及為藩鎮尤易武吏嘗命其子屬察韃雅拜新進
士或問其故曰渠消耳哭咎云

古今話云薛能尚書鎮彭門時溥劉巨容周岌俱在
麾下未數年溥領徐巨容鎮襄岌領許昌假端揆故
能詩云舊將已為三僕射病身猶是六尚書北夢瑣
言云薛能以文章自負累出戎鎮嘗鬱々嘆息因以
譏淮南寄天狂茶其落句云鹿官乞與貞拋却賴有
詩名合得嘗意以將相為鹿官也該聞錄云薛能負
詩才格調清奇可尚誠射鵰手也然使氣任情忽去
乖戾時從事蜀川日每短諸葛功業致々厚誣之其
略曰流運有終功是擾陰符多術得非姦又云陣圖

誰許可廟貌我柳榆又云焚却蜀書宜不讀武侯魚
可律吾身能後鎮徐州上元夜偶作云誰見將軍心
似海四更親領萬人遊其自負如此廣順初巢寇渡
津許州軍亂能被逐為兵害之柳榆廟貌之句何遠
矣之甚也

北夢瑣言云能以詩道為己任還劉得仁卷有詩云
百首如一首卷初如卷終譏劉不能變態也南詔新
書云薛尚書能為何東從事乞假歸日題侯館曰僕
帶雕弓馬似飛老萊衣上著戎衣郵亭不暇吟山水

塞外經年皆未歸後鎮徐州詠柳曰高出軍營遠映
橋曾逢兵火一時燒風流性在終難挫暖日還生萬
萬條

薛太拙以吟詠自負如朝廷有道青春好門館無私
白日閑青春背我亭去白髮欺人故已生當時諸
葛成何事只合終身作卧龍苛句皆贍矣衆口久矣
今得其全集觀之則累句亦不少太拙日賦一詩得
之太易之月燬季煉之功故精粗各半爾暇日因取
其瑕類之作刪去之獨取全美者得二百三十三章俾

兒輩錄之藏滴翠山書院或者咎予去取太嚴予應
之曰古詩風賦比興雅頌之作猶經刪削何獨於太
拙之作而不可掩惡而揚善於太拙亦何負云紹興
改元山陰陸榮望跋

夫世議自伐寡於謙稱胡不云至道之過乎往之逸
韻流入鄭聲如吳姬并洛歌人等詞傳人間未易刪
去知言之愛掩覆無由蟻鼻之缺白珪之玷也斯言
之失君子之薄也操履之跡可不慎歟薛詩千餘篇
小得全本咸平癸卯年余全移自咸鎬再蒞三川歲

稔民和公中事簡時會同列引滿酬詩因議近代作
者各出薛集僅將十本五言七言二韻至一百韻凡
得四百四十八篇爰命通理太常博士王好古太子
中允乞狀矩節度推官常宿從長參校依舊本例編
為十卷授鬻書者雕印行用字未盡精篇亦頗略與
夫世傳訛本深有可觀是年乙巳秋八月

日樞密直學士尚書刑部侍郎知益州兼兵馬鈐
轄張詠序

新雪八韻



原件短缺

第1~3頁

大雪滿初晨開門萬象新
龍鍾雞未起蕭索我何貧
耀若花前境清如物外身
細飛班戶牖乾灑亂松筠
正色凝高嶺隨流助要津
鼎消微是滓車碾半和塵
茶興番詩客瓜情想成人
終篇無本字誰別勝陽春

國學試風化下

霽閣露穹崇含生仰聖聰
英明高比日聲教下如風
靜發宸居內低來品物中
南薰歌自溥北極響皆通
蘋末看無狀人間覺有功
因令委泥者覩此忘途窮

昇平詞十首

瑞一作正氣遠宮樓皇居信上游
遠岡連一作延聖祚平地載
神州會合皆重譯潺湲近八流
中興豈假問據此自
千秋

寥沉敬延英朝班立位橫
宣傳無草動拜舞有衣聲
鴛瓦霜消濕蟲絲日照明
辛勤自不到遙見似前程

一作生

處處是歡心時康歲已深
不同三尺劔應似五絃琴
壽筵山猶盡明嫌日有陰
何當憐一物亦遣新愁吟
曙質絕埃氛彤庭列禁軍
聖顏初對日龍尾競綠雲

百房唐詩
四
珮響交成韻簾陰暖帶紋迢遙豈有事於此詠南薰
一物至周天洪纖盡晏然車書無異俗甲子並豐年
奇枝皆歸朴征夫亦服田君王故不有台鼎合常絃
日日聽歌謠區中盡祝堯蟲蝗初不害夷狄近全消
史筆惟書瑞天臺絕見祆因令匹夫志轉欲事清朝
品物盡昭蘇神功復帝謨他時應有壽當代且無虞
賜曆通遐俗移關入半胡鷓鷯亦何幸於此寄微軀
無戰復無私堯時卽此時焚香臨極早待月卷簾遲
端拱乾坤內何言艱續垂君看聖明驗只此是神龜

旭日上清穹明堂坐聖聰衣裳承瑞氣冠冕見重瞳
花木經宵露旌旗立仗風何期於此地

送馮溫任河外

琴劍事行裝
河關出北方
秦音盡河內
魏畫自黎陽
野日村苗熟
秋霖館葉黃
風沙問船處
應得立清漳

送從兄之太原副使

少載琴書去
須知暫佐軍
初程見西嶽
畫室渡橫汾
元日河州住
枯風宿館聞
都門送行處
青紫騎紛紛

送馮戴書記之太原

一曲太河聲
全家幾日行
從容長約夜
差牙忽離城
鎮北胡沙淺
途中霍嶽橫
相於莫己汎
詩雅負雄名

送友人出塞

榆關早不可何况出榆關春草臨歧斷邊樓帶日閑
人歸穹帳外鳥亂廢營間此地秋堪想霜前作意還
送李真出塞

邊城官尚惡况乃是羈遊別路應相憶離亭更少番
黃沙人外闊飛雪馬前稠甚險穹廬宿無為過代州

寄終南隱者

海日東南出應開嶺上扉掃壇花入簞科竹露霑衣
飯後嫌身重茶中見鳥歸相思愛民者難說與親遠

贈隱者

自得高閑性平生向此棲月潭雲影短一作新山葉雨聲

齊庭樹人書匣欄花鳥坐低相番永不忘經宿話丹

梯
贈禪師

夢想青山寺前年任此中夜堂吹竹雨春地落花風蕩
句師曾見清齋我亦同浮生塞莫問辛苦未成功

送禪僧

寒空孤鳥度落日一僧歸近寺路聞梵出郊風滿衣
步搖鉸浪起孟夏磬聲微還坐棲禪所荒山月照扉

贈隱者

門前雖有徑絕向世間行
薙草因逢藥移花便得鶯
甘貧元是道苦李不為名
莫恠蒼髭晚無機任世情
冬日送僧歸吳中

去掃東林下閑持未徧經
為山低鑿牖容月廣開庭
舊業雲千里生涯水一併
還應覓新句看雪倚禪扃

恭僖皇太后挽歌詞三首

八月曾殊選三星固異儀
祔陵經灞澹歸賙雜華夷
旌去題新謚宮存鑠素帟
重泉應不恨生見太平時

月落娥兼隱宮空后豈還
銜哀窮地界親蒞泣天顏
薦任留丹藥新陵在碧山
國人傷莫及應只詠閔
配聖三朝隔靈儀萬姓哀
少年好黃老舊日薦賢才
道著標彤管宮閑閑綠苔
平生六衣在曾著祀高禔
送胡澳下第歸蒲津

無媒甘不飛君子尚麻衣
歲月終榮在家園近且歸
山光臨舜廟河氣隔王畿
甚積湯原思青之宿麥肥

春日閑居

權門多見薄吾道豈終行
散地徒憂國良時不在城

花繁春正王茶美 初驚賴有茲文在猶堪暢此生

題逃戶

幾世嘗農桑凶年竟失鄉朽關生濕菌頽屋照斜陽
雨水淹殘臼葵花壓倒墻明時豈致此應自負蒼乙

郊居答客

傍舍蟲聲滿殘秋宿雨村遠勞才子騎光顧野人門
敗葉盤空蔓彫叢露暗根相攜語未盡川月照黃昏

早春歸山中舊居

茫茫驅匹馬歸處是荒榛猿跡破庭雪鼠蹤生甑塵

開門衝網斷掃葉放苔勻為惜詩情錯應難致此身

麟中寓居寄蒲中友人

蕭條秋雨地獨院阻同羣一夜驚為客多年不見君
邊心生落日鄉思羨歸雲更在相思處子規燈下聞

關中送別

一行千里外幾事寸心間才子貧堪歎男兒別是閑
黃河淹華岳白日照潼關若值鄉人問終軍賤不還
寓居有懷呈蕙知

綠草閑閑院悄然花正開新年人未去戊日鷺還來

兩地殘枯沐燈窓積蕩煤歸田語不忘樗散斜非才

下第後春日長安寓居三首

一榜盡精選此身猶陸沉自無公謹分敢抱怨尤心
暖陌開花氣春居閉日陰相知豈不有知淺未知深
暫屈固何恨所憂無此情隔年空仰望臨日又參差
勞力且成病壯心能不衰猶將琢磨意更欲俟宗師
關東歸不得豈是愛他鄉草碧餘花落春閑白日長
全家期聖澤半路敢農桑獨立應無侶浮生欲自傷
春早選寓長安二首

踈拙自沉昏長安豈是村春非閑客事花在五侯門
道僻惟憂禍詩深不敢論揚雄若有薦君聖合承恩
舊論已浮海此心猶滯秦上僚如報國公道豈無人
巖隱懸溪瀑城居入榻塵漁舟即擬去不待晚年身

送許棠下第東歸

長安那不住西笑又東行若以貧無計何因事有成
雲峯天外出江色草中明謾忝相於分吾言世甚輕

詠島

孤島如江上詩家獨閉門一池分倒影空舸繫荒根

烟濕高吟石雲生偶坐痕登臨有新句公退與誰論
冬日寓懷

幕府盡平蠻客留戎閩閩急流霜夾水輕靄日連山
設醴徒慙楚為卽未姓顏斯文苦不勝會擬老民間
和揚中丞早春卽事

貴宅登臨地春來見物華遠江橋外色繁杏竹邊花
戎客烽樓迥文君酒幔斜新題好不極珠府未窮奢
聞官軍破吉浪戎小而固慮史氏遺忽因記
為二章

一戰便抽兵蠻孤吉浪平通連無蕩穴要害有新城
晝卒烽前寢春農界上耕高樓一擬望新雨劔南清
瀘水斬蠹氛妖巢已自焚漢壇無敵國蜚物在迴軍
越雋通遊客苴咩閉聚蚊空餘羅鳳曲哀思滿邊雲
寒食有懷

流落傷寒食登臨望歲城村毬高過索墳樹綠和花
晉聚應搜火秦喧定走車誰知恨榆柳風景似吾家

錦樓

溪邊人浣沙樓下海棠花極望雖懷土多情擬置家

前山應象外此地已天涯未有銷憂賦梁王禮欲奢
丈室久多病小園晴獨遊鳴蛩孤燭雨啁雀一籌秋
聖主恩難謝生靈志亦憂他年誰識我心跡在徐州

贈歌人

溫燠坐相侵羅襦一水沉
拜深知有意令背不無心
近住應名玉前生的姓陰
東山期已定相許便抽簪
柘枝詞三首

同營三十萬震鼓伐西羗
戰血黏秋草征塵攪夕陽

歸來人不識帝里獨戎裝

懸軍征拓羯內地隔蕭關
日色崑崙上風聲朔漠間
何當千萬騎颯々貳師還
意氣成功日春風起絮天
樓臺新卽第歌舞小婵娟
急破催搖曳羅衫半脫肩

詠柳花

浮生失意頭起絮又飄淪
發自誰家樹飛來獨院春
朝容縈新砌晴影過諸隣
亂掩宮中蝶絮衝陌上人
隨波應到海霑雨或依塵
會向慈恩日輕々對此身

一葉落

輕葉獨悠悠，天高片影流。
隨風來此地，何樹落先秋。
變色黃應近，辭林綠尚稠。
無雙浮水面，孤絕落關頭。
下減誠難覺，將凋勢未休。
客心空自比，誰肯問新愁。

行路難

何處力堪殫，人心險萬端。
藏山難測度，暗水自波瀾。
對面如千里，迴腸似七盤。
已經吳坂困，欲向鴈門難。
南北誠須泣，高深不可干。
無因善行止，車輒得平安。

蔡州蔣亭

草徑徹林間，過橋如入山。
蔡侯添水榭，蔣氏本柴關。
靜汎窮幽趣，驚飛濕醉顏。
恨無優俸買，來得暫時閑。
步與招提接，舟臨夕照還。
春風應不到，前想負花灣。

戲題

閃閃動鳴璫，初來燭影傍。
擁頭珠翠重，縈步綺羅長。
靜發歌如磬，連飄氣覺香。
不言微有笑，多媚摠無粧。
坐缺初離席，簾垂却入房。
思惟不是夢，此會勝高唐。

酬曹侍御見寄

儒道苦不勝，邇來唯慕禪。
觸途非巧者，於世分沉然。

要地羞難入閑居孰更便清和桃李食悶寂閉花眠
累遣期拋俸機忘怕與權妨春愁竟權響夜憶林泉
匪石從遭剛殊膏枉被煎討論唯子厚截退合吾先
舊製羣英伏來章六義全休旬一擬和卿思亂情田

送趙道士歸天目舊山

愚朴尚公平此心隣道情有緣終自鄙何計逐師行
日者聞高躅時人蓋強名口無滋味入身有羽儀生
奏乞還鄉遠詩曾對御成土毛珍到越塵髮倦離京
符呪風雷惡朝修月露清觀臨天目頂家住海潮聲

道引圖看足參同注解精休糧一擬問忽草俟回程

除夜作

和吹度穹旻虛徐接建寅不辭加一歲唯喜到三春
燎照雲烟好幡懸井邑新禎祥應北極調燮驗平津
樹欲含遲日山將退舊塵蘭萎殘此夜竹爆和諸隣
祝壽思明聖驅儼看鬼神團圓弓少筆眠寢獨勞筋
茜旆猶雙節雕盤又五辛何當平賊後歸作自由身

桃花

秀氣自天鍾千年豈易逢開齊全未落繁極欲相重

冷濕朝如淡晴乾午更濃風花新社鷺時節舊春農
鶯落欵臨竹亭臺盛間松亂綠堪羨蟻深入不如蜂
有影宜暄照無言自冶容洞連非俗世溪靜接仙蹤
子熟何應變根盤土已封西王潛愛惜東荆盜過從
醉席眠英好題詩戀景慵芳菲聊一望何必在臨邛

黃河

何處發崑崙連乾復浸坤波渾經鴈塞聲振自龍門
岸裂新衝勢灘餘舊落痕橫溝通海上遠色盡山根
勇逗三峯拆雄標四瀆尊鸞中秋景樹閣外夕陽村

沫亂知魚吻槎來見鳥躡飛沙當白日疑霧接黃昏
潤可資農卦清能表帝恩雨吟堪極目風渡想驚魂
顯瑞龜曾山陰靈栢固存盤渦寒漸急淺瀨暑微溫
九曲終柔勝常流可暗吞人間無博望誰復到窮源

華岳

簇乙復亭三峯卓杳冥每思窮本末應合記圖經
發地連宮觀衝天接井星河微臨巨勢秦重載奇形
太古朝羣后中英擘巨靈隣州猶映檻幾懸恰當庭
鶴毳壇風亂龍漿洞水腥望遙通北極上徹見東溟

客翫晴難偶農祈雨必零度閔無暑氣過路得愁醒
羽客時應見霜猿夜可聽頂懸飛瀑峻崦合白雲青
混石猜良玉尋苗得茯苓從官如側近悉俸致巖扃

秋雨

宿雨覺纔初亭林忽復徐簇聲諸樹密懸滴四簷踈
省漏疑方丈愁炊問斗儲步難弓入屐窻淺欲飄書
動蠖蒼苔靜藏蠶落葉虛吹交來翕習雷慢歇躊躇
滯已妨行路晴應好荷鋤醉樓思蜀客鯉市想淮魚
逢草因緣合欄花自此除有形皆霏霰無地不汚瀦

境晦宜甘寢風清我魂驚曉簟隣話喜秋蔬既
用功成歲旋慘變舒倉箱足可恃歸去傲吾廬

春日旅舍書懷

出去歸來旅食人麻衣長帶幾坊塵開門草色朝無
客落按燈花夜一身貧舍卧弓消永日故園陰老憶
殘春蹉跎冠冕誰相念二十年中盡苦辛

秋日將離滑臺酬所知二首

身起中宵骨亦驚一分年少已無成松吹竹簟朝眠
冷雨濕蔬食宿疾生僮汲野泉兼土味馬磨霜樹作

秋聲相知莫話詩心苦未似前賢取得名

燈灑秋光靜不眠葉聲身影獨窓前閉園露濕鳴蛩

夜餘兩風吹落木天城見遠山應北嶽野多空地本

南燕明朝欲別志形處愁把離杯聽管絃

下第後夷門乘舟至永城驛題

秋賦春還計盡違自知身是拙求知唯思曠海為休

處忽喜孤舟似去時連浦一程兼汴宋夾堤千柳雜

唐隋從來此恨皆前達敢負吾君作楚辭

秋夜旅舍寓懷

林鎖荒蕪獨夜吟西風吹動故山心三秋木落半年

客滿地月明何處砧漁唱亂_注汀露合鴈聲寒咽隴

雲深平生只有松堪對_注露_注霜欺不受侵

洛下寓懷

胡為遭遇孰為官朝野君親各自權敢向官途爭虎

首尚嫌身累愛猪肝冰霜谷口樵遠星火爐邊夜

生寒唯有報恩心未剖退居猶歆佩_注荊蘭

題平湖

平湖之畔雨晴新南北東西不隔塵映野烟波浮動

日損花風雨寂寥春山無俗路巖高士岸泊仙舟憶
主人那得載來都未保此心離此甚情親

平陽偶懷

晉國風流沮洳川家之絃管路岐邊曾為郡職隨分
竹亦作歌詞乞採蓮北榭遠峯閑即望西湖殘景醉
常眠墻花此日休迴避不是當時惡少年

留題汾上舊居

鄉園一別五年歸迴首人間摠禍機尚勝隣翁常寐
寔敢嫌裘馬未輕肥塵顏不見應消落庭樹曾栽已

合園難說累牽還却去可憐榆柳尚依之

懷汾上舊居

素汾千載傍吾家常憶衡門對浣沙好事喜逢投宿
客刈田因得自生瓜山頭鼓笛陰沉廟陌上新蒸突
兀車投暗作珠何所用被人專擬害靈蛇

送同儒大德歸栢梯寺

栢梯還擬讓微官遙擬千峯送法蘭行徑未曾青石
斷拂床終有白雲殘京塵濯後三衣絮山舍禪初萬
象安薇蕨縱多師莫路我心猶欲畫圖看

春日使府寓懷二首

一想流年百事驚已拋漁父戴塵纓青春背我堂
去白髮欺人故生道困古來應有分詩傳身後亦
何榮誰憐合負清朝力獨把風騷破鄭聲
平生無解亦無操永日書中生獨勞唯覺宦情如水
薄不知人事有山高孤心好直迤猶強病髮慵梳癢
更搔何事故溪婦未得機拋清淺汎紅桃

許州題德星亭

漢水南流東有堤邊亭是武陵溪槎松配石堪僧

生藥杏含春欲鳥啼高樹月生滄海外遠山在夕陽
西頻來不似軍從事只戴紗巾只杖藜

送人歸上黨

時潞寇
初平

燕臺基壞穴狐蛇計拙因循歲月賒兵革未銷王在
鎬桑蠶臨熟客還家霏微對岸漳邊雨堆阜隣壇薊
北沙若到長平戰場地為求遺鏃辟魔邪

春日重遊平湖

湖上春風發管絃須臨三十此離筵離人忽有重來
日游女初非舊少年官職已辜疲察望詩名空被後

生傳啼鶯莫惜嗟
蛇恨閑事聽吟一兩篇

并州

少年流落在并州
下脫文君取次遊
攜挈共過芳草
渡登臨齊凭綠楊樓
庭前蛺蝶春方好
牀上楞蒲宿未收
坊號偃松人在否
餅爐南畔曲西頭

相國隴西公南征能以留務獨宿府城作

吾君賢相事南征
獨宿軍厨負請纓
燈室臥孤如怨別
月階簷草似臨行
高墉撼鐸思已棧
老木嗥風念野營
殊憶好僧招不及
夜來倉卒鑠嚴城

早春書事

百蠻降伏奏三秦
錦里風迴歲已新
渠溢水泉花巷濕
日銷冰雪柳營春
何年道勝蘇群物
盡室天涯是旅人
焚却蜀書宜不讀
武侯無可律余身

春日書懷

伯牙絃絕豈求知
往々情牽自有詩
寵月正當寒食夜
春陰初過海棠時
耽書未必酬良相
斷酒堆堪作老師
多病不任衣更薄
東風臺上莫相吹

投杜舍人

床上新詩詔草和攔邊清酒落花多閑消白日舍人
重夢覺紫微山鳥過春刻幾分添禁漏夏桐初葉滿
庭柯風騷委地苦無主此事聖君終若何

獻僕射相公

清如冰

一作雪

重如山百辟嚴趨禮絕攀疆虜外聞應

喪膽平人長見盡開顏朝廷有道青春好門館無私

白日閑致却垂衣更何事幾多詩句詠閑

上鹽鐵尚書

時大庾宿齋

南宮環雉隔囂塵况值清齋宿大臣城絕鼓鍾更點

後雨涼烟樹月華新簷前漱曉窈蒼碧庭下眠秋沉
灑津聞說務閑心更靜此時憂國合求人

漢南春望

獨尋春色上高臺三月黃州駕未迴幾處松筠燒後
死誰家桃李亂中開姦邪用法元非法唱和求才不
是才自古浮雲蔽白日洗天風雨幾時來

晚春

惡憐風景極交親每恨年々作瘦人臥晚不嘗拋好
夜情多唯欲哭殘春陰成杏葉纔通日雨着楊花已

汚塵無限後期知有在只愁還作摠戎身

將赴鎮過太康縣有題

纔入東郊便太康自聽何暮豈龔黃
晴村透日桑榆影曉露濕秋禾黍香
十萬旌旗移巨鎮幾多輓輓負孤莊
時人欲識征東將看取攬槍落太荒

彭門解嘲二首

嗚嗚吹角貳師營落日身閑弄扇行
盡覓文章尊萬事却嫌官職刺雙旌
終休未擬降低屈忽遇還須致太平
頻上水樓誰會我泗濱浮磬是同聲

傷禽栖後意猶驚偶向鸚鵡竿脫此生
身外不思簪組事耳中唯要管絃聲
耽吟乍可妨時務淺飲無因致宿醒
秦客莫嘲瓜戍遠水風蕭灑是彭城

清河汎舟

都人層立似山丘坐嘯將軍擁棹遊
遠郭烟波浮泗水一舸絲竹載涼州
城中觀望皆丹雘旗裏驚飛盡白鷗
儒將不須誇却毅未聞詩句解風流

新行竹

柳營茅土倦簷材因向山家乞翠栽
清露便終夜滴

好風疑是故園來，攔邊匠去朱猶濕。漑後蟲浮穴暗，
開他日會應威鳳。夜至莫辭公府受塵埃。

晚春

征東番滯一年年，又向軍前過火前。盡出鷓鴣舟，宜被
楔鏤成雞卵。有鞦韆澄明野水，孤城立狼籍。風花落
日眠，賴指清和櫻筍熟。不然愁殺暮春天。

題彭祖樓

新晴天狀濕融之，徐國灘聲上下洪。極目澄鮮無限
景入懷，輕好可憐風。身防潦倒師彭祖，妓擁登臨媿

譏公誰致此樓，潛惠我萬家。殘照在河東。

漢廟祈雨迴陽春亭有懷

南榮輕檻接城闈，適罷祈農此訪春。九九已從南至，
盡芊芊初傍北籬。新池中水是前秋雨，陌上風驚自
古塵。欲召羅敷傾一盞，乘間言語不容人。

送李倍秀才

南朝才子尚途窮，畢竟應須問葉公。書劍伴身離泗
上雪，風吹面立船中。家園棗熟婦圭竇，會府槐疎試
射弓。相顧日偏留不得，夜深聊欲一盃同。

重遊德星亭感事

潁水川中挾水臺當時難別此
重來舟沉土岸生新
草詩映紗籠有薄埃事繫興亡人少到地當今古我
遲迴殘陽照樹明於旭猶向池邊把酒盃

許州題觀察判官廳

三載從戎類繫匏重遊全許尚分茅
劉卽別後無遺履丁令歸來有舊巢
冬暖井梧多未落夜寒窻竹自相敲
纖腰弟子知千恨笑與揚雄作解嘲

閑題

八年藩翰似僑居只此誰知報玉除
舊將已成三僕射老身猶是六尚書
時丁厚讜終無咎道致中興尚有餘
為問春風誰是主空催弱柳擬何如

送福建李大夫

洛州良牧帥旣阡曾是西垣作諫臣
紅旆已勝前尹正尺書猶帶舊絲綸
秋來海幽都鴈船到城添外國人行過小藩應大笑只知誇近不知貧

送李信巡官歸永樂舊居

羨君歸去五峰前往往星河實見仙
麥壠夏枯成廢

地棗枝秋赤近高天山泉飲犢流弓變村酒經蠶味
可憐曾約道門終老住步虛聲裏寄閑眠

牡丹

去年零落暮春時淡濕紅牋怨別詩常恐便隨巫峽
散何因重有武陵期傳情每向馨香得不語還應彼
此知欲就攔邊安枕席夜深閑共說相思

老圃堂

邵平瓜地接吾廬穀雨乾時偶自鋤昨日春風欺不
在就床吹落讀殘書

春題

柳莫搖之花莫開此心因病亦成灰人生只有家園
樂及取春濃歸去來

中秋旅舍書懷

十指宮商膝上絃七條絲動雨修修空堂半夜孤燈
冷彈着鄉心欲白頭

贈出塞客

出郊征騎逐風埃此別惟愁春未迴寒葉夕陽投宿
意蘆關門向遠河開

蒲中霽後晚望

河邊霽色無人見，身帶春風立岸頭。
濁水茫茫有何意，日斜還向古蒲州。

關中殊夕

簞濕秋庭嶽在烟，露光明滑竹蒼然。
何人意緒還相似，鶴宿松枝月半天。

曲江醉題

閑身行止屬年華，馬上懷中盡落花。
狂徧曲江還醉臥，覺來人靜日西斜。

塾屋官舍新竹

心覺清涼體似吹，滿風輕撼葉垂垂。
無端種在幽閑地，衆鳥嫌寒鳳未知。

銅雀臺

魏帝當時銅雀臺，黃花深映棘叢開。
人生貴富須迴首，此地豈無歌舞來。

贈普恭禪師

一日迢迢每一食，我心難伏我無難。
南簷十月繩床暖，背卷真經向日看。

妹題

獨坐東南見曉星白雲微透次寥青磷々甃石堪僧
坐一葉梧桐落半庭

鴈和常侍御

肅々雍々義有餘九天鷺鳳莫相踈唯應靜向山窻
過激發英雄夜讀書

蜀中起府帥相公過安撫崔判官廳不遇什之

竹映高墻似傍山鄒陽歸後令威還君看將相才
少兩首詩成七步間

寒食日題

美人寒食事春風折盡青青賞盡紅夜半無燈還有
睡鞦韆懸在月明中

春詠

春來還似去年時手把花枝唱竹枝狂瘦未曾食有
味不緣中酒却緣詩

戲瞻相

失意蹉跎到舊遊見吹楊柳便遮羞瞻相趙女休相
拽不及人前詐擡頭

贈常氏歌人

一曲新聲慘畫堂可能心事憶周郎朝來為客頻開口綻盡桃花幾許香

折揚柳十首

有序此曲盛傳為詞者甚眾文人才子各樹其能莫不條似舞腰華如眉翠出口皆然頗為陳熟能專于詩律不愛隨人搜難抉新善脫常態雖款勿伐知音其合諸

華清高樹出離宮南陌柔條帶煖風誰見輕陰是良夜瀑泉聲畔月明中

洛橋晴影覆江船羌笛秋聲濕塞烟閑想習池公宴罷水蒲風絮夕陽天

嫩綠輕懸似綴旒路人遙見隔宮樓誰能更近丹墀

種解播皇風入九州

暖風晴日斷浮埃廢路新條發釣臺處處輕陰可憫

悵後人攀處古人栽

潭上江邊嫋嫋垂日高風靜絮相隨青樓一樹無人

見正是女郎眠覺時

汴水高懸百萬條風清兩岸一時搖隋家力盡虛栽

得無限春風屬聖朝

和花烟樹九重城夾岸春陰十萬營唯向邊頭不堪

望一林顛顚少人行

意外齊重旭日初樓邊輕好暖風徐遊人莫道裁無
益苑李清陰却不如
衆木猶寒獨早青御溝橋畔曲江亭陶家舊日應如
此一院春條綠遠廳
帳偃纓垂細復繁令人心想石家園風條月影皆堪
重何事侯門愛樹萱

柳枝三首

此詩元有三篇末一篇與諸本不同今兩存之

數首新詞帶恨成柳絲牽我傷情柔娥幸有腰肢
穩試踏吹聲作唱聲

高出軍營遠映橋賊兵曾斫火曾燒風流性在終難
收依舊春來萬一條
縣依陶令想嫌透營伴將軍即大廳此日與君除萬
恨數篇風調更應無
狂似纖腰嫩勝綿自多情態竟誰憐遊人不折還堪
恨拋向橋邊與路邊

柳枝詞五首

并序

乾符五年許州刺史薛能於郡閣與幕中談賓酣飲
酷耐因令部妓少女作揚柳枝健舞復賦其詞無可

聽者自以五絕為揚柳新聲
朝陽晴照綠楊烟一別通波十七年應有舊枝無處
覓萬株風裏卓旌旃
晴垂芳態吐芽新兩擺輕條濕面春別有出墻高數
尺不知搖動是何人
暖梳簪朶事登樓因掛垂楊之地愁牽斷綠絲攀不
及半空懸着玉搔頭
西園高樹後庭根處處尋芳有折痕終憶我遊挑葉
舍一株枝斜映竹籬門

劉白蘇臺摠近時當初章句是誰推

但文字太僻宮商不高奇

纖腰舞盡春揚柳未有懷家一首詩

劉白二尚書繼為蘇州刺史

賦揚柳枝詞世多傳唱雖有才語

者豈斯人徒欲洋洋乎唐其之唐受

吳姬八首

夜鑲重門晝亦監眼波嬌利瘦巖々偏憐不怕傍人
笑自把春羅等舞衫
龍麝熏多骨亦香因經寒食好風光何人盡得天生
態枕破施朱隔宿粧
滴々春霖透荔枝筆題牋動手中垂天陰不得君王
召頻着青蛾作小詩

退紅香汗濕輕紗高捲蚊厨獨臥斜嬌淚半垂珠不
破恨君真折後庭花
盡燭燒蘭暖復迷殿帷深密下銀泥開門欲作侵晨
散已是明朝日向西
樓臺重疊滿天雲殷々鳴鼉世上聞此日揚花初似
雪女兒絃管弄參軍
冠剪黃綃帳紫羅薄施鉛粉盡青蛾因將素手誇纖
巧從此枌房寵更多
身是三千第一名內家叢裏獨分明芙蓉殿上中元

日水拍銀盤弄化生
舟行至平羌

貌虎直沙壩嚴更護早眠簇霜孤驛樹照日下江船
暫去非吳起終休愛魯連平羌無一術候吏莫加違

龍興寺

高戶列禪房松門到上房像開祇樹嶺人施蜀城香
地徧磷々石江移了了檣林僧語不盡身投事梁王

開元寺閣

一閣見一郡亂流仍亂山未能終日^性尤愛暫時閑唱

掉吳門去啼林杜宇還高僧不可羨西景掩一作生禪關

凌雲寺

像閣與山齊何人致石梯萬烟生聚落一崦露招提
齋月人來上殘陽鴿去棲從邊亦已極烽火是沉黎

石堂溪

三面接渙樵前門向郡橋岸沙崩橘樹山迳入茶苗
夜擁軍烟合春浮妓舸邀此心無與醉花景莫相燒

荔枝樓

高檻起邊愁荔枝誰致樓會須教匠圻不欲見蠻陬

樹瘁無春影天連覺漢流仲宣如可擬即此是荊州

聖崗

古跡是何王平身入石房遠村通後逕一郡隔前崗
晝靜唯禪客春來有女郎獨醒迴不得無事可焚香

蜀州鄭史君寄烏甫茶因以贈荅八韻

烏甫擷渾牙精靈勝鑊錒烹嘗方帶酒滋味更無茶
拒碾乾聲細撐封利穎斜銜蘆齊勁實啄木聚菁華
鹽損添常誠薑宜著更誇得來拋道藥携去就僧家
旋覓前甌淺還愁後信賒千慙故人意此意敵丹砂

暇日寓懷寄朝中親友

命與才違豈自由我身何負我身愁臨生白髮方監

郡遙耻青衣懶上樓

即南有
青衣山

過客悶嫌踈妓藥小兒慙愛

貌貅閑吟一寄清朝侶未必淮陰不拜侯

春日寓懷

幽拙未謀身無端患不均盜憎猶念物花盡不知春

井邑常多幣江山豈有神捷為何處在一擬吊埋輪

監郡捷為舟中寓題寄同舍

一寢閑身萬事空任天教作假文翁旗穿島樹孤舟

上家在山亭每日中疊果盤餐丹橘地落花床席早

梅風佳期說盡君應笑劉表樽前且不同

將歸使府登通濟樓寓題

幾日監臨向蜀春錯拋歌酒強愛人江樓一望西歸

去不負嘉州只負身

開元觀閑遊因及浚溪偶成二韻

山屐經過滿途蹤隔溪遙見夕陽春當時諸葛成何

事只合終身作臥龍

自諷

千題萬詠過三旬
忘食貪魔作瘦人
行處便吟君莫笑
就中詩病不任春

江柳

條綠似垂纓
離筵日照輕
向人雖有態
傷我為無情
橋遠孤臨水
牆低半出營
天津曾此見
亦是愴行

寄吉諫議

將迎須李返
抽身合致蹉
馳敢效頻性
靜擬歸無上
士跡踈常負
有情人終憑
二頃謀婚嫁
謬著千篇斷
斧斤聞說舊
交賢且違欵
彈章甫自羞
貧

江上寄情

天際歸舟浩渺一作中
我関王澤道
何窮未為時
彥徒經國尚有邊
兵恥佐戎釀
忝氣香村欲
社斫桑春靜野
無風年來新
定知休處一
樹繁花一畝宮

平蓋觀

巨栢與山高
玄門靜有揉
春風開野杏
落日照江濤
白壁心難說
青雲世未遭
天涯望不極
誰識詠離騷

過象耳山二首

一色青松幾萬栽
異香薰路帶花開
山門欲別心潛

願更到蜀中還到來
到處逢山便欲登
自疑身作往來僧
徒行至此三十
里不是有緣應不能

春霽

久客孤舟上天涯
漱曉津野芳槿似柳江
霽雪起春
吏叫能驚鴛官廳實害身
何當窮蜀境却憶滯遊人

春居即事

雲密露晨暉西園獨掩扉
兩新臨斷火春冷著單衣
榆莢奔風健蘭芽負土肥
交親不是變自作寄書稀

寓題

王澤猶來雅在新尚詞微
事何愁人唾蛙滿夜闌
睚弱猶賀清朝有此身

邊城寓題

孤蹇復飄零天涯若墮螢
東風吹痼疾暖日極青冥
蠶市婦農醉渙舟釣客醒
論邦苦不早抵此負王庭

春日江居寓懷

歸興乍離邊蘭橈復錦川
斫春槎拚樹消雪上膏田
岸暖尋新菜舟寒著舊綿
臨卬若箇是欲向酒家眠

邊城作
未嘗
中
古
向
自
家

行止象分符
監州是戲儒
管排蠻戶遠
出菁鳥巢
孤

蜀人謂稅
為排戶謂林為叢菁
北向秦何在
南來蜀已無
懷沙悔不及
只

有便乘桴
津
舟
健
舟
頭
餘
味
苦
不
早
姓
地
負
王
五

囊中書是居山
寫海畔家
憑乞食還
吾子莫愁
登第

晚古人惟愛賤
遊閑舟行散
適江亭上
即宴歌吟
蠟

燭間從此樂
章休叙戰
漢兵無陣
亦無蠻

蜀題

